

ዩሱሴኮ ዋኦይና ማስቲዎና ፃላሄ ዒዛ ዎይታቴያ ዛጋኒ ገሼህሂ
 (3:13—4:11)
 ዩሱሴኮ ማደና ገሊላይዳ ዓሶ ቤርታ ፔጋዲያ (4:12—18:35)
 ገሊላይዳ፣ ዩሩሳሌም ሄላንዳኣና (19:1—20:34)
 ጋፒንጾ ቃልሾ ኬሎና ዩሩሳሌምይዳ ሃሃ ኮይሎ ዓጮናይዳ
 (21:1—27:66)
 ጎዳኮ ሃይባፓ ዔቂዎና ሽምፔና ዓኣያ ማዒ ጴዲያና ዛሎ (28:1-20)

ዩሱሴኮ ሾይንቶ ዜርዎ
 (ሉቃ. 3:23-38)

1 ዓብራሃምና ዳውቴናኮ ፃጳሂ ማዔ ዩሱስ ኪሪስቶሴኮ ሾይንቶ ዜርዎ ሂዚኩ፡-

2 ዓብራሃም ዩሳኣቄ፤ ዩሳኣቄ ያይቆኦቤ፤ ያይቆኦቤ ዩሁዳና ገርሲንሂና ሾዔኔ። 3 ዩሁዳ ቲዒማሮ ጎዎ ላኣሌሎይዳ፣ ፓርሴና ዛራሄና ሾዔኔ፤ ፓርሴ ሄደሮኔ፤ ሄደሮኔ ራማ ሾዔኔ። 4 ራማ ዓምናኣዳኣቤ፤ ዓምናኣዳኣቤና ናዎሴ፤ ናዎሴ ሴልሞኔ ሾዔኔ። 5 ሴልሞኔ ራባ ጎዎ ላኣሌሎይዳ፣ ቦዔዜ ሾዔኔ፤ ቦዔዜና ሩኡቴ ጎዎ ላኣሌሎይዳ፣ ዒዮቤዴ፤ ዒዮቤዴና ዒሴዬ ሾዔኔ። 6 ዒሴዬ ካኣቲ ዳውቴ ሾዔኔ።

ካኣቲ ዳውቴያ ያሪዮ ማሾይዳ፣ ሴሎሞኔ ሾዔኔ። 7 ሴሎሞኔ ሮቢዓም፤ ሮቢዓም ዓቢያ፤ ዓቢያ ዓሳኣፔ ሾዔኔ። 8 ዓሳኣፔ ዒዮሳፒፄ፤ ዒዮሳፒፄ ዒዮራም፤ ዒዮራም ያዚያ ሾዔኔ። 9 ያዚያ ዒዮዓታም፤ ዒዮዓታም ዓካኣዜ፤ ዓካኣዜ ሂዚቂያሴ ሾዔኔ። 10 ሂዚቂያሴ ሚናኣሴ፤ ሚናኣሴ ዓምኦኔ፤ ዓምኦኔ ዒዮሲያሴ ሾዔኔ። 11 ዒዮሲያሴ ዒሰራዔኤሌ ዴራ ባብሎኔ ዓጮ ዲዒንቲ ዔውቴ ዎዶና ዮዓኩና ገርሲንሂና ሾዔኔ።

12 ባብሎኔ ዓጮ ዲዒንቲኮ ገንፃፓ ዮዓኩ ሳላቲያሌ፤ ሳላቲያሌ ዜሪባቡሌ ሾዔኔ። 13 ዜሪባቡሌ ዓብዲዮዴ፤ ዓብዲዮዴ ዔኤሊያቄም፤ ዔኤሊያቄም ዓዛሬ ሾዔኔ። 14 ዓዛሬ ሳዶቄ፤ ሳዶቄ ዓከም፤ ዓከም ዔኤሊዩዴ ሾዔኔ። 15 ዔኤሊዩዴ ዓላዜሬ፤ ዓላዜሬ ማኣታኣኔ፤ ማኣታኣኔ ያይቆኦቤ ሾዔኔ። 16 ያይቆኦቤ ዮሴፔ

1:1 1:1 ዓይኑ. 132:11፤ ዒሲ. 11:1። 1:6 1:6 ሩኡቴ 4:18-22፤ 1ዎኦሲ. ዓሃኩ 2:13-15። 1:11 1:11 2ካኣቶ. ማ 24:14-15፤ 2ዎኦሲ. ዓሃኩ 36:10፤ ዓር. 27:20።

ሾዔኔ፤ ዩይ ዮሴፔ ሜሲሄ * ጌይንቴ፣ ዩሱሴኮ ዒንዶ ማይራሞ ዔኬሢኪክ።

17 ዓካሪ ዓብራሃሜይዳፓ ዳውቴ ሄላንዳእና ታጳ ያይዶ ሾይንቴ፤ ዳውቴይዳፓ ባብሎኔ ዓጮ ዲዒንቶ ሄላንዳእና ታጳ ያይዶ ሾይንቴ፤ ባብሎኔ ዓጮ ዲዒንቶይዳፓ ሜሲሄ ሄላንዳእና ታጳ ያይዶ ሾይንቴክ።

ዩሱሴ ኪሪሰቶሴኮ ሾይንቶ
(ሉቃ. 2:1-7)

18 ዩሱሴ ኪሪሰቶሴኮ ሾይንቶ ጎይፃ ያደከኔ፤ ዒዛኮ ዒንዳ፣ ማይራማ ዮሴፔና ያኦጪንቴ ዔያታ ዋሊ ዔኩዋንቴ ዓያና ጌኤሺዳፓ ዒዛ ጎጲ ዔኪ ጴዳኔ። 19 ዒዛ ያኦጪሢ ዮሴፔ ጋዓንቴ ኮሺ ዓሲ ማዔሢሮ ዓሲ ቤርቲዳ ዒዛ ዳውሲሳኒ ኮዒባኣሢሮ ዳሜና ሃሻኒ ማሌኔ። 20 ዩሮ ማሊያና ዒ ዓኣንቴ፣ ያኦሲኮ ኪኢታንቸ ዓውቲና ዒዛሞ ጴዳዮ፡- «ዳውቴ ናዓሦ፣ ዮሴፔ! ኔኤኒ ያኦጪዛ፣ ማይራማ ጎጲዳሢ ዓያና ጌኤሺዳፓ ማዔሢሮ ማሊ ሂርጉሞ ዒዛ ዔዔክ። 21 ዒዛ ዓቲንቄ ናይ ሾዓንዳኔ፤ ዒዚ ዳሮ ጎሞይዳፓ ዳቁሻንዳሢሮ ሱንፃ ዒዛኮ ኔ «ዩሱሴ» ጌይ ጌሢ» ጌዔኔ።

22 ዩይ ቢያ ያደኒ ማዔሢ ያኦሲ፣ ፔ ማሊያ ከኤዛ ዒሲያሴ ዛሎና፡- 23 «ሃይሾ ዓቲንቄ ዔሩሞ ኩሙሢ ዉዲሮ ናይ ጎጲ ዔኪ፣ ዓቲንቄ ናይ ሾዓንዳኔ፤ ሱንፃ ዒዛኮ «ዓማኑዔኤሌ» ጌይንቴ ጌሢንታንዳኔ» ጌዒ ከኤዜሢ ኩማንዳጉዲክ። (ዓማኑዔኤሌ ጌይፃ፡- ያኦሲ ኑኡና ዋላክ ጌይሢክ።)

24 ዮሴፔ ዒማና ጊንዓሰካፓ ጴጫፃ ያኦዛሢኮ ኪኢታንቸሢ ዒዛ ዒይሢ ጎይፃ ዒ ያኦጪ፣ ማይራሞ ዔክኔ። 25 ማዔቶሞ ናፃ ዒዛ ሾዓንዳፃ ሄላንዳእና ዒዛና ዒ ላሂባኣሴ፤ ዩካፓ ዮሴፔ ሾይንቴ ናዓሢኮ ሱንፃ «ዩሱሴ» ጌዒ ጌሢኔ።

2

ዓባ ኬሰካ ዛላፓ ሙኬ ዠኦፓሢ ዛጋ ዔሮ ዓሶ

1 ካኣቲ ሂሮዲሴ ዎዶና ዩሱሴ ዪሁዳ ዓጫ፣ ቤኤቴሌሄሜ ካታሞይዳ ሾይንቴኔ፤ ዩካፓ ዓባ ኬሰካ ዛላፓ ዠኦፓሢ ዛጊ ዔራ ዔሮጊሢ ዩሩሳላሜ ሙኪ፡- 2 «ሾይንቴ፣ ዓይሁዳ ዓሶ ካኣቲ

* **1:16** 1:16 ሜሲሄ፡- ጌሪክ ሙኡቸና ኪሪሰቶሴ ጌይሢ ማዓዛ ቡሊያ፡- «ካኣቲሞሞ ዓርቆናያ» ጌይሢክ። **1:18** 1:18 ሉቃ. 1:27። **1:21** 1:21 ሉቃ. 1:31። **1:23** 1:23 ዒሲ. 7:14። **1:25** 1:25 ሉቃ. 2:21።

ዓንካዳይ? ዓባ ከሰካ ዛሎይዳ ዠክጋሂ ዳንቄ ዒዛሞ ኑ ዚጋኒ ሙከኔ» ገዒኔ።

3 ካኣቲ ሄሮዲሴ ዬያ ዋይዜ ዎደና ዲቃቲኔ፤ ዲቃቲሂ ዒዛ ሌሊቱዋንቲ ዬሩሳሌም ዓጮ ዓሶ ቢያሂኑ። 4 ዒዚያ ቄኤሶኮ ሱኡጎና ዓይሁዶ ዓሶኮ ዎጎ ዒርዛ ዓሶ ቢያ ዓኤሊ፡- «ሜሲሄ ሾይንታንዳሂ ዎካዳይ?» ገይ ዓያቶ ያኣጩኔ።

5 ዓያታ ማሃያ፡- «ሜሲሄ ሾይንታንዳሂ ዪሁዳ ዓጮይዳ ቤኤቴሌሄሜ ካታማኬ፤ ዓይጎር ገዒቶ ያኣሲ ማሊያ ከኤዛሂ ዛሎና።

6 «ዪሁዳ ዓጮይዳ ዓኣ ቤኤቴሌሄሜ ካታሚሌ!

ዪሁዳ ዓጮ ዓኣ ጳኤፖ ጳኤፖ ካታማፓ ኔ ዳካዓከ።

ዓይጎር ገዒቶ ታኣኮ ዳር፣ ዒሰራዔኤሌ ሄንቃንዳያና

ዎይሣንዳይ ኔገዳፓ ከሰካንዳይ» ገይንቲ ፃኣፒንቲሂርከ።

7 ዬካፓ ሄሮዲሴ ዬንሂ ዒር ዓሶንሂ ዳሚና ዓኤሊሲ ዠክጋሂ ዓያቶም ጳጳ ዎዶ ኮሺ ያኣጩ ዒሬኔ፤ 8 ዬካፓ፡- «ሃሂ ዳንዲፓፓ ናዓሂ ዛገ ኮዑዋቲ፤ ታኣኒያ ሃሂ ዳንዲ ዒዛሞ ዚጋንዳጉዲ፣ ዒንሂ ዒዛ ዳዳንቃያ ታ ባንሂ ሙከ ዒዚ ዎካ ዓኣቲያ ታኣሞ ከኤዙዋቲ» ገይ ቤኤቴሌሄሜ ዳከኔ።

9 ዓያታ ካኣቲ ገዒሂ ዋይዜሂኮ ገንፃ ከሰኪ ዓኣዳ ዎደና ዓባ ከሰካ ዛላ ዓያታ ዳንቄ ዠክጋሂ ዓያቶኮ ቤርታ ቤርታ ማዒ ዓያቶ ዒኪ ዓኣዳሂ ላሚ ዓያታ ዳንቄኔ፤ ዬይ ዠክጋሂያ ናዓሂ ዓኣ ቤዛ ሄላያ ዓቄኔ። 10 ዓያታ ዠክጋሂ ዛገ ዎደና ሚርገና ዎዛጳኔ፤ 11 ናዓ ዓኣ ከኤያ ዓያታ ገላያ፣ ናያና ዒንዶ ማይራሞና ዳንቄኔ፤ ዬካፓ ጉሞዓቲ ዒዛሞ ዚጋያ ሳኣፂኖ ዓያቶኮ ቡሊ ዎርቄ፣ ዑንጃ፣ ካርቤ ጎያ ሳውዎ ባኮዎ ዒንገ ዒኢሺኔ፤ ዬይ ባካ ሚርገ ሚኢሺ ከሳያከ።

12 ዬካፓ ያኣሲ ዓያቶ ሄሮዲሴ ባንሂ፣ ሙከ ጎይያና ማዑዋጉዲ ዓውቲና ላኣገሂር፣ ዓያታ ሚሌ ጎይሂና ፔ ዓጮ ማዒ ዳንዳኔ።

ዮሴፕንሂኮ ገብፃ ዓጮ ቤቲያ

13 ዒር ዓሶንሂ ዓኣዳሰካፓ ጎዳኮ ኪኢታንቻ ዮሴፕም ዓውቲና ጳጳያ፡- «ሃካፓ ዔቄ! ኔኤኒ ማዒ ሙካንዳ ዎዶ ታ ኔኤም ከኤዛንዳያ ሄላንዳኣና ናዓሂና ዒንዶና ዓኢ ገብፃ ዓጮ ቤቲ ዒኢካ ዳዔ፤ ዓይጎር ገዒቶ ካኣቲ ሄሮዲሴ ናዓሂ ዎዳኒ ኮዓኔ» ገዒኔ።

14 ዬያር ዮሴፕ ዔቃያ ናዓሂና ዒንዳሎና ዔኪ ዲሞና ገብፃ ዓጮ ዓኣዳኔ። 15 ዒኢካ ካኣቲ ሄሮዲሴ ሃይቃንዳያ ሄላንዳኣና ናንገኔ፤

2:2 2:2 ዒር. 23:5፤ ዛካ. 9:9፤ ፓይ. ማፃ 24:17። 2:6 2:6 ሚኪ. 5:2።

ዬይ ያዲ ማዕሚ ያኦሲ ፔ ማሊያ ከኤዛሢ ዛሎና፡- «ታኦኮ ናዓሢ ገብጻይዳፓ ታ ዔኤሌኔ» ጌዔ ቃኦላ ኩማንዳጉዲኬ።

ካኦቲ ሄሮዲሴ ዳኮ ናኦቶ ዋዲሼሢ

16 ዔሮ ዓሶንሢ ዒዛ ጌሼሢ ሄሮዲሴ ዔሬ ዋደና ሚርጌና ዳጋዲ፡ በኤቴሌሄሜ ካታዋና ከይሎይዳ ዓኦ ጉርዶ ቢያ ዒዛኮ ፖኦሊሶ ዳኪ፡ ላም ለዔና ያፓ ዴማ ማዕ ዓቲንቆ ናኦቶ ቢያ ዋዲሼኔ፤ ዬያ ዒ ሂዴሢ ዠኦጋሢ ዴዴ ዋደ ዔሮንሢዳፓ ያኦጪ ዋይዜ ጎይያናኬ።

17 ያዲ ማዕያና ያኦሲ ማሊያ ከኤዛ ዔርሚያሴ ዛሎና፡-

18 «ዬኤፒና ሚርጌ ዒላቲ ዑኡሲና ራማ ዓጮይዳ ዋይዚንቴኔ፤ ራሂላኦ ፔ ናኦቶ ዛሎሮ ዬኤኬኔ፤ ናኦታ ዒዛኮ ኩዴሢሮ ዶዲያ ባሺንቴኔ»

ጌዒ ከኤዜሢ ኩሜኔ።

ዮሴፕንሢኮ ገብጻ ዓጫፓ ማዒያ

19 ሄሮዲሴ ሃይቁሢኮ ገንፃ ጎዳኮ ኪኢታንቻሢ ዮሴፕም ዓውቲና ዴዳያ፡- 20 «ሃይካፓ ዔቁ! ናዓሢና ዒንዶና ዔኪ ገንሣ ዒሰራዔኤሌ ዓጮ ማዕ፤ ዓይጎሮ ጌዔቶ ናዓሢ ዋዲኒ ኮዓ ዓሳ ቢያ ሃይቁኔ» ጌዔኔ። 21 ዬካፓ ዮሴፕ ዔቁ ናዓሢና ዒንዶና ዔኪ ዒሰራዔኤሌ ዓጮ ማዒ ዴንዴኔ።

22 ጋዓንቴ ዓርኬሌዎሴ ፔ ዓዶ ሄሮዲሴ በዛ፡ ዪሁዳ ዓጮይዳ ካኦታዴሢ ዋይዜሢሮ ዬካ ዓኦዲኒ ዮሴፕ ዒጊጮኔ። ዬካፓ ዓውቲ ዒዛም ከኤዜሢሮ ጌሊላ ዓጮ ዓኦዲ፡ 23 ናዝሬቴ ጌይንታ ካታዋይዳ ናንጌኔ፤ ዬይ ያዲ ማዕሚ ያኦሲ ማሊያ ከኤዛ ዓሶ ዛሎና «ናዝራ ዓሲ» ጌይንታንዳኔ ጌይንቴሢ ኩማንዳጉዲኬ።

3

ማሰካ ዮሃኒሴ ዬሱሴ ዛሎ ዳጊዲ ከኤዜሢ (ማር. 1:1-8፤ ሉቃ. 3:1-18፤ ዮሃ. 1:19-28)

1 ዬና ዋደና ማሰካ ዮሃኒሴ ዪሁዳ ዓጫ ዓሲ ናንጉዋ ዳውሎይዳ ዓሶም ኮዠ ሃይሶ ከኤዚ ከኤዚ ሙኬኔ። 2 ዒዚ ከኤዜሢ፡- «ያኦሲ ካኦቲማ ዑኬኔ፤ ጎሞ ቡኡፀዋቴ» ሂዚ ጌዒኬ።

3 « ሳዳኮ ጎይያ ገኢጊሹዋቴ፡ ሉኡጎ ጎይያዋ ፒዚሱዋቴ» ጌዒ ጌዒ ዓሲ ናንጉዋ ዳውሎይዳ ዒላታ ዓሲ ዑኡሲ» ጌዒ

2:15 2:15 ሆሴ. 11:1። 2:18 2:18 ዓር. 31:15። 2:23 2:23 ዓሲ. 11:1፤ ማር. 1:24፤ ሉቃ. 2:39፤ ዮሃ. 1:45። 3:2 3:2 ማተ. 4:17፤ ማር. 1:15።

ያኑሲ ማሊያ ከኤዛ ዒሲያሴ ከኤዜሢ ይያ የሃኒሴ ዛሎኩ።

4 የሃኒሴኮ ማእዳሢ ጋኦ ጋጋኔጋ ኮሸናያኩ፤ ከርኖይዳ ዒ ቃልሾ ቱካኔ፣ ሙዓ ሃሃ ዒዛኮ ዓቢሢና ዑቶ ዒኤሲናኩ፤ 5 ዬኖ ዋደና ዪሁዳ ዓጮ ዬሩሳላሜ ካታማጋ፣ ዮርዳኖሴ ዋሮ ኮይላ ዓኣ ዓጫጋ ዓሳ ቢያ የሃኒሴ ኮይላ ሙኩ፣ 6 ጎሞ ፔኤኮ ቡኡዲ ቡኡዲ ዒዛ ኮይላ ዮርዳኖሴ ዋራ ዋኦ ማሰታኔ።

7 የሃኒሴ ሚርጌ ፔርሴ ዓሲንታ ሶዶቄ ዓሲንታ ዋኦያና ማሰታኒ ዒዛ ኮራ ሙካሢ ዛጋዎ፡- «ሃይ ዒንሢ ሾኦክ! ሙካ ያኑሲኮ ጎሪንቶይዳጋ ዒንሢ ቶላንዳ ጎይዎ ያኑኒ ዒንሢሞ ከኤዜይ?»

8 ዓካሪ ሃሢ ዒንሢኮ ጎሞ ቡኡዲዎ ዔርዛ ማላታ ማዲዋቱ። 9 ኦኦኒ ዓብራሃሜ ናኦቶኩ» ጌዒ ጌዒ ሄርሺንቲጉጉቴ፤ ያኑሲ ሃያ ሹጮይዳጋ ዓብራሃሜ ናይ ማሃኒ ዳንዳዒኔ ታ ዒንሢሞ ጋዓኦኩ። 10 ሃሢ ዓካሪ ሚያ ያጳጋ ቲቃኒ ሄርጋ ገኢገኒቴ፤ ቃራ ዓኦጒ ዓኦጉዋ ሚሢ ቢያ ቲቄንቲታሚዳ ዓገንታንዳ። 11 ሃሢ ታ ዒንሢ ጎሞ ቡኡዲዎ ዔርዛያ ማሃ ዋኦሢና ማሰካ፤ ጋዓንቲ ታኦኮ ገንዎ ሙካሢ ዓያና ጌኤሺና ሃሃ ታሚና ዒንሢ ማሰካንዳ፤ ዒ ታገዳጋ ሚርጌና ባሽታሢሮ ታ ዒዛኮ ቶኮ ዲርዘታዎ ከዳኒ ኮይሳ ዓሲቱዋሴ። 12 ዒዛኮ ሃኦኮ ሶኦ ጌኤሾ ዓንዳ ዓኦሢሮ፣ ጌኤሾሢኮ ገንዎ ዓኦጉንሢ ኮና ዋሃ ዲኢሮ ባይቁዎ ታሚዳ ሚቻንዳ።» ዔያቶም ጌዔ።

ዬሱሴኮ ዋኦያና ማሰቲያ
(ማር. 1:9-11፤ ሉቃ. 3:21-22)

13 ዬኖ ዋደና ዬሱሴ የሃኒሴ ኮራ ዋኦያ ማሰታኒ ጌሊላ ዓጮይዳጋ ዮርዳኖሴ ዋሮ ሙኩ። 14 የሃኒሴ ጋዓንቲ፡- «ዬይ ማዓዓኩ፤ ታ ኔ ኮራ ማሰታኒ ኮይሳንቲ፣ ኔ ታ ባንሢ ሙካ?» ጌዒ ላኦገሢ ዓርቄ።

15 ዬሱሴ፡- «ያኑሲ ኮዓ ባኮ ቢያ ሃዲ ኑ ኩንሣንዳያ ኮይሳሢሮ ሃሢ ላኦገግ፤ ያዒ ማማዎንጎ» ጌዒ ማሃዛ፣ የሃኒሴ ዒ ጌዔሢ ዋይዘዎ ዬሱሴ ዋኦያና ማሰኩ። 16 ዬሱሴ ዋኦያጋ ማሰቲ ከኬሰካኦና ጫሪንጫ ቡሊንቲ፣ ያኑሲኮ ዓያና ደኦሌ ማሊ ከዲ ዒዛ ዑዳ ዳዓንቲ ዒ ዳንቄ። 17 ዬማና፡- «ታና ዋዛሳ፣ ታ ዒዛ ናሽካ ናዓሢ ታኦኮ ሃያኩ» ጋዓ ዑኡሲ ጫሪንጫጋ ዋይዘንቲ።

3:3 3:3 ዒሲ. 40:3። 3:4 3:4 2ካኦቶ. ማ 1:8፤ ዛካ. 13:4፤ ለዎ. ዓከ 11:22።
3:7 3:7 ማቴ. 12:34፤ 23:33። 3:9 3:9 የሃ. 8:33። 3:10 3:10 ማቴ.
7:19። 3:17 3:17 ማዢ. ማፃ 22:2፤ ዓይኑ. 2:7፤ ዒሲ. 42:1፤ ማቴ. 12:18፤
17:15፤ ማር. 1:11፤ ሉቃ. 9:35።

4

ጻላሄ ዩሱሴ ዛጋኒ ጌሼ ጌሼዖ
(ማር. 1:12-13፤ ሉቃ. 4:1-13)

1 ዩሳፊ ጌሌዮ ዲያና ጻላሄ ዲዛ ዛጋኒ ጌሻንዳጉዲ ዓሲ ናንጉዋ ደውሎ ዩሱሴ ዔኪ ዓኣዳኔ። 2 ዲኢካ ዒ ያይዲታሚ ርኦሪና ዋንቴና ሙኡዚ ሙዑዋዖ ዴዔሰካፓ ናይዲንቴኔ። 3 ዩማና ጌሻ ጻላሄ ዩሱሴ ኮራ ሙካዖ፡- «ሂንዳ ኔ ያኦሲ ናይ ማዔቴ፡ ሃንሢ ሹጮንሢ ካሃ ማሄ» ጌዔኔ።

4 ዩሱሴ ማሃዖ፡- « <ዓሲ ናንጋሢ ያኦሲ ከኤዛ ቃኣሎና ማዓንዳፓዓቴም ካሃ ሙዒ ሌሊቱዋሴ» ጌይንቲ ዓኣፒንቴኔ» ጌዔኔ።

5 ዩሳፊ ሃሃ ጻላሄ ዩሱሴ ያኦሲም ዲማዳ ካታዎ፡ ዩሩሳላሚ ዔኪ ዓኣዳዖ ጌሌዮ ማኣሮኮ ሄላሰካ ከሲ ዔቁሲ፡-

6 « <ኔና ካፓንዳጉዲ ያኦሲ ፔ ኪኢታንቸ ኔኤም ዓይሣንዳኔ፤

ቶካ ኔኤኮ ሹጮይዳ ዲይንቴዋጉዲ፤

ዔይታ ፔ ኩጮና ዓርቂ ኔና ቃዛንዳኔ» ጌይንቲ ዓኣፒንቴኔ፤

ዩያሮ ኔ ያኦሲ ናይ ማዔቶ፡ ሂንዳ ሃይፓ ለካ ጵሌ» ጌዔኔ።

7 ዩሱሴ ማሃዖ፡- « <ኔ ጎዳ፡ ያኦዛሢም ፒራኒ ማሊፖ» ጌይንቲ ሃሃ ዓኣፒንቴኔ» ጌዔኔ።

8 ዩሳፊ ጌንሣ ጻላሄ ዩሱሴ ኮሺ ዖደሲ ዲካ ከሲ ዓጮ ካኣቶ ቢያሢና ዔይቶኮ ቦንቸዋ ደዋዖ፡- 9 «ጉምዓቲ ኔ ታኣም ዘገ ካኣሽኩቴ፡ ሃያ ታ ኔኤም ቢያ ዒንጋንዳኔ» ጌዔኔ።

10 ዩሱሴ ማሃዖ፡- «ኔኤኒ ሃይ ጻላሄ፡ ሴካ ሸኢኬ! <ኔ ጎዳ ያኦዛሢም ዘገ፤ ሃሃ ዒዛ ሌሊ ካኣሽኩ» ጌይንቲ ዓኣፒንቴኔ» ጌዔኔ።

11 ዩሳፊ ጻላሄ ዩሱሴ ሃሺ ዓኣዳዛ፡ ያኦሲኮ ኪኢታንቸ ሙኪ ዒዛ ማኣዳኔ።

ዩሱሴ ጌለላይዳ ዔርዚዖ ዓርቁሢ
(ማር. 1:14-15፤ ሉቃ. 4:14-15)

12 ዮሃኒሴ ቱኡቴሢ ዩሱሴ ዋይዜ ዎደና ጌለላ ዓጮ ዓኣዳኔ፤

13 ዲኢካፓ ናዚሬቴ ካታዎ ሃሺ፡ ቂፒርናሆሚ ካታዎ ዴንዴኔ።

4:1 4:1 ዔብ. 2:18፤ 4:15። 4:2 4:2 ከሲ. ማፃ 34:28፤ 1ካኣቶ. ማ 19:8።
4:4 4:4 ላሚ. ዎማ 8:3። 4:5 4:5 ኔሄ. 11:1፤ ዳኣኔ. 9:24። 4:6 4:6
ዓይኑ. 91:11-12። 4:7 4:7 ላሚ. ዎማ 6:16። 4:10 4:10 ላሚ. ዎማ 6:13።
4:12 4:12 ማቴ. 14:3፤ ማር. 6:17፤ ሉቃ. 3:19-20።

ቁጥርናሆሜ ዛብሎኦኦኦና ኒፕታኦኦኦሜ ዓጮና ኮይላ ዓኣ ባዚ ዓቺ ካታማኬ። 14 ዬይ ያዲ ማዔሚ ያኦሲ ማሊያ ኬኤዛ ዒሲያሴ ዛሎና፡-

15 «ባዘ ባንሚ ዓኣዳ ጎይፆና
ዮርዳኖሴ ዎሮ ሱኩናይዳ ዓኣ
ዛብሎኦኦኦኦኦ ኒፕታኦኦኦሜንታ ዓጮ
ዓይሁዳ ማዒባኣ ጌሊላ ዓሶ ዓጮ፤

16 ዬያጉዲ ዲሞይዳ ናንገ ዴራ
ዴኤፕ ፖዒ ዴንቁኔ፤
ባይሲንታሞ ጌኢጌ ዓጮ ዓኣ ዓሶሞ
ፖዒ ፖዒንዳኔ»

ጌይንቲሚ ኩማንዳጉዲኬ።

17 ዬካፓ ዓርቃያ ዬሱሴ፡- «ያኦሲ ካኣቲማ ዑኩሚሮ ጎሞ ቡኡፀዎቲ» ጌዒ ጌዒ ዔርዚሚ ዓርቁኔ።

**ቤርታሳ ዬሱሴ ጊንፆ ሃንታዘንሚኮ ዔኤሊንቲፆ
(ማር. 1:16-20፤ ሉቃ. 5:1-11)**

18 ዬሱሴ ጌሊላ ባዘ ኮይሊና ዓኣዳፆ፣ ላምፆ ዎሊኮ ጌርሲ ማዔሳኩንሚ ዴንቁኔ፤ ዔይታ ጳዳሮሴ ጌይንቲ ሲሞኦኦኦ ጌርሲ ዒንዲራሴና ማዓዛ ዔይታ ሞሎ ዓርቃያታሚሮ ሞላሚ ዓርቆ ሮኦኤጉዳ ሱዘ ባዘይዳ ዓጋኔ። 19 ዬሱሴ ዔይቶሞ፡- «ሃኒ ታ ጊንፆ ሙኩዎቲ፤ ታ ዒንሚ፣ ዓሲ ፒሪ ዓርቃያ ማሃንዳኔ» ጌዔኔ። 20 ዔይታ ቤዘማና ሞላሚ ዓርቆ ሱዘ ሃሺ፣ ዒዛ ጊንፆ ዓኣዳኔ።

21 ዬማፓ ዳካ ደጫፆ ሃሃ ላምፆ ዎሊኮ ጌርሲንሚ ማዓያ፣ ዜብዲዮሴ ናይ፣ ያይቆኦኦና ዮሃኒሴና ዴንቁኔ። ዔይታ ፔኤኮ ዓዶ ዜብዲዮሴና ዎላ ዎኣፆና ፒንቆ ጎንጎይዳ ሞላሚ ዓርቆ ሱዘ ኩሻንቲ ዬሱሴ ዔይቶ ዔኤሊኔ። 22 ዔይታኣ ቤዘማና ዎኣፆና ፒንቆ ጎንጎንታ ዓዶንታ ሃሺ፣ ዒዛ ጊንፆ ዓኣዳኔ።

**ዬሱሴኮ ሚርጌ ሃርጊንቲ ዓሶ ፖዒሶንታ ዓሶ ዔርዚያንታ
(ሉቃ. 6:17-19)**

23 ዬሱሴ ዓይሁዶ ዓሶኮ ቡኪንቶ ቤዘይዳ ዔርዚ ዔርዚ ሃሃ ያኦሲ ካኣቲሞ ዛሎ ኮዥ ሃይሶሞ ኬኤዚ ኬኤዚ ጌሊላ ዓጮ ቢያይዳ ሃንታፆ፣ ዲማ ዲማ ዶርፆና ሃርጊንቲ ዓሶ ፖዒሴኔ።

24 ዬያይዳፓ ዔቁያና ዒዛኮ ሱንፃ ሶኦሪያ ዓጮይዳ ቢያ ዎይዚንቲሚሮ ዓሳ ዲማ ዲማ ዶርፆና ሃርጊንቲ ሜታዳ ዓሶ ቢያ ዒዛ

4:13 4:13 ዮሃ. 2:12። 4:16 4:16 ዒሲ. 9:1-2። 4:17 4:17 ማቴ. 3:2።
4:23 4:23 ማቴ. 9:35፤ ማር. 1:39።

ኮይላ ዔኪ ሙኩኔ፤ ዬያ ሃርጌ ዓሶ ባኣኮይዳ ፑርታ ዓያና ዓርቁ ዓሲ፣ ዴንሣ ዶርዓ ዓኣ ዓሲና ዎቦ ዓሲያኣ ዓኣኔ። ዬሱሴ ጋዓንቴ ቢያሣ ፓሣኔ።²⁵ ጌሊላና ታጸ ካታሞንሣ ጌይንታ ቤዘንሣናይዳፓ ሃሣ ዬሩሳላሚና ዪሁዳ ዓጮይዳፓ፣ ዮርዳኖሴ ዎር ሱኮይዳፓ ሙኩ ሚርጌ ዓሲ ዬሱሴ ጊንዖ ዓኣዴኔ።

ዬሱሴ ዲኮይዳ ኬኤዜ ቃኣሎ

5

(ዓይ. 5—7)

¹ ዬሱሴ ሚርጌ ዴር ዛጌ ዎዶና ዲኮ ኬሰኪ ዴዓዛ፣ ዒዛኮ ጊንዖ ሃንታዘንሣ ዒዛ ኮይላ ሙኩኔ።² ዬካፓ ሂዚ ጌዒ ዔርዚሣ ሳርቄኔ፡-

ጎኔ ዎዛ

(ሉቃ. 6:20-23)

³ «ዖኦሲዳ ጉሙርቁዖ ጌሣ ፔና ሂርኪዳዘንሣ
ዖኦሲ ካኣቱማ ዔያቶም ማዔሣር ዓንጂንቴያኩ።

⁴ ዖያዘንሣ
ዖኦሲ ዔያቶም ዶዶሞ ዒንጋንዳሣር ዓንጂንቴያኩ።

⁵ ዒኖ ሼሌዔዘንሣ
ዓጮ ዔያታ ዔካንዳሣር ዓንጂንቴያኩ።

⁶ ዒሉሞ ካሣጉዲ ናይዲንታዘንሣና
ዎኣሣጉዲ ዴኤቢንታዘንሣ
ዒሉሞ ዴንቁ ዔያታ ሃውሻንዳሣር ዓንጂንቴያኩ።

⁷ ዲቤ ዓሲም ዓቶም ጋዓዘንሣ
ዖኦሲዳፓ ማኣሪሣ ዔያታ ዴንቃንዳሣር ዓንጂንቴያኩ።

⁸ ዒኖ ጌኡዦንሣ
ዖኦሲ ዔያታ ዛጋንዳሣር ዓንጂንቴያኩ።

⁹ ፑርቴ ዓሲ ዎላ ቡኩሳዘንሣና ካንሣዘንሣ
ዖኦሲ ናይ ዔያታ ጌይንታሣር ዓንጂንቴያኩ።

¹⁰ ዒሉሞር ጌዒ ዒዲንቲ ዳኪንታዘንሣና ሜቶ ዔካዘንሣ
ዖኦሲ ካኣቱማ ዔያቶም ማዔሣር ዓንጂንቴያኩ።

¹¹ «ዓሳ ዒንሣ ታ ዛሎር ጫሽኪ፣ ዒዲ ዳካያ ማዔቴ ሃሣ ፑርታ ሉኡዙሞ ዒንሣዳ ጌሰቴቴያ ዒንሣ ዓንጂንቴያኩ።

5:4 5:4 ዒሲ. 61:2። 5:5 5:5 ዓይኑ. 37:11። 5:6 5:6 ዒሲ. 55:1-2።
5:8 5:8 ዓይኑ. 24:3-4። 5:10 5:10 1ጴዲ. 3:14። 5:11 5:11 1ጴዲ. 4:14።

12 ጫሪንጮይዳ ዲንሢ ዬያ ዛሎሮ ዔካንዳ ባካ ዳኤፒታሢሮ ኮሺ ዋዛዲዎቲ፤ ሃያኮ ቤርታ ያኦሲ ማሊያ ኬኤዛዘንሢያ ዬያይዲ ዲዒ ደኮናኔ።»

ሶኦፊና ፖዔናኮ ኮኦከንሢ
(ማር. 9:50፤ ሉቃ. 14:34-35)

13 ዬካፓ ሃሣ ዬሱሴ፡- «ዲንሢ ዓጮኮ ሶኦፊኔ፤ ጋዓንቲ ሶኦፊ ዓኦያ ዲጭቲ ዎይቲ ጊንሢ ዓኦያ ማዓኒ ዳንዳዓይ? ሴካ ካራይዳ ኬኤሪንቲ ዓሲ ቶኪና ሄርቃንዳኔ፤ ዓይጎማኦ ማዓዓከ። 14 ዲንሢ ሃሣ ዓጮኮ ፖዔኔ፤ ዲኤይዳ ዓኦ ካታማ ዓኦከጊንታኒ ዳንዳዐዎሴ።

15 ዓሲ ፖዒ ፖዒ ሳያ ዔኤቢና ጉኡፒ ጌሣ? ጌሣሢ ፖዓ ጋርይዳ ዓኦ ዓሶም ቢያ ፖዓንዳጉዲ ዳጌ ቤሲዳከ። 16 ዬያጉዲ ዓሳ ዲንሢኮ ኮዥ ማዶ ዛጊ ዲንሢኮ ጫሪንጮ ዓዳሢ ጋላታንዳጉዲ ፖዓ ዲንሢኮ ዓሲ ቢያም ፖዓንጎ» ጌዔኔ።

ሙሴ ዔርዜ ዎጎ ዛሎ

17 ሃሣ ዬሱሴ፡- «ሙሴ ዎጎና ያኦሲ ማሊያ ኬኤዛ ዓሶና ዔርዛ ባኮ ቃኦጫኒ ታ ዲንሢም ሙኬያ ማሎፓ፤ ታ ሙኬሢ ጌይንቲ ጎይያ ኩኩንሢሢ ሙካንዳኦፓዓቲም ቃቃኦጫኒ ሙኪባኦሴ። 18 ጎኔ ታ ዲንሢም ጋዓኔ ጫሪንጮና ሳዖና ቤዞ ሃሺ ዳንዳንዳያ ሄላንዳኦና ሙሴ ዎጎይዳፓ ፔቲ ዳኮ ፒዳኦሎማታቲያ ዳኮ ኔዒቦማታዖ ቃኦጫኒታዓከኔ፤ ሙሴ ዎጎይዳ ያኦፒንቲ ባካ ቢያ ኩማንዳኔ።

19 ዬያር ዬንሢ ዓይሢያንሢዳፓ ዳኮማታዖ ኩንሡዋዖ ሃሺ ዓሢ፤ ሃንጎ ዓሶዋ ዳቢሻያ ማዒ ዔርዜቶ ያኦሲ ካኦቲምይዳ ቦሂንቲ ዓሲ ማዓንዳኔ፤ ጋዓንቲ ዓይሢያንሢ ማዲ ኩንሢሢሢ ሃንጎ ዓቲ ዓሶዋ ኩንሢሢሢ ዔርዛሢ ያኦሲ ካኦቲምይዳ ቦንቲንቲያ ማዓንዳኔ።

20 «ዲንሢኮ ዒሎማ ፔርሴ ዓሶና ሙሴ ዎጎ ዔርዛዘንሢ ዒሎማፓ ባሺባኦቲ ያኦሲ ካኦቲምይዳ ማሊ ዲንሢ ጌላኒ ዳንዳዐዎሴ።»

ዓሲ ዎዲሢ ኮይሱዋያ ማዔሢ

21 «ቤርታ ዓሶም ጌይንቲሢ ዲንሢ ዎይዜኔ፤ ዬይያ ልደፖቲ፤ ዓሲ ዎዲሢ ፑርታና ዎጊንታንዳኔ» ጋዓያከ። 22 ታ ዲንሢም ሂዚ ጋዓኔ፡- ዓሲዳ ጎሪንታሢ ቢያ ፑርታና ዎጊንታንዳኔ፤ ሃሣ ዓይጎ ዓሲታቶዋ ሄኤኒ ፓሡዋኦሢ ሃይ ጌዒ ጫሸኬቶ ዎጋ ዓሶ ቤርታ

5:12 5:12 2ዖኦሲ. ዓሃኬ 36:16፤ ዳከ. ማዶ 7:52። 5:13 5:13 ሉቃ. 14:34-35። 5:14 5:14 ዮሃ. 8:12፤ 9:5። 5:15 5:15 ማር. 4:21፤ ሉቃ. 8:16፤ 11:13። 5:16 5:16 1ጴዒ. 2:12። 5:18 5:18 ሉቃ. 16:17። 5:21 5:21 ኬሲ. ማፃ 20:13፤ ላሚ. ዋማ 5:17፤ 16:18።

ፑርታና ዋጊንታንዳኔ፤ ሃሣ ህ ዲና ባይቁሣ ሃይ። ጌዲ ጫሽካሣ ሲያ ባይቁዋ ታዎ ዋጎም ማዓንዳኔ።²³ ዬያር ጸኦሲም ኔ ዲንጋ ባኮ ዲንጎ ቤዘይዳ ዲንጋ ዋዶና ኔ ዲሻሣም ኔ ዳቤ ባኦዚና ኔ ዲሻሣ ያዬ ባኦዚ ኔኤም ጸቁቱ።²⁴ ኔ ዲንጋ ባኮ፡ ዲንጎ ቤዘ ኮይላ ጌሣጋፓ ዴንዲ ዬያ ዓሣና ዋላ ቡኬ፤ ዬካፓ ሙኪ ኔ ዲንጋ ባኮ ዲንጌ።

²⁵ «ኔ ሞርካሣ ኔና ዋጊና ዓይሣሴም፡ ኔ ዲዛና ዋላ ዋጎ ዋጎ ቤዘ ዓኣዲያይዳ ዓኣቱ፡ ዑኩና ኔ ሞርካሣና ዋላ ጊኢጌ። ያዲ ማዒባኣታቶ ኔ ሞርካሣ ኔና ዋጎ ዋጋሣም ዓኣሣ ዲንጋንዳኔ፤ ዋጋ ዓሣያ ሃሣ ፖኦላሳሣም ዲንጋዛ ቱኡዘ ማኦራ ኔ ቱኡታንዳኔ።²⁶ ጎኔ ታ ኔኤም ጋዓኔ፤ ጨጎንጎ ጎዶና ባኮ ጋፒሲ ኔ ጨጉዋዎ ዬካፓ ኬሰካዓኬ» ጌዔኔ።

ዓሢ ሃሣ ማቾ ማዒባኣ ዓሲና ላሂሣ ዛላ ኬኤዚንቴ ባኦዚ

²⁷ ዬሱሴ ሃሣ፡- « <ዓሢ ሃሣ ማቾ ማዒባኣ ዓሲና ላሂፖ> ጌይንቴሣ ዲንሣ ዋይዜኔ።²⁸ ታኣኒ ዲንሣም ጋዓንቴ <ላኦሊ ዛጊ ላሂን ማሌ ዓሲ ቢያ፡ ዬማና ፔ ዲናና ዲዛና ላሂያ ማዓኔ> ጋዓኔ።²⁹ ዬያር ኔኡኮ ሚዛቆ ዓኣፓ ኔና ዳቢሻያ ማዔቴ ኔጊዳፓ ኬሲ ኬኤሬ፤ ጉቤ ዑፃ ኔኡኮ ባይቁዋ ታዎይዳ ኬኤሪንታሰካፓ ዑዳኮ ኔኡኮ ፔቴ ቤሲ ፓጩቶ ኮሺኬ።³⁰ ሚዛቆ ኩጫ ኔና ዳቢሻያ ማዔቴ ኔጊዳፓ ቲቂ ኬኤሬ፤ ጉቤ ዑፃ ኔኡኮ ባይቁዋ ታዎይዳ ኬኤሪንታሂዳፓ ዑዳኮ ኔኡኮ ፔቴ ቤሲ ፓጩቴ ኮሺኬ» ጌዔኔ።

ላኦሊ ዓንጂሣ ኮይሱዋያ ማዒያ

(ማቴ. 19:9፤ ማር. 10:11-12፤ ሉቃ. 16:18)

³¹ ዬሱሴ ሃሣ፡- «ዬያጉዲ <ፔኤኮ ማቾ ዓንጂሣ ቢያ ዲዛ ዓይጎር ዓንጄቶዋ ዔርዛ ባኦዚ ፃኣፒ ዲንጎንጎ> ጌይንቴኔ።³² ታ ጋዓንቴ ዲንሣም ሂዚ ጋዓኔ፡- ሜሌ ዓሲና ዲኢቲሣ ዛላና ማዒባኣንቴ ፔ ማቾ ዓንጂሣ ቢያ ዲዛ ዘኦሰካ ኮኦማንዳጉዲ ማሃኔ፤ ዬዮ ዓንጂንቴዘ ዔካሣያ ዲዛና ዘኦሰካ ኮኦማያ ማዓኔ» ጌዔኔ።

ጫኦቁሣ ዛላ ዔርዛና ባኦዚ

³³ ዬካፓ ሃሣ ዬሱሴ፡- «ሃያኮ ቤርታ ሚናኣ ዓሶም <ኔኤኒ ጸኦሲም ጫኦቁ ባኦዚ ኩኩንሣ፤ ኔ ጫኦቁ ባኮ ሃሺፖ> ጌይንቴሣ ዲንሣ

5:27 5:27 ኬሲ. ማፃ 20:14፤ ላሚ. ዋማ 5:18። 5:29 5:29 ማቴ. 18:9፤ ማር. 9:47። 5:30 5:30 ማቴ. 18:8፤ ማር. 9:43። 5:31 5:31 ላሚ. ዋማ 24:1-4፤ ማቴ. 19:7፤ ማር. 10:4። 5:32 5:32 ማቴ. 19:9፤ ማር. 10:11-12፤ ሉቃ. 16:18፤ 1ቆር. 7:10-11።

ዋይዜኔ። 34 ታኣኒ ጋዓንቴ ዒንሢሞ ሂዚ ጋዓኔ፡- ፔቴታዎ ጫኣቁፖቴ፤ ጫሪንቸ ዔኤሊ ጫኣቁፖቴ፤ ዓይጎር ጌዔቶ ጫሪንጫ ያኦሲ ዴዓ ቤዘኩ። 35 ሳዓ ዔኤሊ ጫኣቁፖቴ፤ ዓይጎር ጌዔቶ ሳዓ ያኦሲ ቶኮ ጌሣ ቤዘኩ። ዩሩሳላሜ ካታሞ ዔኤሊያ ጫኣቁፖቴ፤ ዓይጎር ጌዔቶ ዩሩሳላሜ ዴኤፖ ካኣታሢኮ ካታሞኩ። 36 ኔ ቶኣኮ ጋፓኖ ዔኤሊያ ጫኣቁፖ፤ ዓይጎር ጌዔቶ ኔኤኮ ቶኣኮ ጋፓናፓ ፔቴማ ቡኡቁሳኒ ሃሣ ካርሣኒ ኔ ዳንዳዑቀሴ። 37 ዩያር ዒንሢኮ ጌኤዛ <ሂዮ> ማዔቶ <ሂዮ> <ዔይዔ> ማዔቶ ዔይዔ ማዮንጎ። ዩማፓ ዑሣ ዓኣዴ ጌኤዘማ ያላሄይዳፓኩ» ጌዔኔ።

ዓሲ ኮሚሢ ኮይሱዋያ ማዒያ
(ሉቃ. 6:29-30)

38 ሃሣ ዩሱሴ፡- « <ዓኣፒ ዛላር ዓኣፒ፤ ዓቸ ዛላር ዓቸ፤ ጌይንቴሢ ዒንሢሢ ዋይዜኔ። 39 ታ ጋዓንቴ ዒንሢሞ ሂዚ ጋዓኔ፤ ፑርታ ዒንሢሞ ማዳ ዓሶም ኮሚ ማሂፖቴ፤ ጋዓንቴ ሚዛቆ ጋንጋር ባዓሢሞ ሻውሎ ጋንጋር ሺርሺ ቤኤዜ። 40 ፔቴ ዓሲ ኔኤኮ ዴማ ማይንቶና ዓፒሎ ዔካኒ ኔና ዋጌና ዓይሢሴቶ ዑፃ ኔ ማይንቴ ዓፒሎ ቃሲ ዔካንዳፒዲ ዒዛም ሃሺ። 41 ፔቴ ዓሲ <ታኣኮ ባሶ ዔኪ ዳካ ታኣና ዋላ ጎይዖ ዓኣዴ> ጌዒ ዋልቃዴቶ ዒ ኮዔሢዳፓ ዑሣ ዒዛና ዋላ ዓኣዴ። 42 ኔና ሺኢቃሢሞ ዒንጌ፤ ኔጌዳፓ ታልዓኒ ኮዓሢ ላኣጌ።» ጌዔኔ።

ሞርኬ ናሽኪሢ ዛላ
(ሉቃ. 6:27-36)

43 ዩሱሴ ሃሣ፡- «ኔ ላጋሢ ናሽኬ፤ ኔ ሞርካሢ ዒፄ ጌይንቴሢ ዒንሢሢ ዋይዜኔ። 44 ታ ዒንሢሞ ጋዓንቴ ሂዚ ጋዓኔ፡- ዒንሢሢ ሞርኮ ናሽኩዋቴ፤ ዒፄ ዳካዘንሢና ዒንሢሢ ሜታሳዘንሢናም ሺኢቁዋቴ። 45 ያኣዴ ዒንሢሢ ማዴቶ ጫሪንጫይዳ ዓኣ ዒንሢሢ ዓዳሢኮ ናይ ዒንሢሢ ማዓንዳኔ። ዒዚ ፑርቶና ኮዥናም ዓሶ ኬሳኔ። ዩያፒዲ ፑርቶ ዓሶና ኮዥ ዓሶናም ዒሮ ዒ ዋርቁሻኔ። 46 ዒንሢሢ፤ ናሽካ ዓሶ ሌሊ ዒንሢሢ ናሽኬቶ ዓይጎ ማዓንዳይ? ጎሞ ዓሳ ዩያይዲዋዓዳ? 47 ዒንሢሢ ላጎንሢ ሌሊ ዒንሢሢ ዔኤሌቶ ዓይጎ ባሽ ባኣዚ ዒንሢሢ ማዴይ? ዓይሁዴ ማዒባኣ ዓሳ ዩያ ማዴያቴዋዓዳ? 48 ዒንሢሢኮ

5:33 5:33 ሉዊ. ዓከ 19:12፤ ፓይ. ማፃ 30:2፤ ላሚ. ዋማ 23:21። 5:34 5:34 ያይ. 5:12፤ ዓሲ. 66:1፤ ማቴ. 23:22። 5:35 5:35 ዓሲ. 66:1፤ ዓይኑ. 48:2። 5:37 5:37 ሉዊ. ዓከ 19:12፤ ፓይ. ማፃ 30:2፤ ላሚ. ዋማ 23:21። 5:38 5:38 ኬሲ. ማፃ 21:24፤ ሉዊ. ዓከ 24:20፤ ላሚ. ዋማ 19:21። 5:42 5:42 ላሚ. ዋማ 15:8፤ ኮኣኪ. 24:29። 5:43 5:43 ሉዊ. ዓከ 19:18። 5:44 5:44 ኮኣኪ. 25:21-22።

ጫሪንጮ ዓዳሢ ፔቴታዎ ዳቢንቲባኢያ ማዔሢጉዲ ዲንሢያ ዲማዲ ማዑዋቱ» ጌዔኔ።

6

ዲንጊሢ ሃላ ዔርዘና ባኣዚ

1 ዬሱሴ ጌኤዞ ጌሰታዎ፡- «ዓሲ ዲንሢኮ ዘጋንዳጉዲ ጌዒ ዲንሢ ማዳ ኮዥ ባኮ ዓሲ ቤርታ ፔጌና ማዲሢዳፓ ዲንሢና ካፑዋቱ፤ ያዲ ዲንሢ ማዳቶ ጫሪንጮ ዓዳሢ ኮይላፓ ዲንሢ ዔኤቢ ዴንቃዓኬ።

2 ዓሲ ዘጎም ጌዒ ጎይዎ ዓጮና ቡኪንቶ ቤዘናይዳ ሄርሺንቲም ኬኤዚ ኬኤዚ ሺራ ዓሶጉዲ፤ ማንቆ ዓሶም ዲንሢ ዔኤቢ ዲንጋ ዎደና ዓሲ ዘጎም ጌዒ ማዲፖቱ፤ ዬያይዲ ማዳዞንሢ ዲማና ዔያታ ፔኤሲ ዴንቁ ጋጋፔ። 3 ዲንሢ ጋዓንቲ ማንቆ ዓሶም ዲንጋ ዎደና ዲንሢ ዲንጋ ባኮ ዓሲ ዔርፓ፤ 4 ዲንሢ ዲንጋ ባኮ ዴማና ዲንጉዋቱ፤ ዴማና ዲንጊንታ ባኮ ዲንሢኮ ዴንቃ ዓዳሢ ዬያ ዘሎ ማሢ ዲንሢም ዲንጋንዳኔ» ጌዔኔ።

ሺኢጲሢ ሃላ ዔርዘና ባኣዚ

(ሉቃ. 11:2-4)

5 ዬሱሴ ሃሃ፡- «ዲንሢ ሺኢቃ ዎደና ጉሪ ሄርሺንቶሮ ሺኢቃ ዓሶጉዲ ማዲፖቱ፤ ዔያታ ዓሲ ኑና ዘጎም ጌዒ ዓሳ ቡካ ቤዘና ጎይሢ ዓቸናይዳ ዔቁ ሺኢቃኒ ኮዓኔ። ጎኔ ታ ዲንሢም ጋዓኔ፡- ዔያታ ኮዓ ባኮ ቢያ ዬማና ዔኪ ጋጋፔ። 6 ኔኤኒ ጋዓንቲ ሺኢቃኣና ቆልዎ ጋሮ ጌሊ፤ ካሮ ዎዲጋፓ ጴዳዎ ቤዘይዳ ዓኣ ዓዳሢ ሺኢቁ፤ ዓሲ ዔፋዋንቲ ኔ ሺኢቁ ባኮ ዴንቃ ኔ ዓዳሢ ኔኤም ኮይሳሢ ዲንጋንዳኔ።

7 «ዲንሢ ሺኢቃ ዎደና ፓሡዋ ማሊሢ ላሚ ላሚ ጌይሢና ሺኢጲዖ ዔያቶሲ ዋይዘንታያ ማላ፤ ዓይሁዴ ማዒባኣ ዓሶጉዲ ዲንሢኮ ሺኢጲዖ ጉሪ ዎደሲፖቱ። 8 ሃሃ ዔያቶ ጉዲያኣ ማዲፖቱ፤ ዲንሢኮ ዓዳሢ ዲንሢ ሺኢቃንዳሢኮ ቤርታ ዓይጌ ዲንሢም ኮይሳቲያ ዔዔራኔ» ጌዔኔ። 9 ዬሱሴ ሃሃ፡- «ዲንሢ ጋዓንቲ ሂዚ ጌዒ ሺኢቁዋቱ፡-

፡ጫሪንጮ ናንጋ ኑ ዓዳሢዮ!

ሱንፃ ኔኤኮ ቦንቸንቶም፤

10 ኔ ካኣቱማ ሙኮም፤

ኔ ናሸካ ባካ ጫሪንጮ ማዔሢጉዲ

5:48 5:48 ሉዊ. ዓከ 19:2፤ 18፤ ላሚ. ዎማ 18:13። 6:1 6:1 ማቴ. 23:5።

6:5 6:5 ሉቃ. 18:10-14። 6:7 6:7 1ካኣቶ. ማ 18:25-29።

ሳጋይዳክ ማጋም።

11 ከላ ከላ ኑ ሙዓንዳ ሙኡዚ ዒንገ፤

12 ኑም ዳቤሢም ኑ ዓቶም ጋዒሢጉዲ

ኑ ዳቢንቶ ዓቶም ገዒ፤

13 ፑርታይዳፓ ኑና ካፔ፤

ዳቢሻኒ ገሽጋይዳክ ኑና ገልዚፖ፤

ካኣቱሞንታ ዋልቆንታ ቦንቾንታ ናንገና ኔኤሮኬ ዓኣሚን» ገዒ።

14 ሃሃ ዬሱሴ ከኤዛዎ፡- «ዓሳ ዒንሢም ዳባ ዳቢንቶ ዒንሢ ዓቶም ገዒቶ ዒንሢሲያ ጫሪንጮ ዓዳሢ ዓቶም ጋዓንዳ። 15 ዓሳ ዒንሢም ዳቤ ባኮ ዓቶም ዒንሢ ገዒባኣቶ ዒንሢ ዳቢንቶም ጫሪንጮ ዓዳሢ ዓቶም ጋዓዓኩ» ገዒ።

ሙኡዚ ሃሻ ሸኢቆ ሸኢዲሢ ዛላ ዔርዘና ባኣዚ

16 ዬሱሴ ሃሃ፡- «ዒንሢ ሙዎ ሃሻ ሸኢቆ ሸኢዲሢ ሸኢቃ ዋድና ሄርሸንቶሮ ማዳ ዓሳ ማዳሢጉዲ ማዳፖቴ፤ ዔያታ ሙዎ ሃሻ ዳምቦ ማዳ ዋድና ሙኡዚ ሃሻያ ማዔሢ ዔርታንዳጉዲ ሲዬ ዓሲጉዲ ማዓ። ጎኔ ታ ዒንሢም ጋዓ።- ዔያታ ዬያይዲያና ዔያቶም ኮይሳ ባኮ ቢያ ዔኬ። 17 ኔኤኒ ጋዓንቴ ሙዎ ሃሻ ሸኢቆ ዋድና ዓኣፖ ካሮ ማሰቴ ቶኣኮዋ ቲሸቴ፤ 18 ኔኤኒ ዬያይዳቴ ሙዎ ሃሻ ሸኢቃያታሢ ዲዳዋ ቤዛ ዓኣ ኔ ዓዳሢዳፓ ዓታዛ ሜሌ ያኣኒያ ዔሪንዲዋሴ። ዓኣሸንቴ ቤዛ ኔ ሸኢቆ ባኮ ዛጋ ኔ ዓዳሢ ኔኤም ኮይሳ ባኮ ዒንጋንዳ።» ገዒ።

ጫሪንቺ ቆሎ ዛላ ዔርዘና ባኣዚ

(ሉቃ. 12:33-34)

19 ዬሱሴ ሃሃ ከኤዛዎ፡- «ቁንቁና ሙዓኒ፣ ሳልፒ ፑርታኒ ሃሃ ዉሲያ ቦኣኪ ዉኡቃኒ ዳንዳዓ፣ ሃያ ዓጮይዳ ዒንሢም ማዓ ቆሎ ቡኩሲፖቴ፤ 20 ጋዓንቴ ቁንቁና ሙዓኒ፣ ሳልፒ ፑርታኒ ሃሃ ዉሲያ ቦኣኪ ዉኡቃኒ ዳንዳዑዋ፣ ሎ ጫሪንጮ ማኣሮይዳ ዒንሢኮ ቆሎ ቡኩሲዋቴ። 21 ዒንሢኮ ቆላ ዓኣ ቤዛይዳ ማሊፃኣ ዒንሢኮ ዒኣካ ማዓንዳ።»

ዑሢ ፖሊ

(ሉቃ. 11:34-36፤ 16:13፤ 12:22-31)

22 «ኔኤኮ ዓኣፓ ዑያኮ ያንፔኬ፤ ዬያሮ ዓኣፓ ኔኤኮ ኮሺ ማዔቶ ጉቤ ዑፃ ኔኤኮ ፖዓያ ማዓ፤ 23 ዓኣፓ ኔኤኮ ሃርጌያ ማዔቶ ጋዓንቴ

6:15 6:15 ማቴ. 11:25-26። 6:16 6:16 ዒ.ሲ. 58:5። 6:19 6:19 ያይ. 5:2-3።

ጉቤ ዑፃ ኔኤኮ ዲሚ ማዓኔ፤ ዓካሪ ኔጊዳ ዓአ ፖዓ ዲሚ ማዕቆ ዩይ ዲማ ዎማጉዲ ሻኔ ዲሚ ማዓንዳይ?

24 «ፔቴ ዓሲ ላምፆ ጎዳቲም ማዳኒ ዳንዳዑቀሴ፤ ማዳቴ ፔቴሢ ዒዲ ባጋሢ ናሽካንዳኔ፥ ማዒባአቶ ፔቴሢ ቦንቺ ፔቴሢ ቦሃንዳኔ፤ ዩያጉዲ ያኦሲና ሚኢሼናም ፔቴና ማዳኒ ዳንዳዒንቱቀሴ» ጌዔኔ።

ናንጊ ዛላ ሜታዳኒ ኮይሱቀያ ማዒያ
(ሉቃ. 16:13፤ 12:22-31)

25 ዩሱሴ ሃሣ ኬኤዛያ፡- «ዒንሢ ናንጎ ዛሎ ዓይጎ ኑ ሙዓንዳይ? [ዓይጎ ኑ ዑሽካንዳይ?] ሃሣ ዓይጎ ኑ ማይንታንዳይ? ጌዒ ማሊ ሜታዳፖቴ። ሸምፓ ሙኤዚዳፓ፥ ዑሢ ማአያይዳፓ ባሽቱዎዓዳ?

26 ሂንዳ ካፖ ዛጉቀቴ፤ ጎሽኩቀሴ፥ ሃአኮ ታይዚ ኮናይዳ ዋሁቀሴ፤ ማዕቆቀ ዒንሢኮ ጫሪንጮ ዓዳሢ ዔያቶ ሙኤዛኔ። ሂዳያ ዒንሢ ዔያቶይዳፓ ባሽቱዎዓዳ? 27 ጎፆንቲ ዒንሢ ባአካፓ ሜታዳ ናንጎ ሌዎይዳ ዳካ ዎዴ * ቃሳኒ ዳንዳዓይ ዓአ?

28 «ሃሣ ማአያ ዛላአ ዓይጎሮ ዒንሢ ሜታዳ ማላይ? ሂንዳ ካዮ ቡኖ ዛጉቀቴ፥ ዔያታ ሜታዳ ሱኩቀሴ፤ 29 ጋዓንቲ ካአቲ ሴሎዋኔ ቦንቺንቲታቴያ ዩያ ቡኖይዳፓ ፔቴማጉዲታያ ማይንቲ ሚዛጲባአሴ፤ ታ ዒንሢም ጋዓአኔ። 30 ዓካሪ ዒንሢ ጉሙርቁፃ ዳኬ ዓሳ! ሃኖ ኮሽካያ ዚሮ ታሚዳ ዓገንታ፥ ካዮ ማአቶ ዩያይዲ ያኦሲ ፓላሚቶ ዒንሢም ዎይቲ ባሽና ዒ ማሊንዳዎይ? 31 ዩያሮ ዓይጎ ኑ ሙዒ፥ ዑሽካንዳይ? ሃሣ ኑ ዓይጎ ማይንታንዳይ? ጌዒ ማሊ ሜታዳፖቴ፤ 32 ዓይሁዴ ማዒባአ ዓሳ ዩንሢ ባኮንሢ ዴንቆሮ ማሊ ሜታዳኔ፤ ዒንሢኮ ጫሪንጮ ዓዳሢ ዩይ ቢያ ዒንሢም ኮይሳሢ ዔራኔ። 33 ቢያይዳፓ ቤርታዲ ጋዓንቲ ያኦሲኮ ካአቲሞና ጂሉሞና ኮዑቀቴ፤ ዩይ ዒንሢ ማላ ባካአ ቢያ ዒንሢም ዒንገንታንዳኔ። 34 ዩያሮ ዚራ ባአዚሮ ማሊ ሜታዳፖቴ፤ ዚሮ ማሊሳ ባካ ዚራሮ ማፆንጎ፤ ፔቴ ፔቴ ኬላ ፔኤኮ ጊዳ ሜቶና ዓአያኬ» ጌዔኔ።

7

ዓሲ ዑሰካ ዎጊሢ ዛላ
(ሉቃ. 6:37-42)

* 6:27 6:27 ናንጎ ሌዎይዳ ዳካ ዎዴ ጋዓዛ፡- ፔቴ ፔቴ ማፃአፓ «ፔ ዔይይዳ ፔቴ ዎዳ» ጋዓኔ። 6:27 6:27 ዓይኑ. 39:5-7። 6:29 6:29 1ካአቶ. ማ 10:4-7፤ 2ያኦሲ. ዓሃኬ 9:3-6።

1 ዩሱሴ ሃሣ ከኤዛዎ፡- «የኦሲ ዲንሢዳ ዋጉዋጉዲ ያናኣ ሩፒ ፑርታኬ» ጌይ ዋጊፖቴ፤ 2 ዲንሢዳ ዋጊ ጎይፆማ ዲንሢዳም ዋጊንታንዳኔ፤ ዲንሢዳ ማኬማና ዲንሢዳም ማከንታንዳኔ። 3 ኔ ዓኣፖይዳ ዓኣ ጳኤፖ ሚፆ ዳንቁዋፆ ኔ ላጋሢኮ ዓኣፖይዳ ዓኣ ዳኮ ቡኡሮማ ዓይጋ ኔ ዛጋይ? 4 ኔ ዓኣፖይዳ ጳኤፐ ሚሢ ዓኣንቴ፣ ሕኤኮ ዓኣፓፓ ዳኮ ቡኡሮማ ታ ከሶም» ዋይቲ ኔ ጋዓኒ ዳንዳዓይ? 5 ሃይ ኔ ሄርሺንታሢ ሃይ! ቤርታዲ ኔኤኮ ዓኣፓ ዓኣ ጳኤፖ ሚፆ ከሴ፤ ዩካፓ ኔ ላጋሢኮ ዓኣፓ ዓኣ ዳኮ ቡኡሮማ ኔ ዳንቁ ከሳንዳኔ። 6 ያኦሲም ዲማጳ፣ ጌኤኮ ባኮ ካናቶም ዓጊፖቴ፤ ሃሣ ሚዛጳ ሹጮ ጉዲንፆ ቤርታ ከኤሪፖቴ፤ ዓይጎር ጌዔቶ ጉዲንፆ ዩፆ ሚዛጳ ሹጮ ቶኪና ሄርቃንዳኔ፤ ካናታ ሃሣ ጊንሣ ሺሪ ዲንሢዳ ዳዓንዳኔ» ጌዔኔ።

ሺኢቃሢ ዋልቁ
(ሉቃ. 11:9-13)

7 ዩሱሴ ሃሣ ከኤዛዎ፡- «ሺኢቁዋቲ ዲንሢዳም ዲንጊንታንዳኔ፤ ኮውዋቲ ዲንሢዳ ዳንቃንዳኔ፤ ካራ ዔቁ ዔኤሉዋቲ ካራ ዲንሢዳም ቡሉንታንዳኔ። 8 ሺኢቃሢም ቢያ ዲንጊንታንዳኔ፤ ኮዓሢያ ዳንቃንዳኔ፤ ካራ ዔቁ ዔኤላሢማኣ ካራ ቡሉንታንዳኔ።» 9 «ዲንሢዳ ባኣካፓ ናዓ ካሢ ሺኢቃዛ ሹቹ ዲንጋ ዓዴ ዓኣ? 10 ሃሣ ጊንሣ ዓሽኪ ሺኢቃዛ ሹቹ ዲንጋይ ዓኣ? 11 ዓኣጎር ዲንሢዳ ፑርታታፆ ዲንሢዳ ናኣቶም ኮሺ ባኣዚ ዲንጊ ዔራቶ፣ ዲንሢዳኮ ጫሪንጮይዳ ዓኣ ዓዳሢ ዲዛ ሺኢቃዛንሢም ኮሺ ባኣዚ ዲንጋንዳሢ ባሹና ዔራኔ። 12 ሚሌ ዓሳ ዲንሢዳም ማዳንዳጉዲ ዲንሢዳ ኮዓ ባኮ ዲንሢዳም ዔያቶም ማዳዋቲ፤ ሙሴ ዋጎና ያኦሲ ማሊፆ ከኤዛ ዓሳናኮ ዔርዚፆ ያዲ ጋዓኔ» ጌዔኔ።

ኩንፆና ዳልጎ ካርና
(ሉቃ. 13:24)

13 ዩሱሴ ሃሣ ከኤዛዎ፡- «ኩንፆ ካራሎና ጌሉዋቲ፤ ዓይጎር ጌዔቶ ባይሲንቶ ባንሢ ጌልዛ ካራ ዳልጊ፣ ዔኪ ዓኣዳ ጎይፆኣ ዳልጊኬ። ዩኖ ባንሢ ጌላንዳ ዓሳ ሚርጌኬ። 14 ናንጊ ባንሢ ጌልዛ ካራ ጋዓንቲ ኩንዔ፣ ጎይፆኣ ሜታሳያኬ፤ ዩያር ዩኖ ጎይፆሎና ጌላንዳ ዓሳ ዳካኬ» ጌዔኔ።

ያኦሲ ማሊፆ ከኤዛኔ ጌይ ሉኡቃ ዓሶ
(ሉቃ. 6:43-44፤ 13:25-27)

7:2 7:2 ማር. 4:24። 7:12 7:12 ሉቃ. 6:31። 7:14 7:14 ዔር. 21:8፤ ላሚ. ዋማ 30:19።

15 ዬሱሱ ሃሣ ኬኤዛዎ፡- «ጋርና ሙዓ ያእዮታዎ፣ ማራይ ጉጋሌ ማይንቲ ዲንሢ ባኣኮ ጌሊ ዲንሢ ባይዛኒ ማላ ሉኡቁ ጸኦሲ ማሊዎ ኬኤዛኔ» ጋዓዘንሢዳገ ካፒንቱዋቱ። 16 ዲንሢ ዔያቶኮ ማደ ዓአፖይዳገ ዔራንዳኔ፤ ጋውዲዳገ ዋይኔ፤ ሃሣ ጋአላንሣይዳገ ቤሌሴ ማንዲንታ? 17 ዬያጉዲ ኮሺ ሚሢ ቢያ ኮሺ ዓአፒ፣ ፑርታ ሚሢ ሃሣ ፑርታ ዓአፒ ዓአፓኔ። 18 ኮሺ ሚሢ ፑርታ ዓአፒ፣ ፑርታ ሚሢ ኮሺ ዓአፒ ዓአፓኒ ዳንዳዑዋሴ። 19 ኮሺ ዓአፒ ዓአፑዋ ሚሢ ቢያ ቲቁንቲ ታሚዳ ዓገንታንዳኔ። 20 ዬያር ሉኡቁ ጸኦሲ ማሊዎ ኬኤዛኔ ጋዓ ዓሶኮ ማደ ዓአፖይዳገ ዲንሢ ዔራንዳኔ።

21 «ጫሪንጫ ዓአ ታ ዓደ ማሊዎ ኩንሠዋዎ ሰዳሢዮ፣ ጎዳሢዮ» ጋዓሢ ቢያ ጫሪንጫ ካአቱዋይዳ ጌላዓኬ። 22 ዓጫይዳ ጸኦሲ ዋጋ ኬሎ ሚርጌሢ ሰዳሢዮ! ጎዳሢዮ! ኔ ሱንዎና ጸኦሲ ማሊሢ ኔ ኬኤዚባአዓዳ? ኔ ሱንዎና ፑርታ ዓያና ዓሶይዳገ ኔ ኬሲባአዓዳ? ኔ ሱንዎና ማዲንታ ሚርጌ ዓኪ ባአዚ ኔ ማዲባአዓዳ? ጋዓንዳኔ። 23 ዬኖ ዋዶና <ፔቲታዎ ታ ዲንሢ ዔራዋሴ፣ ዲንሢ ዋይዞ ዲፀ ዓሳ ታ ኮይላገ ሺኢኩዋቲ!> ጌዲ ፔጌና ታ ዔያቶም ኬኤዛንዳኔ» ጌዔኔ።

ማአሪ ማዜ ላምዎ ዓሲኮ ኮአኪንሢ
(ሉቃ. 6:47-49)

24 ዬሱሱ ሃሣ ኬኤዛዎ፡- «ዓካሪ ሃያ ታአኮ ቃአሎ ዋይዚ ማደ ዓሢ ማአሮ ዶዲ ቤሰካ ዶዲሺ ማዜ ጪንጫ ዓሲ ማላኔ። 25 ዴኤፒ ዒርዚ ዋርቁም ዲጳ ኩሚ፣ ዠባሬያ ዠባርሼኔ፤ ጋዓንቲ ዬይ ማአራሢ ዶዲ ቤሲዳ ማዠንቲሢሮ ዶዒባአሴ።

26 «ሃያ ታአኮ ቃአሎ ዋይዚ ማደዋአሢ ጋዓንቲ ማአሮ ማአሻላይዳ ማዜ ቦአዛ ዓሲ ማላኔ። 27 ዴኤፒ ዒርዚ ዋርቁም፣ ዲጳ ኩሚ ዠባሬያ ዠባርሻዛ ዬና ማአሬላ ቤዞና ጋፒ ዶዔኔ» ጌዔኔ።

28 ዬሱሱ ዬያ ባኮ ኬኤዚ ጋፒሳዛ ዴራ ዒዛኮ ዔርዚያና ዲቃቲ ሄርሼኔ። 29 ዓይጎር ጌዔቶ ዒዚ ዔያቶኮ ዋጎ ዔርዛ ዓሶጉዲቱዋንቲ ዴኤፒ ቢታንቶና ዔርዛሢሮኬ።

8

ዑፃ ኬሰካ ዶርዓሢና ዓዲንቲ ዓሢኮ ፖዒዎ
(ማር. 1:40-45፤ ሉቃ. 5:12-16)

7:15 7:15 ሃዚ. 22:27። 7:19 7:19 ማቲ. 3:10፤ ሉቃ. 3:9። 7:20 7:20 ማቲ. 12:33። 7:23 7:23 ዓይኑ. 6:8። 7:29 7:29 ማር. 1:22፤ ሉቃ. 4:32።

1 ዩሱሴ ደካፓ ከዴ ዎድና ሚርጌ ዴሬ ዒዛ ጊንዖ ሙኬኔ።
2 ዩኖና ፔቴ ዑሰካ ከሰካ ዶርዓ ዓርቁ ዓሲሰኬይ ዩሱሴ ኮይላ ሙኪ ባሊቲና ሳዓ ሎኦማዎ፡- «ጎዳሢዮ! ኔ ኮዔቴ ታና ጌኤሻኒ ዳንዳዓኔ!» ጌዔኔ።

3 ዩሱሴ ዒዛኮ ዑዖ ዓርቃዎ፡- «ጌኤሸኬ! ኔ ጌኤሸካንዳጉዲ ታ ኮዔኔ» ጋዓዛ ዩይ ዓሢ ቤዘና ዶርዓሢዳፓ ዳቂ ጌኤሸኬኔ።

4 ዩካፓ ዩሱሴ፣ ዩኖ ዶርዔሎይዳፓ ዳቂ ጌኤሸኬ ዓሢሞ፡- «ሃያ ባኮ ዖኦማኦ ከኤዚፖ፤ ጋዓንቴ ሃሢ ዓኦዲጋፓ ኔኤኒ ጌኤሸኬሢ ቁኤሳሢሞ ዳቂ፤ ሃሢ ቢያሢሞ ማርካ ማዓንዳጉዲ ኔኤኮ ዶርዓሢዳፓ ፖዒዖ ዛሎ ሙሴ ዓይሢ ዒንጎ ባኮ ዖኦሲሞ ዒንጌ» ጌዔኔ።

ጭቶ ፖኦሊሶ ዓይሢሢኮ ጉሙርቁዖ
(ሉቃ. 7:1-10)

5 ዩካፓ ዩሱሴ ቁፐርናሆሚ ካታሞ ጌላዛ ጭታ ፖኦሊሴ ዓይሢ፣ ፔቴ ሮሜ ዓጪ ዓሲሰኬይ ዒዛ ኮይላ ሙካዎ፡- 6 «ጎዳሢዮ! ታኦኮ ማዳሢ ሃርጊንቴ ዎቢ፣ ሚርጌ ሜታዲ ጋራ ላሢ ዓኦኔ፤ ታና ማኦዴ» ጌዒ ሸኢቁኔ፤

7 ዩሱሴ ማሃዎ፡- «ታ ዒዛ ሙኪ ፓሢንዳኔ» ጌዔኔ።

8 ፖኦሊሶ ዓይሢሢ ጋዓንቴ፡- «ጎዳሢዮ! ታ ማኦሪ ኔ ጌላኒ ታ ጊኢጋ ዓሲቱዎሴ፤ ዩያሮ ሃካ ዓኦዖ ፔቴ ባኦዚ ጌዔ፤ ታኦኮ ማዳሢ ፖዓንዳኔ፤ 9 ታኦኒ ታ ቶኦኪና ዎይሢ ዓሲሞ ዓይሢንጋያ ሃሢ ታ ዴማ፣ ታኦሞ ዓይሢንጋ ፖኦሊሴ ዓኦኔ፤ ዔያቶይዳፓ ፔቴሢ «ዴንዴ!» ታ ጋዓዛ ዴዴንዳኔ፤ ባጋሢ ሃሢ «ሃኒ ዩዔ!» ታ ጋዓዛ ሙካኔ፤ ታኦሞ ማዳሢ «ሃያ ታኦሞ ማዴ!» ታ ጋዓዛ ዒ ማማዳኔ» ጌዔኔ።

10 ዩሱሴ ዩያ ዎይዜ ዎድና ዲቃቲ ሄርሻዖ ዒዛና ዎላ ዓኦዳ ዓሶ ኮይላ፡- «ጎኔ ታ ዒንሢሞ ጋዓኔ፤ ሃያጉዴ ዴኤፐ ጉሙርቁሢ ዓኦ ዓሲ ፔቴታዎ፣ ዒሰራዔኤሌይዳኦ ማዖሞ ታ ዴንቁባኦሴ። 11 ዔሩዎቴ፤ ሚርጌ ዓሲ ዓሳ ከሰካ ዛሎና ጌላ ዛሎናይዳፓ ሙኪ ዓብራሃሚና ዩሳኦቁና ሃሢ ያይቆኦቤና ዎላ ጫሪንጮ ካኦቱሞይዳ ሙዒኒ ዴዓንዳኔ። 12 ጫሪንጮ ካኦቱሞ ጊኢጊንቴያታዖ ዙሎ ዲሞ ቤዛ ከኤሪንጋንዳይ ዓኦኔ። ዩካ ዩና ዓሳ ዩኤኪ ዓቺ ዳዓንዳኔ» ጌዔኔ። 13 ዩካፓ ዩሱሴ ጭቶ ፖኦሊሶ ዓይሢሢሞ፡- «ዴንዴ፣ ኔ ጉሙርቁሢጉዲ ማዖንጎ» ጌዔኔ። ዩያ ዓሢኮ ማዳሢ ዩማና ፖፖዔኔ።

8:4 8:4 ሉቃ. ዓከ 14:1-32። **8:11** 8:11 ሉቃ. 13:29። **8:12** 8:12 ዒሲ. 49:12፤ 59:19፤ ሚሏ. 1:11፤ ዓይኑ. 107:3፤ ማቲ. 22:13፤ 25:30፤ ሉቃ. 13:28።

ዩሱሴ ሚርጌ ሃርጌ ዓሶ ፓህህሂ
(ማር. 1:29-34፤ ሉቃ. 4:38-41)

14 ዲማና ዩሱሴ ጲዳርሴ ማኣሪ ጌላዎ፣ ጲዳርሴኮ ባይሳ ቆደንተ ላሂ ዓኣንተ ዳንቁ፣ 15 ዲዘኮ ኩጮ ዲ ካኣማዛ ቤዘና ቆህ ዲዘኮ ሃይቁም ዔቁ ዲዛ ሾኦቲንህኔ። 16 ዩካፓ ሳዓ ዓማዛ፣ ዓሳ ፑርታ ዓያና ዓርቁ ሚርጌ ሃርጌ ዓሶ ዩሱሴ ኮይላ ዔኪ ሙካዛ «ኬሰኬ» ጌይህና ሌሊ ፑርቶ ዓያና ኬሴም ሃርጊንቲ ዓሳ ቢያ ፖዔኔ። 17 ዩያይዲዎና ያኦሲ ማሊያ ኬኤዛ ዲሲያሴ ዛሎና፡- «ዲዚ ኦኡኮ ደርዓሂ ዔኪ ኮጊዳፓ ዳኬኔ» ጌይንቲሂ ኩሜኔ።

ዩሱሴ ጊንሂ ሃንቲሂ ዔኪሳ ሜቶ
(ሉቃ. 9:57-62)

18 ዩሱሴ ሚርጌ ዓሶ ዲዛ ኮይላ ቡኪ ዓኣሂ ዛጋዎ ዲዘኮ ጊንዎ ሃንታዘንሂ ባዘኮ ሶ ሱኮ ፒንቃንዳጉዲ ዓይህኔ። 19 ዲማና ፔቲ ሙሴ ዔርዘ ዎሳ ዔርዘ ዓሶ ዲዛ ባንሂ ሙካዎ፡- «ዔርዘህሂዮ! ኔ ዓኣዳ ቤዘ ቢያ ታ ኔኤና ዓኣዳንዳኔ» ጌዔኔ።

20 ዩሱሴ ማሃዎ፡- «ዉኡካሂኮ ዎርቆ ዔቲ፤ ካፖኮ ሃህ ማኣሪ ዓኣኔ። ዓሲ ናዓሂ ጋዓንቲ ላሂ ሃውሻንዳ ቤሲታዎ ባኣሴ» ጌዔኔ።

21 ዲዘኮ ጊንዎ ሃንታዘንሂዳፓ ፔቲይ፡- «ጎዳሂዮ! ቤርታዲ ታ ዳንዲ ታ ዓዴ ሃይቁም ዲኡኪ ሙኮም» ጌዔኔ።

22 ዩሱሴ ማሃዎ፡- «ኔኤኒ ታ ጊንዎ ሙኬ፤ ሃይቁ ዓሳ ሃይቁ ዓሶ ዲኡካንዳጉዲ ሃሼ» ጌዔኔ።

ዩሱሴኮ ባዘ ጉዳሂ ጎሪዎ
(ማር. 4:35-41፤ ሉቃ. 8:22-25)

23 ዩካፓ ዩሱሴ ዲዘኮ ጊንዎ ሃንታዘንሂና ዎላ ዎኣዎና ፒንቆ ጎንጎ ተጊ ዳንዳኔ፤ 24 ዩማና ዔርቲባኣ ዳኤፒ ባዚ ጉዳ ዔቁ፣ ዎኣዎና ፒንቆ ጎንጌሎ ዎኣዎ ኩንሂ፣ ዔኤዲሳኒ ዑኪ ሜታሴኔ፤ ዩሱሴ ጋዓንቲ ዲማና ጊንዒ ዓኣኔ። 25 ዲዘኮ ጊንዎ ሃንታ ኣታ ዲዛ ጴቻዎ፡- «ጎዳሂዮ! ኦ ኩዳኔ፣ ኦና ዓውሴ» ጌዔኔ።

26 ዩሱሴ ዲማና፡- «ሃይ ዲንሂ ጉሙርቁዎ ፓጩ፣ ዓሳ፣ ዓይጎር ዲንሂ ሃያይዲ ሳጊጩይ!» ጋዓዎ፣ ዔቁ ዠባርና ዳኤፖ ጉዳሂና ጎሪም ቤዘና ቢያ ባካ ዚቲዮ ጌዔኔ።

27 ዓሳ ጋዓንቲ ሚርጌና ዲቃቲ ሄርሻዎ፡- «ሃይ ዠባርንታ ባዘንታ ቢያ ዓይሂንታሂ ዎዘጉዴ ዓሲዳይ?» ጌዔኔ።

ፑርታ ዓያና ዓርቁ ላምዎ ዓሶኮ ዳቂዎ
(ማር. 5:1-20፤ ሉቃ. 8:26-39)

28 ዩሱሴ ጌለላ ባዘና ፒንቂ ጌርሴኖኔ ዓጮ ሙካዛ ዒኢካ ፑርታ ዓያና ዓርቂ ላምዖ ዓሲ ዲኡፒ ካይዚዳፓ ኬሰኪ ዒዛና ካእሜኔ፤ ዩንሢ ሚርጌና ፑርታ ዓሲ ማዔሢሮ ዓይጎ ዓሲያ ዩኖ ጎይዖና ዓኣዲኒ ዳንዳዑዋያኬ። 29 ዔያታ፡- «ጾኑሲ ናዓሢዮ! ኑኡና ዋላ ኔኤኮ ዓይጌ ዓኣይ? ዋዳ ሄሉዋንቴ ኔ ኑና ሜታሳኒ ሙኪያ?» ጌዒ ጌዒ ዒላቴኔ።

30 ዔያታ ዓኣ ቤዛፓ ዳካ ሃኬ ቤሲዳ ቆሎ ጉዲንሢ ዲቢ ሄንቃኔ። 31 ፑርቶ ዓያኖንሢ ዩሱሴ ኮራ፡- «ኔ ኑና ኬሳያ ማዔቴ፤ ሃሴኬ ጉዲንጎይዳ ኑ ጌላንዳጉዲ ኑና ዓይሢ» ጌዒ ዒዛ ሺኢቄኔ።

32 ዩሱሴያ፡- «ዳንዲዋቴ!» ጋዓዛ፤ ፑርቶ ዓያኖንሢ ዓሶንሢዳፓ ኬሰኪ ጉዲንጎይዳ ጌላዛ፤ ጉዲንጎ ቢያ ዔያታ ሄንቃ ማጎ ዓጮይዳፓ ዲርጊ ባዘይዳ ጌሊ ሙይንቴኔ። 33 ጉዲንጎ ሄንቃ ናኦታ ጳሽኪ ካታዎ ዴንዳዖ፤ ማዔ ባኮ ቢያ ሃሣ ፑርቶ ዓያኖና ዓርቂንቴ ዓሶንሢዳኣ ማዲንቴ ባኮ ኬኤዜኔ። 34 ዩካፓ ካታዎ ዓሳ ጉቤ ዩሱሴ ዛጋኒ ካታማፓ ሙኪ ዒዛ ዴንቃዖ ዔያቶኮ ዓጫፓ ዒ ኬሰኪ ዓኣዲንዳጉዲ ዒዛ ሺኢቄኔ።

9

ዩሱሴ ዋቦ ዓሢ ፒሽሢ (ማር. 2፡1-12፤ ሉቃ. 5፡17-26)

1 ዩካፓ ዩሱሴ ዋኣዖና ፒንቆ ጎንጎቶጊ ባዘ ጊዴና ፒንቂ ፔ ካታዎ ሙኬኔ። 2 ዒኢካ ዓሳ ፔቴ ዋቦ ዓሲ ሃሎና ኬዲ ዔኪ ሙኬኔ። ዩሱሴ ዔያቶኮ ጉሙርቂዖ ዛጋዖ ዋቦ ዓሢዎ፡- «ታ ናዓሣ ማሊፖ! ጎማ ኔኤኮ ዓቶም ጌይንቴኔ» ጌዔኔ።

3 ዒማና ሙሴ ዔርዜ ዋጎ ዔርዛ ፔቴ ፔቴ ዓሳ፡- «ሃይ ያኦሲ ጫሽኬ» ጌዒ ፔ ዒኖና ማሌኔ።

4 ዩሱሴ ዔያቶኮ ማሊዖ ዔሪጋፓ፡- «ዓይጎር ዒንሢ ሃያጉዴ ፑርታ ባኣዚ ዒኖና ማላይ? 5 ጎማ ኔኤኮ ዓቶም ጌይንቴኔ» ጌይሢና ዔቂ ዴንዴ» ጌይሢናይዳፓ ሃንዳ ዎና ሽሌዓይ? 6 ጋዓንቴ ዓሲኮ ናዓሢ ሳዖይዳ ዓሲኮ ጎሚ ዓቶም ጋዓኒ ቢታንቶ ዓኣሢ ዒንሢ ዔራንዳያ ኮይሳኔ» ጋዓዖ፤ ዋቦ ዓሢዎ፡- «ዔቂ ሃላሢ ኔኤኮ ኬዲ ኔ ማኦሪ ዓኣዴ» ጌዔኔ። 7 ዩማና ዋቦ ዓሢ ዔቂ ፔ ማኦሪ ዓኣዴኔ። 8 ዴራ ዩያ ዛጋዖ ዲቃቴ ሄርሺ፤ ዒጊጫሢና ዩያጉዴ ቢታንቶ ዓሲም ዒንጌ ያኦዛሢ ጋላቴኔ።

8:29 8:29 ሱኦጎ. ማፃ 11:12፤ 2ሳሙ. 16:10።

ማቴዎስ ኮ ዔኤሊንቴያ
(ማር. 2:13-17፤ ሉቃ. 5:27-32)

9 ዩሱሴ ዴንዲቤቃ ማቴዎስ ጎየሰኬይ ኮርሞ ዓሶፓ ሚኢሾ ቡኩሳ ቤዛ ዴዒ ዓኣንቴ ዴንቁ፡- «ሃኒ ታ ጊንያ ሙኬ!» ጋዓዛ፡ ዒዚያ ዔቂ ዒዛ ጊንያ ዓኣዴኔ።

10 ዩካፓ ዩሱሴ ማቴዎስ ማኣሮይዳ ሙዓኒ ዴዓዛ ሚኢሾ ቡኩሳ ዓሶንታ ጎሞ ዓሶንታ ሚርጌ ዓሲ ሙኪ ዒዛና ሃሃ ዒዛኮ ጊንያ ሃንታዘንሢና ዎላ ሙዓኒ ዴዔኔ። 11 ፔርሴ ዓሳ ዩያ ዛጋያ ዩሱሴኮ ጊንያ ሃንታዘንሢ ኮራ፡- «ዒንሢኮ ዔርዘሢ ሃያ ሚኢሾ ቡኩሳ ዓሶና ጎሞ ዓሶና ዎላ ዴዒ ዎይቲ ሙዓይ?» ጌይ ያኦጩኔ።

12 ዩሱሴ ዔያታ ጌዔሢ ዎይዛያ፡- «ዴኤሻ ዔራ ዓሲ ኮይሳሢ ሃርጊንቴ ዓሲም ማዓንዲፓዓቲም ዎሊ ዓሲምቱዋሴ፤ 13 ዴንዲ፡- «ዒንጎ ባኣዚ ዒንጋያይዳፓ ባሼ ዓሲ ሚጩንታ ዓሲ ታ ናሽካኔ» ጋዓ ቃኣላ ዎዚ ጌይሢታቴያ ማሊ ጳቂሢ ዔሩቀቴ፤ ጎሞ ዓሶ ዔኤሊን ማዓንዲፓዓቲም ዲሎ ዓሶ ዔኤሊን ታ ሙኪባኣኦ» ጌዔኔ።

ሙኡዚ ሃሺሢ ዳምቤ ዛላ ያኦጩንቴ ያኦጩሢ
(ማር. 2:18-22፤ ሉቃ. 5:33-39)

14 ዓማና ማሰካ ዮሃንሴኮ ጊንያ ሃንታ ናኣታ ዩሱሴ ኮራ ሙካያ፡- «ኡኡና ፔርሴ ዓሶና ሙዖ ሃሺያ ዳምቦ ካፓንቴ፤ ኔ ጊንያ ሃንታ ናኣታ ዓይጎሮ ዩያይዲ ካፑዎይ?» ጌዒ ያኦጩኔ። 15 ዩሱሴ ማሃያ፡- «ዐኡታሢ ዔያቶና ዎላ ዓኣንቴ ዔፖ ዓሳ ዎይቲ ሙይ ዐሽኪ ዎዛዲዎ ሃሻንዲይ? ዐኡታሢ ዔያቶይዳፓ ዔውታንዳ ዎዴ ሙካንዳኔ፤ ዩኖ ዎድና ዔያታ ሙዖ ሃሺያ ዳምቦ ካፓንዳኔ።

16 «ዓኪ ዓፒላይዳፓ ዔኪ ጩሚ ዓፒላይዳ ዓጊ ሲካይ ባኣሴ፤ ያዲ ማዔቶ ዓኮ ዓጊፃ ጉርሚ ጩሞ ዓፒሎ ዳዳርዘንዳኔ፤ ዳርዒፃኣ ፔቶ ዳልጋንዳኔ። 17 ዩያጉዲ ሶልኪ ዐሺ ዎሆ ጩንቁ ያቲዳ ሺሚ ዎሃንቱዋሴ፤ ዎሃንቴቴ ጋዓንቴ ሺሚ ዐዣ ቡርቁ ያቶ ዲኡሴም ዐዣ ላኣሊንታንዳኔ፤ ያታኣ ጉሪ ዓታንዳኔ። ዩያሮ ሺሚ ዐሺም ዓኪ ጌኤሺ ያቲ ኮይሳኔ፤ ዩያይዴቴ ዐዣ ያቶይዳ ዔኤቢ ዎኦቱዎ ዳዓኔ።»

ሃይቢፓ ዔቂ ናይሰኬኖና ላኣሎ ናይ ዶርያ ሃርጌሰኬኖኮ ዳቂያ
(ማር. 5:21-43፤ ሉቃ. 8:40-56)

18 ዩሱሴ ዩያ ዓሶም ኬኤዚያይዳ ዓኣንቴ ፔቴ ዓይሁዶ ዓሶኮ ቡኩንቶ ቤዘ ሱኤጌሰኬይ ሙኪ ባሊቲና ዒዛ ቤርታ ሎኦማያ፡- «ታኣኮ ናይሰኬና ሃርጊ፡ ሃሢ ሃይቄኔ፤ ሃዳራ፡ ኔኤኒ ሙኪ ዒዘ ዐ-ፃ

ኩጮ ገሠቶ ዒዛ ዳቃንዳኔ» ጌዔኔ። 19 ዬያር ዬሱሴ ዔቁ ዓሢ ገንፆ ዓኣዳዛ ዒዛ ገንፆ ሃንታዞንሢያ ዎላ ዓኣዳኔ።

20 ዬካፓ ታጳ ላምፆ ሌዔ ጉቤ ላኣሎ ናይ ዶርዖና ሜታዳ ፔቴ ላኣሊሰኬና ዬሱሴኮ ገንፆ ዛሎና ሙኪ ዓፒሎኮ ዓጮ ካኣሜኔ፤

21 ዬያ ዒዛ ማዳሢ፡- «ዒዛኮ ዓፒሎታፆ ኩጮና ታ ካኣሜቶ ዳቃንዳኔ» ጌዒ ፔ ዒኖና ማሌሢርኬ። 22 ዬሱሴ ዒማና ገንሢም ሺሪ ላኣሌሎ ዛጋፆ፡- «ታ ናዔሌ ማሊፖ፣ ኔ ጉሙርቁፃ ኔና ዳቁሼኔ» ጋዓዛ፣ ላኣሌላ ቤዘማና ዳቁኔ።

23 ዬካፓ ዬሱሴ ዓይሁዶ ዓሶኮ ቡኪንቶ ቤዘ ሱኡጋሢ ማኣሪ ሄላፆ ዲንካሢ ዎርቁ ሃሢ ጳሽኪ ዒላቲ ዒላቲ ዬኤካ ዓሶ ዛገ፣

24 ዓሶ፡- «ሺኢኩዎቴ! ናዔላ ገገንዔያፓዓቲም ሃሃይቁባኣሴ!» ጋዓዛ፣ ዔያታ ዒዛ ቦሢ ሚኢጮኔ። 25 ዴራ ኬሰኬሢኮ ገንፆ ዒዚ ጋር ጌላፆ ናዔሎኮ ኩጮ ዓርቃዛ ዒዛ ዔቁኔ። 26 ዬይ ሃይሳ ዬኖ ዓጮ ቢያይዳ ዎይዚንቴኔ።

ዬሱሴ ዓኣፒ ባይቁያና ዳንጋ ባይቁ ዓሲ ዳቁሼሢ

27 ዬሱሴ ዬኖ ቤዛፓ ዴንዳንቴ ላምፆ ዓኣፒ ባይቁ ዓሲሰኬንሢ፡- «ዳውቴ ናዓሢኖ! ሃዳራ ኑና ማኣዴ» ጌዒ ጌዒ ዒላቲኔ። 28 ዬካፓ ዬሱሴ ኬኤፆ ጌላዛ ዓኣፖ ባይቁዞንሢ ዒዛ ገንፆ ሙኬም፣ ዬሱሴ ዔያቶ ኮራ፡- «ዒንሢኮ ዓኣፖ ታ ቡላንዳሢ ዒንሢ ጉሙርቃ?» ጌዒ ፆኦጮኔ።

ዔያታ ማሃፆ፡- «ሂኖ፣ ጎዳሢኖ» ጌዔኔ።

29 ዬካፓ ዬሱሴ ዔያቶኮ ዓኣፖ ኩቻ ካኣማፆ፡- «ዒንሢ ጉሙርቁሢጉዲ ዒንሢም ማፆንጎ» ጌዔኔ። 30 ዓኣፓ ዔያቶኮ ቡሊንታዛ ዬሱሴ ዔያቶም፡- «ሃያ ፆኦማኣ ዒንሢ ኬኤዙዎጉዲ!» ጌዒ ዶዲሺ ላቲኔ። 31 ዔያታ ጋዓንቴ ኬሰካፆ ዒኢካ ጉርዶ ቢያይዳ ዬሱሴ ዛሎ ኬኤዜኔ።

32 ዓኣፓ ባይቁ ዓሶንሢ ኬሰኪ ዓኣዳዛ ሜሌ ዓሲ ፑርታ ዓያና ዓርቁም፣ ዳንጋ ባይቁሰኬያ ዬሱሴ ኮይላ ዔኪ ሙኬኔ። 33 ፑርቶ ዓያኖ ዬሱሴ ኬሴሰካፓ ዳንጎ ባይቁ ዓሢ ጌሰቲሢ ዓርቁኔ፤ ዬያር ዴራ ዲቃቲ ሄርሻፆ፡- «ሃያጉዴ ባኣዚ ዒሰራዔኤሌ ዓጮይዳ ኑ ዛገ ቤቁባኣሴ» ጌዔኔ። 34 ፔርሴ ዓሳ ጋዓንቴ፡- «ዒዚ ፑርቶ ዓያኖ ዓሶፓ ኬሳሢ ፑርቶ ዓያኖ ሱኡጋሢ ዎልቆናኬ» ጌዔኔ።

ዬሱሴ ዴር ሚጠንገቴሢ

9:20 9:20 ፓይ. ማፃ 15:38፤ ላሚ. ዎማ 22:12። 9:34 9:34 ማቴ. 10:25፤ 12:34፤ ማር. 3:22፤ ሉቃ. 11:15።

35 ዩሱሴ ዓይሁድ ዓሶኮ ቡኪንቶ ቤዘይዳ ዔርዚ ዔርዚ፣ ያኦሲ ካኣቱሞ ዛሎ ኮፍ ሃይሶሞ ኬኤዚ ኬኤዚ ዬያጉዲ ሃሃ ዶርዓሢያ ቢያ ፖዒሲ ፖዒሲ ካታሞና ጉርዶናይዳ ሃንቴ። 36 ዒማና ዴራ ሄንቃ ዓሲባኣ ማራይጉዲ ሜታዲያ ሃሃ ማኣዲያ ዔያቶ ባኣያ ማዔሢ ዛጌ ዎዶና ዒ ዔያቶ ሚጨንቴ። 37 ዬያር ዩሱሴ ዒዛኮ ጊንዖ ሃንታዘንሢ ኮራ፡- «ቡኩሶንዶ ሃኣካ ሚርጌኬ፤ ሃኣኮ ቡኩሳዘንሢ ጋዓንቴ ዳካታሢ። 38 ሃኣኮ ቡኩሳ ዓሶይዳ ቃሲ ዓሲ ዳካንዳጉዲ ሃኣኮ ዓዶ ሸኢቁሞቴ» ጌዔ።

10

ታጳ ላምዖ ዩሱሴ ጊንዖ ሃንታዘንሢ ማዶር ዳኪንቴዖ
 (ማር. 3:13-19፤ 6:7-13፤ ሉቃ. 6:12-16፤ 9:1-6)

1 ዩሱሴ ታጳ ላምዖ ዒዛ ጊንዖ ሃንታዘንሢ ፔ ባንሢ ዔኤላዖ ፑርቶ ዓያኖ ኬሳንዳጉዲ ሃሃ ዶርዖ ቢያ ፖዒሳንዳጉዲ ቢታንቶ ዔያቶም ዒንጌ። 2 ታጳ ላምዖ ዒዛ ጊንዖ ሃንታዘንሢ ሱንፃ፡- ቤርታ ሲሞኦጌ ጌይንታ ጳደርሶንታ ዒዛኮ ጌርሲ ዒንዲራሴ፣ ዜብዲዮሴ ናኣቶንሢ፡- ያይቆኦ፤ ዮሃሲ፤ 3 ፒልጶ፤ ቤርቴሌሞሴ፣ ቶኦማኦ፤ ሚኢሾ ቡኩሳ ማቴዎሴ፣ ዒልፒዮሴ ናኣዚ ያይቆኦ፤ ታዲዮሴ፤ 4 ፔ ዓጮ ናሽካ ሲሞኦጌንታ ዩሱሴ ዓኣሢ ዒንጌ፣ ዓሰቆርንቶ ዓጮ ዓሢ ዪሁዳንታኬ።

5 ዩሱሴ ዬንሢ ታጳ ላምዖ ዒዛኮ ጊንዖ ሃንታዘንሢም፡- «ዓይሁዴ ማዓባኣ ዓሶ ባንሢ ዴንዲፖቴ፤ ሃሃ ሳማሪያ ካታሞሞ ጌሊፖቴ፤ 6 ጋዓንቴ ማራቶጉዲ ዣኣሌ፣ ዒሰራዔኤሌ ዓሶ ባንሢ ዓኣዲሞቴ። 7 ዴንዲጋፓ ለጌሪንጌ ካኣቱማ ዑኬኔ» ጌዒ ጌዒ ኬኤዙሞቴ። 8 ዶርዓሢና ዓኣ ዓሶ ፖዒሱሞቴ፤ ሃይቄ ዓሶሞ ሃይባፓ ዔቁሱሞቴ፤ ዑፃ ኬሰካ ዶርዓሢና ዓኣ ዓሶ ዳቁሹሞቴ፤ ፑርቶ ዓያኖሞ ዓሶይዳፓ ኬሱሞቴ፤ ዒንሢ ጉሪ ዔኬ ባኮ ዬያ ዓሶም ጉሪ ዒንጉሞቴ። 9 ሞርቄታቴያ ቢራ ሃሃ ሞኦኖ ዓንጎሞ ቡራሻይዳ ዓጊ ዔኪፖቴ፤ 10 ጋላ ዓርቆ ሉካንታ ቃሲ ማይንቶ ዓፒላንታ ቃሲ ዓኣሃ ዶርሲ ሃሃ ኮኦሞ ጎይዖር ዔኪፖቴ፤ ዓይጎር ጌዔቶ ማዳ ዓሲም ኮይሳ ሙኡዚ ዒንጊንታ።»

9:35 9:35 ማቴ. 4:23፤ ማር. 1:39፤ ሉቃ. 4:44። **9:36** 9:36 ፓይ. ማፃ 27:17፤ 1ካኣቶ. ማ 22:17፤ 2ዮኦሲ. ዓሃኬ 18:16፤ ሂዚ. 34:5፤ ዛካ. 10:2፤ ማር. 6:34።
9:38 9:38 ሉቃ. 10:2። **10:7** 10:7 ሉቃ. 10:4-12። **10:10** 10:10 1ቆር. 9:14፤ 1ፂሞ. 5:18።

11 «ዲንሢ ጌላ ካታዎ ማዕቶዎ ጉርዶይዳ ዲንሢ ሸኦቲንሢ ዎይሢ ጋዓ ዓሲ ዓኣቶ ዛጉዎቲ፤ ጴዕቶ ዬኖ ቤዘ ሃሺ ዲንሢ ኬሰካንዳያ ሄላንዳኣና ዲማካ ዴዑዎቲ። 12 ዓሲ ማኣሪ ዲንሢ ጌላ ዎደና ኣሲ ሙኪኔ፤ ኮሹዎ ሃኖ ማኣሮም ማዖም ጎዑዎቲ። 13 ማኣሮ ዓዴ ኮሺዎይ ጌዒ ዲንሢ ዔኬቲ፡- ጸኣሲ ኮሹዎ ዲንሢም ማዖንጎ ጎዑዎቲ፤ ዔኪባኣያ ማዕቶ ጋዓንቲ ዓቶንጎ። 14 ዲንሢ ሸኦቲንሢ ዔኪባኣቶ፣ ዲንሢ ጌዔ ባኮዎ ዎይዚባኣቶ ዬኖ ማኣራሎና ካታሚሎናይዳፓ ኬሰካዖ ቶኮ ሲላሎ ፒዲ ዓኣዲዎቲ። 15 ጎኔ ታ ዲንሢም ጋዓኔ፡- ዓጮይዳ ጸኣሲ ዎጋ ኬሎና ዬኖ ካታሚሎም ሶደሚና ጋዎራናም ዲንጊንቲ ሜታሢዳፓ ባሺ ሜታ ሄላንዳኔ» ጌዒ ዓይሢ ዳኬኔ።

ጎዳ ሙኮኮ ቤርታ ዔቃንዳ ዒዲ ዳኪንቲዖና ሜታሢና
(ማር. 13:9-13፤ ሉቃ. 21:12-17)

16 ዬካፓ ዬሱሴ፡- «ዓካሪ ታ ዲንሢ ማራይጉዲ ያኣያሢ ባኣካ ዳካንዳሢሮ ሸኦሺጉዲ ጨንጫ፣ ደኦሌጉዲ ሸሌዔ ማዑዎቲ። 17 ዓሳ ዲንሢ ዎጌም ዓኣሢ ዲንጋንዳኔ፤ ዓይሁዶ ዓሶኮ ቡኪንቶ ቤዘ ዲንሢ ጳርቆንዶኔ፤ ዬያሮ ኮሺ ዲንሢና ዔሩዎቲ። 18 ታ ዛሎ ማርካዲኒ ዎይሢ ዓሶና ካኣቶና ቤርቶ ፑርታ ዎጌም ዲንሢ ሸኦካንዳኔ፤ ዔያቶና ዓይሁዴ ማዒባኣ ዓሶና ቤርታ ማርካ ዲንሢ ታኣኮ ማዓንዳኔ፤ 19 ዓሳ ዲንሢ ዎጌም ሸኦሻኣና ዲንሢ ኬኤዛንዳ ባካ ዬማ ዎደና ዲንሢም ኬኤዚንታንዳሢሮ ኣይጎ ሃሢ ዎዚ ጌዒ ኑ ኬኤዛንዳይ? ጌዒ ማሊ ሜታዲፖቲ። 20 ዓይጎሮ ጌዔቶ ዲንሢ ዛሎና ኬኤዛንዳሢ ዲንሢኮ ጫሪንጮ ዓዳሢ ዓያኖኬ፤ ዲንሢቲዎሴ።

21 «ዓሲ ፔ ዓዶ ናዖ ሃይቃንዳጉዲ ዓኣሢ ዲንጋንዳኔ፤ ዬያጉዲ ዓዴያ ፔኤኮ ናዓ ሃይቃንዳጉዲ ዓኣሢ ዲንጋንዳኔ፤ ናኣታ ሸዔ ዓሶ ዑፃ ዎርኬ ማዒ ዔቁ ዎዲሻንዳኔ። 22 ዲንሢ ታ ዛሎሮ ዓሲ ቢያና ዲዊንቲያ ማዓንዳኔ፤ ጋዓንቲ ዴንዲ ጋፒንፆ ሄላንዳኣና ደዴሢ ዲቃንዳኔ። 23 ፔቲ ቤዘይዳፓ ዲንሢ ዒዲ ደውሶዎና ሚሌ ቤሲ ዓኣዲዎቲ፤ ጎኔ ታ ጋዓኔ፤ ዓሲኮ ናዓሢ ማዒ ሙካንዳያ ሄላንዳኣና ዒሲራዔኤሌ ካታዎም ዲንሢ ኬኤዚ ጋፒሳዓኬ።

10:14 10:14 ዳኪ. ማዶ 13:51። **10:15** 10:15 ማቴ. 11:24፤ ማገሮ. ማዖ 19:24-28። **10:16** 10:16 ሉቃ. 10:3። **10:17** 10:17 ማር. 13:9-11፤ ሉቃ. 12:11-12፤ 21:12-15። **10:21** 10:21 ማር. 13:12፤ ሉቃ. 21:16። **10:22** 10:22 ማቴ. 24:9፤ 13፤ ማር. 13:13፤ ሉቃ. 21:17።

24 «ዔርዘህ ዔርዘህዳፓ ባሼቱዋሴ፤ ማዳህያ ማዳሻህዳፓ ባሼቱዋሴ። 25 ዬያሮ ዔርዘህ ዔርዘህጉዲ፣ ማዳህ ማዳሻህጉዲ ማዔቴ ገዳንዳኔ። ማእሮ ዓደም ርፑርቶ ዓያኖ ሱኡጋህ» * ጌዒ ሱንህ ዔያታ ጌሄቶ ማእሮ ዓሶም ዬያፓ ዑህ ፑርታ ሱንህ ጌሃዓዳ?» ጌዔኔ።

ዖና ዒጊጫንዳያ ኮይሳቴያ ኬኤዚንቴህ
(ሉቃ. 12:2-7)

26 ሃሃ ዬሱሴ፦ «ዓካሪ ዓሲ ዒጊጫፖቴ፤ ዓይጎሮ ጌዔቶ ዓኣቾና ባኣዚ ፔጋዲዋዖ፣ ዓኣሺንቴ ባኣዚ ዔርቱዋዖ ዓታዓኬ። 27 ዬያሮ ዲማ ዒንህም ታ ኬኤዛህ ፖዖይዳ ኬኤዙዋቴ፤ ካሽካሺ ዒንህም ኬኤዚንቴህ ዲጌ ቤሰካ ዔቂ ፔጌና ኬኤዙዋቴ። 28 ዓሽኮ ዋዲ፣ ገዴና ሽምፖ ዋዲኒ ዳንዳዑዋ ዓሶ ዒጊጫፖቴ፤ ዬያይዳፓ ሽምፓህንታ ዓሽኮንታ ባይቁዋ ታዋይዳ ጌልዚ ባይዛኒ ዳንዳዓ ያኦሲ ዒጊጫፖቴ። 29 ላምዖ ሱኡታ ባካናም ሻንቸንታኔ፤ ያዲ ማዔቶዋ ዒንህኮ ጫሪንጮ ዓዳህ ጌዒባኣንቴ ፔቴ ሱኡቶማታዖ ጉሪ ዓቱዋሴ። 30 ዒንህኮ ጋዓንቴ ቶኣኮ ጋማኣ ፓይዲንቴያታህሮ፣ 31 ዒንህ ዒጊጫፖቴ፤ ዓይጎሮ ጌዔቶ ሚርጌ ሱኡታይዳፓ ዒንህ ባሼኬ» ጌዔኔ።

ኪሪሰቶሴ ዛሎ ማርካዳንዳያ ኮይሳህ
(ሉቃ. 12:8-9፤ 12:51-53፤ 14:26-27፤ ማር. 9:41)

32 ዬሱሴ ሃሃ፦ «ዓሲ ቤርቲዳ ታ ዛሎ ማርካዳህም ቢያ ታኣኒ ጫሪንጮይዳ ዓኣ ታ ዓዶ ቤርታ ዒዛ ዛሎ ማርካዳንዳኔ። 33 ዓሲ ቤርቲዳ ታ ዒዛ ዔሩዋሴ» ጋዓህ ታኣኒያ ጫሪንጮይዳ ታ ዓዶ ቤርታ ዒዛ «ዔሩዋሴ» ጋዓንዳኔ።

34 «ታ ሃያ ዓጮ ያልዚ ዔኪ ሙካንዳኣፓዓቴም ኮሹም ዔኪ ሙኬያ ዒንህም ማሎፖ። 35 ታኣኒ ሙኬህህ ዓቲንቆ ናዓህ ዓዶ፣ ዉዴሮ ናዔላ ዒንዶ፣ ናኣዚ ማቻ ዓሆ ዒፃንዳጉዲኬ። 36 ዬያሮ ማእሮ ዓሳ ዋሊኮ ሞርኬ ማዓንዳኔ።

37 «ታገዳፓ ባሼ ፔኤኮ ዓዶ፣ ዒንዶ ናሽካ ዓሲ ታኣም ማዓዓኬ፤ ታገዳፓ ባሼ ፔኤኮ ዓቲንቆ ናዖ ሃሃ ዉዴሮ ናዖ ናሽካህ ታኣም ማዓዓኬ። 38 ታጋቴ ሃይቃኒ ማሊ ታ ገንዖ ሃንቴዋ ዓሲ ታኣም ማዓኒ

10:24 10:24 ሉቃ. 6:40፤ ዮሃ. 13:16፤ 15:20። * 10:25 10:25 ፑርቶ ዓያኖ ሱኡጋህ፦ ጌያፃ ጌሪኬ ሙኡቹና ቢዔልዛቡሌ ጌይንታኔ። 10:25 10:25 ማቴ. 9:34፤ 12:24፤ ማር. 3:2፤ ሉቃ. 11:15። 10:26 10:26 ማር. 4:22፤ ሉቃ. 8:17። 10:33 10:33 2፯ዋ. 2:12። 10:36 10:36 ሚኪ. 7:6።

ዳንዳዑዋሴ። 39 ፔ ናንጎ ዓይሳኒ ኮዓ ዓሲ ቢያ ፔኤኮ ናንጎ ባባይዛንዳኔ፤ ታ ዛሎሮ ጌዒ ፔ ናንጎ ባይዛህ ጋዓንቴ ቢያ ፔኤኮ ናንጎ ዓዓይሳንዳኔ።

40 «ዒንህ ሸኦቹንህ ዔካህ ታና ዔካኔ፤ ታና ዔካህያ ታና ዳኤ ታ ዓዶ ዔካኔ፤ 41 ያኦሲ ማሊያ ኬኤዛህ ዬያ ሱንፆና ሸኦቹንህ ዔካህ ዬያም ዒንጎ ባኮ ዳንቃንዳኔ። ዲላህ ዲሎም ሱንፆና ሸኦቹንህ ዔካህ ዲላህም ዒንጎ ባኮ ዔካንዳኔ። 42 ጎኔ ታ ዒንህም ጋዓኔ፤ ታኦ ጊንፆ ሃንታያ ማዔ፣ ሃንህ ደኮንህዳፓ ፔቴማ ዋኦህ ሺሜ ዑሻህ ዔኤቢ ዳንቁዋዎ ዓታዓኬ» ጌዔኔ።

11

ማሰካ የሃኒሴ ዬሱሴ ኮራ ዳኬ ኪኢቶ ዓሶ (ሉቃ. 7:18-35)

1 ዬሱሴ ዬያ ባኮ ታጾ ላምዎ ዒዛኮ ጊንፆ ሃንታዘንህም ኬኤዘህኮ ጊንፆ ዬና ቤዘ ሃሺ ኮይሎይዳ ዓኦ ካታሞንህዳ ቃኦሎ ኬኤዘኒና ዔርዛኒ ዳንዳኔ።

2 ማሰካ የሃኒሴ ቱኤዘ ማኦራ ቱኤቲ ዓኦ ኪሪሰቶሴ ማዳ ባኮ ዋይዘኔ፤ ዬያሮ ዒዛኮ ጊንፆ ሃንታዘንህዳፓ ዬሱሴ ኮራ፡-

3 «ሙካንዳኔ ጌይንታ ሜሲሄ ኔናሞ ሜሌ ኑ ካፖንደይ?» ጌዒ ያኦጫንዳጉዲ ዳኬኔ።

4 ዬሱሴ ዔያቶም፡- «ዳንዳጋፓ ዒንህ ዛጌ ባኮና ዋይዘ ባኮና ቢያ የሃኒሴም፡- 5 ዓኦፓ ባይቁ ዓሳ ዛጋኔ፣ ሃንቶ ባሺንታ ዋቦ ዓሳ ሃንታኔ፣ ዑፃ ኬሰካ ደርዒህ ዓኦ ዓሳ ፖዓኔ፣ ዋዮ ባይቁ ዓሳ ዋይዘኔ፣ ሃይቁ ዓሳ ሃይባፓ ዔቃኔ፣ ማንቆ ዓሶማኦ ኮፍ ሃይሳ ኬኤዘንታኔ፤ 6 ታና ሲዛ ናንጋዓ» ጌዒ ዳቢንቱሞህ ጋላቲንቴያኬ ጌዒ ኬኤዘዋቱ» ጌዔኔ።

7 የሃኒሴ ኮራፓ ሙኬ ኪኢቶ ዓሶንህ ማዒ ዳንዳዛ ዬሱሴ የሃኒሴ ዛሎ ዳሮም፡- «ዒንህ ሃህ ዓይጎ ዛጋኒ ዓሲ ናንጉዋ ዳውሎ ሙኬይ? ዠባራ ዓጊህ ፒሎ ዛጋኒዳ? 8 ሜሌ ዒንህ ዓይጎ ዛጋኒ ሙኬይ? ሚዛጾ ቦኦሬ ዓፒሎ ማይንቴ ዓሶ ዛጋኒዳ? ሚዛጾ ቦኦሬ ዓፒሎ ማኦዔ ዓሳ ካኦቶ ማኦራ ዓኦኔ። 9 ሂዳዎ ዒንህ ዓይጎሮ ሙኬይ? ያኦሲ ማሊህ ኬኤዛ ዓሲ ዛጋኒዳ? ሂዮ! ዬያ ያኦሲ ማሊያ ኬኤዛህዳፓ ባሺህ ዛጋኒኬ። 10 ዒዚ ሄኤኮ ቤርታ

10:38 10:38 ማቴ. 16:24፤ ማር. 8:34፤ ሉቃ. 9:23። 10:39 10:39 ማቴ. 16:25፤ ማር. 8:35፤ ሉቃ. 9:24፤ 17:33፤ ዮሃ. 12:25። 10:40 10:40 ማር. 9:37፤ ሉቃ. 9:48፤ 10:16፤ ዮሃ. 13:20። 11:5 11:5 ዒሲ. 35:5-6፤ 61:1።

ቤርታ ዓላዲ ጎይዖ ኔኤኮ ገኢጊሻንዳ ታኦኮ ከኢቶ ናዓሢ ኔኤኮ ቤርታ ታ ዳካንዳኔ» ገይንቲ ፃኣፒንቲሢኬ። 11 ጎኔ ታ ዒንሢሢሞ ጋዓኔ፤ ዓጮይዳ ሸይንቲ ዓሶይዳ ቢያ ማሰካ የሃሂሴይዳፓ ባሾ ባኣሴ። ጋዓንቲ ፆኦሲ ካኣቱሞይዳ ቢያይዳፓ ሂርኬ ማዔሢ ዒዛይዳፓ ባሻንዳኔ። 12 ማሰካ የሃሂሴ ወደይዳፓ ሃኖ ሄላንዳኣና ፆኦሲ ካኣቱማ ወልቄና ዳልጊ ዳልጊ ዓኣኔ፤ ዓካሪ ሚርጌና ዒዛር ሜታዳዘንሢ ዒዛ ዴንቃንዳኔ» ገዒ ኬኤዚሢሢ ሳርቄኔ።

13 ሃሢ ዬሱሴ፡- «ፆኦሲ ማሊዖ ኬኤዛ ዓሶና ሙሴ ዔርዜ ወጎና ሙኪ ማሰካ የሃሂሴ ሄላንዳኣና ፆኦሲ ካኣቱሞ ዛሎ ኬኤዚ ኬኤዚ ዴዔኔ። 14 ዓካሪ ዔይታ ኬኤዜ ባኮ ዒንሢሢ ወይዛኒ ኮዔያታቶ ዬይ ሙካንዳኔ ገይንቲ ዔኤሊያሶ፡ ሃይሾ ሃያ የሃሂሴኬ። 15 ወይዛ ወይዚ ዓኣሢ ወይዘንጎ!» ገዔኔ።

16 ሃሢ ቃሳዖ፡- «ሃያ ወደ ዓሳ ዓይጎ ማለኔ ታ ጋዓንዳይ? ዘኣዛ ቡኪንቲ ዴዒ ናኣታ ፔኤኮ ላጎ ዔኤሊ ዔኤሊ፤ 17 ለዋዛሳ ኮሢሢ ዒንሢሢሞ ኑ ኮርጌኔ፤ ዒንሢሢ ጋዓንቲ ሶኦሪባኣሴ፤ ሃሢ ቃዮ ዒንሢሢሞ ኑ ቃይማኣ ዒንሢሢ ዬኤኪባኣሴ» ጋዓሢ ማለኔ። 18 ማሰካ የሃሂሴ ሙኡዚ ሙዑወዖ ሃሢ ዑሽኩወዖ ሙካዛ ለሃይዳ ፑርታ ዓያና ዓኣኔ!» ዔይታ ገዔኔ፤ 19 ዓሲኮ ናዓሢ ሃሢ ሙዒ ዑሽኪ ዑሽኪ ሙካዛ፡ ለሃሢ ሃይ ሙኡዚና ዑሽና ናሽካያኬ፤ ሚኢሾ ቡኩሳ ዓሶና ጎሞ ዓሶናኮ ላጌኬ!» ዔይታ ገዔኔ። ያዲ ማዔቴያ ዔራቶኮ ጎኑማ ፔ ማዶና ፔጋዲ ዔርታንዳኔ» ገዔኔ።

ጉሙርቁዋዖ ዓቲዖና ቦሂንቲ ካታሞንሢ
(ሉቃ. 10:13-15)

20 ዬካፓ ሃሢ ዬሱሴ ሃንጎ ካታሞይዳፓ ባሾና ሚርጌ ፆኦሲ ወልቄና ማዲንታ ዓኪ ባኣዚ ማዲንቲ ካታሞንሢ ጎሞ ፔኤሲ ቡኡደባኣሢሮ፤ 21 «ኮራዚኔ ኔና ባዴዔ! ሃሢ ቤቲሳይዳ ኔና ባዴዔ! ዒንሢሢዳ ማዲንቲ ፆኦሲ ወልቄና ማዲንታ ዓኮ ባካ ደርሴና ሲዶና ካታሞናይዳ ማዲንቲቲ ሄኤዶ ዔይታ ሲዬ ፓቲሌ ቱኪ ቶኣካ ቢዲንሢሢ ወሂንቲ ጎሞ ፔኤኮ ቡኡደያ ናንዳንቲኬ። 22 ዬያር ዓጮይዳ ፆኦሲ ወጋ ኬሎና ዒንሢሢዳፓ ደርሴና ሲዶናናሞ ሄላንዳ ሜታሢ ሹሌዔ ማዓንዳኔ። 23 ሃና ኔ ቁፒርናሆሜ! ጫሪንቲ ሄላኒ ኔ ኮይባይ? ጋዓንቲ ፆኦሲ ኔና ጋኣናኣሜ ታሞይዳ ገልዘንዳኔ፤ ኔጊዳ ማዲንቲ ፆኦሲ ወልቄና ማዲንታ ዓኮ ባካ ወንዴ ሶዶሜይዳ

11:10 11:10 ሚል. 3:1። **11:13** 11:13 ሉቃ. 16:16። **11:14** 11:14 ሚል. 4:5፤ ማቲ. 17:10-13፤ ማር. 9:11-13። **11:21** 11:21 ዒ.ሲ. 23:1-18፤ ሂዚ. 26:1—28:26፤ ዒ.ዩ. 3:4-8፤ ዓሞ. 1:9-10፤ ዛካ. 9:2-4።

ማደጎቲያታቱ ዬና ካታሚላ ሃኖ ሄላንዳኣና ዓኣያ ናንዳንዳቲኩ።
24 ዬያሮ ጎኔ ታ ኔኤም ጋዓኔ፤ ጋፒንያ ዎጎ ከሎና ኔጊዳፓ ሶዶሜ ካታሞም ዒንጊንታንዳ ሜታሢ ሹሌዓንዳኔ» ጌዒ ቦሂሢ ዓርቄኔ።

ኪሪሰቶስ ዒንጋ ሃውሺሢ
(ሉቃ. 10:21-22)

25 ዒማና ዬሱሴ፡- «ጫሪንጮና ሳዖናኮ ጎዳ ማዔ፥ ታ ዓዳሢዮ! ሃያ ባኮ ዔር ዓሶይዳፓ ዓኣቺ ዔኤቢ ዔሩዎ ዓሶም ኔ ፒጋሲ ዔርዘሢሢር ታ ኔና ጋላታኔ፤ 26 ሂዮ! ታ ዓዳሢዮ! ኔ ዬያይዳኒ ኔ ማሊያጉዴያ ማዔኔ። 27 ታ ዓዴ ቢያ ባኮ ታኣም ዒንጊኔ፤ ዓዶይዳፓ ዓታዛ ናዓሢ ዔራይ ያኣኒያ ባኣሴ። ዬያጉዲ ሃሃ ናዓሢዳፓ ዓታዛ ዓዶ ዔራያ ባኣሴ፤ ናዓ ዔርዘኒ ኮዒባኣያታቶ ያኣኒያ ዓዶ ዔራኒ ዳንዳዑዋሴ» ጌዔኔ።

28 ሃሃ ዬሱሴ፡- «ዒንሢ ከዳ ዴኤፂም ላቢንቴዘንሢ ቢያ ሃኒ ታ ባንሢ ሙኩዋቲ! ታ ዒንሢ ሃውሺሳንዳኔ። 29 ታ ቃንባር ከዱዋቲ፥ ታ ማዳ ባኮ ታጊዳፓ ዘጊ ማዳዋቲ፤ ታኣኒ ሹሌዔ ሃሃ ሚጨጎታያኩ፤ ዒንሢ ሃውሻ ዴንቃንዳኔ። 30 ታ ቃንባራ ባቃና ዔኩዋያ፤ ከዳኣ ሃሃ ታኣኮ ሹሌዔኩ» ጌዔኔ።

12

ዓይሁዶ ዓሶኮ ሃውሻ ከሎ ዛሎ ያኣጨንቴ ያኣጨሢ
(ማር. 2:23-28፤ ሉቃ. 6:1-5)

1 ዬያኮ ጊንፃፓ ዬሱሴ ዓይሁዶ ዓሶኮ ሃውሻ ከሎና ፔቲ ዛርጎ ጎሺ ጊዴና ዓኣዳንቴ ዒዛኮ ጊንያ ሃንታዘንሢ ናይደንቴሢሢር ዛርጎ ቲሻሢ ዱኡዚ ዱኡዚ ዔኪ ዳዒሢ ዓርቄኔ። 2 ፔርሴ ዓሳ ዬያ ዘጋያ ዬሱሴ ኮራ፡- «ሃኣዛጌ፤ ኔኤኮ ጊንያ ሃንታዘንሢ ሃውሻ ከሎና ዓይሢንቴባኣ ባኣዚ ማዳኔ!» ጌዔኔ።

3 ዬሱሴ ማሃያ፡- «ዳውቴና ዒዛና ዋላ ዓኣ ዓሳ ናይደንቴ ዎዶና ዳውቴ ማዴ ባኮ ፔቲታያ ዒንሢ ናባቢባኣዳዳ? 4 ዒዚ ዒማና ጌኤኸ ማኣሪ ጌላ፥ ቄኤሶይዳፓ ዓታዛ ዒዛንታ ዒዛና ዋላ ዓኣ ዓሶንታ ሙዓኒ ዳንዳዑዋ ያኣሲም ዱማዴ ካሦ ሙዔኔ። 5 ሃሃ ቄኤሳ ሃውሻ ከሎና ጌኤኸ ማኣርይዳ ሃውሻ ከሎ ሻቲ ማሂ

11:23 11:23 ዓሲ. 14:13-15፤ ማኸ. ማፃ 19:24-28። **11:24** 11:24 ማቴ. 10:15፤ ሉቃ. 10:12። **11:27** 11:27 ዮሃ. 3:35፤ 1:18፤ 10:5። **11:29** 11:29 ዔር. 6:16። **12:1** 12:1 ላሚ. ዎማ 23:25። **12:3** 12:3 1ሳሙ. 21:1-6። **12:4** 12:4 ሉዊ. ዓኬ 24:9።

ማዴቶ ደቢንቲ ማዲ ፓይዲንቲዎሴ ጌይንቲ ሙሴ ዔርዛ ዎጎይዳ ፃኣፒንቲሢ ዒንሢ ናባቢባኣዓዳ? 6 ጋዓንቲ ጌኤዦ ማኣርይዳፓ ባሻይ ሃይካ ዓኣኔ፤ ታ ዒንሢም ጋዓኔ። 7 ሃሣ ታኣኒ ኮዓሢ ዓሲ ሚጨቢንቲሢ ማዓንዳኣፓዓቲም ታኣም ሹኪ ዒንጎ ባኣዚቲዎሴ። ጋዓ ማፃኣፖ ቃኣላ ዎዚ ጌይሢታቶዎ ዒንሢ ዔራያታቶ ደቢንቲባኣ ዓሶ 0-ፃ <ዔያታ ደቤኔ> ጌይ ዎጋዓታንቲኬ። 8 ዓይጎር ጌዔቶ ዓሲኮ ናዓሢ ሃውሾ ኬሎኮዎ ጎዳኬ» ጌዔኔ።

ኩጮ ዎቦ ዓሢ
(ማር. 3:1-6፤ ሉቃ. 6:6-11)

9 ዩሱሴ ዬኖ ቤዘይዳፓ ዔቂ ዓይሁደ ዓሶኮ ቡኪንቶ ቤዘ ጌሌኔ፤ 10 ዒኢካ ፔቲ፡ ኩቺ ዎቦ ዓሲ ዓኣኔ፤ ዒማና ዩሱሴ ዎጎና ዓይሢሳኒ ኮዓ ፔቲ ፔቲ ዓሳ፡- «ዓይሁደ ዓሶኮ ሃውሾ ኬሎና ሃርጊንቲ ዓሶ ፓሢኒ ዓይሢንቲያዳ?» ጌዒ ያኣጩኔ።

11 ዩሱሴያ ማሃዎ፡- «ዒንሢ ባኣካፓ ፔቲ ማራይ ዓኣ ዓሲ ማራዓሢ ሃውሾ ኬሎና ዔቲይዳ ሎኣሜቶ ጎቺ ኬሱዎዓዳ?

12 ዓካሪ ያዲ ማዔቶ ዓሲ ማራይዳፓ ዎይቲ ባሹዎይ? ዩያር ሃውሾ ኬሎና ኮሺ ማዶ ማዲሢ ዓይሢንቲያኬ» ጌዔኔ።

13 ዩካፓ ዩሱሴ ኩጮ ዎቦ ዓሢም፡- «ኩጮ ኔኤኮ ፒሼ!» ጌዔም ዒዚ ፒሻዛ ኩጫ ኮሸኪ ባጎ ኩጮጉዲ ማዔኔ። 14 ፔርሴ ዓሳ ጋዓንቲ ዩካፓ ኬሰካዎ ዩሱሴ ዎማይዲ ዔያታ ዎዳንዳቲያ ዎላ ዘርቲኔ።

ያኦሲ ደኣሪም ማዳ ዓሢ

15 ዩማና ዩሱሴ ዔያቶኮ ማሊያ ዔራዎ ዒኢካፓ ዴንዳዛ፡ ሚርጌ ዴሪ ዒዛ ጊንያ ዓኣዴኔ፤ ዩያ ዓሶፓ ሃርጊንቲ ዓሶ ቢያ ዒ ፓሢኔ።

16 ዒዛኮ ያኡም ያኣማኣ ዔያታ ኬኤዙዎጉዲ ዔያቶ ላኣጌኔ፤

17 ዩይ ያዲ ማዔሢ ያኦሲ ማሊያ ኬኤዛ ዒሲያሴ ዘሎና፡-

18 «ሃይሾ ታ ደኣሪ፡
ታ ዒዛ ናሽካያ ሃሣ ታና ዎዛሳ

ታኣም ማዳሢዳ
ታ ዓያኖ ዒዛ 0-ፃ ታ ማሃንዳኔ፤

ዒዚ ዓሲ ዜርሢም ቢያ
ታኣኮ ፒዜ ዎጊያ ዔርዛንዳኔ።

19 ዒዚ ማርሚ ዒላታዓኬ፤
ጎይያዳኣ 0-ኡዘ ዎይዚሳዓኬ።

12:5 12:5 ፓይ. ማፃ 28:9-10። 12:7 12:7 ማቴ. 9:13፤ ሆሴ. 6:6። 12:11 12:11 ሉቃ. 14:5።

20 ቱቄ ፒሎዎ ዲ ሜንሣዓኬ፤
ዜኔሮ ታሞዎ ዎዳዓኬ።

ጎኑሞ ባሻንዳያ ሄላንዳኦና
ዬያ ዲ ማዳንዳኔ።

21 ዓሲ ዜርሢያ
ዲ ዘይዳ ሃጊ ማዓንዳ ዎዛ ጌሣንዳ።»
ጌይንቴሢ ኩማንዳጉዲኬ።

ዬሱሴና ፑርቶ ዓያኖ ሱኡጋሢና ዛሎ
(ማር. 3:20-30፤ ሉቃ. 11:14-23)

22 ዬካፓ ፑርታ ዓያኖ ዓርቄሞ ዛጋኒና ጌሰታኒያ ዳንዳዑዎ ፔቴ
ዓሲ ዓሳ ዬሱሴ ባንሢ ዔኪ ሙኬኔ። ዬሱሴያ ዲ ዛ ፖሲሳዛ ዓሢ
ዛጋኒና ጌሰታኒያ ዳንዳዔኔ። 23 ዓማና ዴራ ቢያ ዲ ቃቲ ሄርሻዮ፡-
«ሃይ ዳውቴ ናዓሢ ማዓንዳሞ?» ጌዔኔ።

24 ጋዓንቴ ፔርሴ ዓሳ ዬያ ዛጌ ዎድና፡- «ሃይ ዓሢ ፑርቶ
ዓያኖ ኬሳሢ ፑርቶ ዓያኖ ሱኡጋሢ ቢዔልዛቡሌ ዎልቆና
ማዓንዳኦጋዓቲሞ» ጌዔኔ።

25 ዬሱሴ ዔያቶኮ ማሊያ ዔራዮ፡- «ፔቴ ማዒባኦ ካኦቶ ዓጪ ቢያ
ለባኔ፤ ዎላ ፔቴ ማዒባኦ ካታማታቶዎ ማኦሪ ዶዱዎሴ። 26 ፃላሄ
ፃላሄ ኬሳያ ማዔቶ ዎሊፓ ዲ ማዳኔ ጌይሢኬ፤ ያዲ ማዔቶ ካኦቲማ
ዎይቲ ዶዳኒ ዳንዳዓይ? 27 ታኦኒ ፑርቶ ዓያኖ ኬሳሢ ዔያቶኮ
ሱኡጋሢ ቢዔልዛቡሌና ማዔቶ ዒንሢኮ ናኦታ ዓይጎና ፑርቶ ዓያኖ
ኬሳይ? ዬያሮ ዒንሢ ናኦታ ዒንሢዳ ዎጋንዳኔ። 28 ጋዓንቴ ፑርቶ
ዓያኖ ታ ኬሳሢ ያኦሲ ዓያኖና ማዔቶ ያኦሲ ካኦቲማ ዒንሢ ኮራ
ሙኬኔ ጌይሢኬ» ጌዔኔ።

29 ዬሱሴ ሃሣ፡- «ፔቴ ዓሲ ፔቴ ዎልቄና ዓኦ ዓሲ ቤርታዲ ቱኩዎዮ
ዎልቆና ዓኦ ዓሢ ማኦሪ ጌሊ ዓኦ ባኮ ቡራኒ ዎይቲ ዳንዳዓንዳይ?
ዎልቆሲ ቱኬሢኮ ጊንፃ ዒዛኮ ዓኦ ባኮ ቡራኒ ዳንዳዓኔ።

30 «ታ ዓሲ ማዒባኦሢ ቢያ ታና ዒዳኔ፤ ታኦና ዎላ ማዒ ዔኤቢ
ቡኩሲባኦ ዓሲ ላኦላያ ማዓንዳኔ። 31 ዬያሮ ዓሲ ማዳ ዓይጎ
ዳቢንቲ ማዔቶዎ፡ ጫሽ ቢያ ዒዛሞ ዓቶሞ ጌይንታንዳኔ፤ ታ
ዒንሢሞ ጋዓኔ። ዓያና ጌኤሽ ጫሽካ ዓሲሞ ጋዓንቴ ዳቢንታ ዓቶሞ
ጌይንታዓኔ። 32 ዓሲ ናዓሢ ጫሽካሢሞ ቢያ ዳቢንታ ዓቶሞ
ጌይንታንዳኔ፤ ዓያና ጌኤሽ ጫሽካሢሞ ቢያ ጋዓንቴ ሃያ ዓጮይዳ
ማዔቶዎ ሃጋኦ ዓጮይዳ ዳቢንታ ዓቶሞ ጌይንቲንዳዎሴ» ጌዔኔ።

ቃራ ሚሢኮ ዓሳፓፓ ዔርቲያ
(ሉቃ. 6:43-45)

33 ዩሱሴ ሃሣ፡- «ሚሢ ሲያ ዓሳፓፓ ዔርታሢረ ዒንሢኮ ኮሺ ሚሢ ዓሳቶ ኮሺ ዓሳፕ ዒንሢ ዴንቃንዳኔ፤ ፑርታ ሚሢ ዒንሢኮ ዓሳቶ ጋዓንቴ ፑርታ ዓሳፕ ዒንሢ ዴንቃንዳኔ፤ 34 ዒንሢ ሃይ ሾኦፕ ርኣታ! ዒንሢ ፑርታታዎ ኮሺ ባኣዚ ኬኤዛኒ ዎይቲ ዳንዳዓይ? ዓይጎር ጌዔቶ ዓሲ ኬኤዛ ባካ ዓሢኮ ዒኖይዳፓ ኩሚ ኬሰኬሢኬ።

35 «ኮሺ ዓሲ ዒና ዓኣ ኮሹዎይዳፓ ኮሺ ባኣዚ ጌሰታኔ፤ ፑርታ ዓሲ ፔኤኮ ዒና ዓኣ ፑርቲዎይዳፓ ፑርታ ባኣዚ ጌሰታኔ። 36 ጋዓንቴ ታ ዒንሢኮ ጋዓንቴ፤ ዓሳ ኮይሱዎ ባኮ ጌሰቲሢ ዛሎ ሲያ ዓጮይዳ ያኦሲ ዎጋ ኬሎና ያኦጪንታንዳኔ። 37 ዩይ ያዲ ማዓዛ ኔ ኮሺ ጌሰቲቴ ኮሺ ባኣዚ ኔኤዎ ዎጊንታንዳኔ፤ ኔኤኒ ፑርታ ጌሰቲቴ ፑርታ ኔጊዳ ዎጊንታንዳኔ» ጌዔኔ።

ያኦሲ ዎልቄና ማዲንታ ዓኪ ባኣዚ ዛጋኒ ያኦጪንቴ ያኦጪሢ
(ማር. 8:11-12፤ ሉቃ. 11:29-32)

38 ዒማና ሙሴ ዔርዜ ዎጎ ዔርዛ ዓሶና ፔርሴ ዓሶና ዩሱሴ ኮራ፡- «ዔርዛሢዮ፤ ኔኤኒ ያኦሲ ዎልቄና ማዲንታ ዓኪ ባኣዚ ማዲንቴ ኦ ዛጋኒ ኮዓኔ!» ጌዔኔ።

39 ዒዚ ጋዓንቴ ዔያቶዎ፡- «ፑርታ ሃሣ ጉሙርቁንቲዎ ሃያ ዎዶ ዓሳ ያኦሲ ዎልቄና ማዲንታ ዓኪ ባኣዚ ዛጋኒ ኮዓኔ፤ ጋዓንቴ ያኦሲ ማሊያ ኬኤዛሢ፤ ዮናኣሴይዳ ማዲንቴ ዓኮ ባካፓ ዓታዛ ሜሌ ያኦሲ ዎልቄና ማዲንታ ዓኪ ባኣዚ ዔያቶዎ ማዲንታዓኬ።

40 ዮናኣሴ ዴኤፖ ሞላሢ ጎጳ ሃይሣ ኬሊ ዎንቴና ርኦሪና ዴዔሢጉዲ ዓሲኮ ናዓሢ ዲኡፒዳ ሃይሣ ኬሊ ርኦሪና ዎንቴና ዴዓንዳኔ። 41 ኔኔዌ ካታዎ ዓሳ ዓጮይዳ ያኦሲ ዎጋ ኬሎና ሃያ ዎዶ ዓሶይዳ ዎጋያ ማዓንዳኔ፤ ዓይጎር ጌዔቶ ኔኔዌ ዓሳ ዮናኣሴ ኬኤዛሢ ዎይዜ ዎዶና ደቢንቶ ዔሪ፡ ጎሞዎ ቡኡፃሢረኬ። ያዲ ማዔቶዎ ሃሢ ዮናኣሴይዳፓ ባሽ ሃይካ ዓኣኔ። 42 ዓጮይዳ ያኦሲ ዎጋ ኬሎና ጎኣባ ዓጮ ካኣቴላ ሃያ ዓሶ ዑፃ ዎጋንዳኔ፤ ዓይጎር ጌዔቶ ዒዛ

12:33 12:33 ማቴ. 7:20፤ ሉቃ. 6:44። **12:34** 12:34 ማቴ. 3:7፤ 23:33፤ 15:18፤ ሉቃ. 3:7፤ 6:45። **12:38** 12:38 ማቴ. 16:1፤ ማር. 8:11፤ ሉቃ. 11:16።
12:39 12:39 ማቴ. 16:4፤ ማር. 8:12። **12:40** 12:40 ዮና. 1:17። **12:41** 12:41 ዮና. 3:5።

ካአቴ ሴሎሞኔኮ ዔራቶ ዋይዚ ዓጪ ዙልካፓ ሙኬያታሢሮኬ፤ ያዲ ማዔቶዋ ሴሎሞኔይዲፓ ባሼ ሃይካ ዓአኔ» ጌዔኔ።

ፑርታ ዓያናኮ ገንሣ ማዒ ዓሲዳ ጌሊያ
(ሉቃ. 11:24-26)

43 ዩሱሴ ሃሣ፡- «ፑርታ ዓያና ዓሲዳፓ ኬሰኬ ዎደና ጌላንዳ ቤሲ ኮይ ኮይ ዎአሢባአ፣ ዓሲ ናንጉዎ ዳውሎይዳ ሃንታኔ። ጋዓንቴ ጌሎንዶ ቤሲ ዳንቁዋሴ፤ 44 ዩያር ታ ኬሰኬ ማአሮ ማዒ ዓአዳንዳኔ» ጋዓኔ። ማዒ ዒ ሙካ ዎደና ኬኤፃ ጉሪ ማዒ፣ ጌኤሽኪ፣ ገእጊ ዓአንቴ ዳንቃኔ። 45 ዩካፓ ፑርቶ ዓያናሢ ዓአዲ ዒዛይዳፓ ባሼ ፑርታ ሜሌ ላንካይ ፑርታ ዓያና ቡኩሲ ዔኪ ሙኪ ዒዚ ቤርታ ዓአ ዓሢዳ ጌሊ ዎላ ናንጋኔ፤ ዩያር ዩያ ዓሢኮ ጋፒንያ ናንጋ ቤርታአሰካፓ ባሼ ፑርታ ማዓኔ። ሃያ ዎዶ ፑርቶ ዓሶ ዑፃ ማዓንዳ ባካ ዩያ ማላ ባአዚኬ» ጌዔኔ።

ዩሱሴኮ ዒንደና ጌርሲንሢና
(ማር. 3:31-35፤ ሉቃ. 8:19-21)

46 ዩሱሴ ዳሮም ኬኤዛ ጎይሣ ዓአንቴ ዒዛኮ ዒንደና ጌርሲንሢና ዒዛና ጌሰታኒ ኮዒ ካራ ሙኪ ዔቁኔ፤ 47 ዒማና ዒአካ ዓአ ዓሰይዳፓ ፔቴሰኬይ ዩሱሴ ኮርይዳ፡- «ሃይሾ ኔኔኮ ዒንደና ጌርሲንሢና ኔና ኮዒ ካራ ዔቁ ዓአኔ» ጌዔኔ። *

48 ዩሱሴ ጋዓንቴ፡- «ዒንዳ ታአኮ ያናዳይ? ጌርሲንሢና ያናንሢዳይ?» ጌዒ ማሄኔ። 49 ዩያ ጌዔሰካፓ ኩጮና ዒዛኮ ገንያ ሃንታ ናአቶ ባንሢ ዳዊ ዳዊ፡- «ታአኮ ዒንደና ጌርሲንሢና ሃይሾ ሃአቶኬ፤ 50 ጫሪንጫይዳ ዓአ፣ ታ ዓደሢ ዓይሢያ ኩንሣዘንሢ ሲያ ታአኮ ጌርሲንታ ጌርንታ ዒንደንታ ዩያቶኬ» ጌዔኔ።

13

ዜርያ ዜርቃሢ ኮአኪንሣ
(ማር. 4:1-9፤ ሉቃ. 8:4-8)

1 ዩኖ ኬሎ ዩሱሴ ጋራፓ ኬሰኪ ባዘ ዓጫ ዳዔኔ፤ 2 ሚርጌ ዳሬያ ዒዛ ኮይላ ሙኪ ቡኬሢሮ ዎአያና ፒንቆ ጎንጎይዳ ኬሰኪ ዳዔኔ፤ ዳራ ጋዓንቴ ቢያ ባዘ ዓጫ ዔቁኔ። 3 ዩካ ዒ ሚርጌ ባአዚ ኮአኪንሢና ኬኤዛያ፡- «ፔቴ ዓሲ ጎሺዳ ዜርሢ ዜርቃኒ ኬሰኬኔ፤ 4 ዒዚ ዜርቃንቴ ፔቴ ፔቴ ዜርፃ ጎይያ ዓጫ ኬዳዛ ካፓ ሙኪ

12:42 12:42 1ካአቶ. ማ 10:1-10፤ 2ያኦሲ. ዓሃኬ 9:1-12። * 12:47 12:47 ፔቴ ፔቴ ሚናአ ማፃአፖኮ ፓይ. 47 ባአሴ። 13:2 13:2 ሉቃ. 5:1-3።

ሙዔኔ። 5 ዓቲ ዜርፃ ሚርጌ ዓጨባኣ፣ ሃኣሻ ቤሲዳ ኬዴኔ፤ ዬኖ ቤዛ ሚርጌ ዓጨ ባኣሢሮ ዜርፃ ዑኩና ባቃሌኔ። 6 ማዔቶዋ ሳዓ ዓባዛ ሹሌኔ፤ ፃጲ ሚርጌ ዳኪባኣሢሮዋ ሚሌኔ። 7 ዓቲ ዜርፃ ሃሣ ዓንጊሢ ቶሻ ባኣካ ኬዴኔ፤ ዓንጊፆ ቶሻ ዑጋፆ ባቃሎ ባይዜኔ። 8 ሃሣ ዓቲ ዜርፃ ኮሺ ቤሰካ ኬዲ ባቃሌ ዋዶና ሚርጌ ካፄኔ፤ ፔቴዛ ፄኤታ ባጌላ ላሂታሚ ዓቲዛ ሃይሢታሚ ዓኣፒ ዓኣፔኔ። 9 ዬያ ዋይዛ ዋይዚ ዓኣሢ ዋይዘንጎ!» ጌዔኔ።

ዬሱሴ ኮኣኪንሃና ኬኤዚሴ ባኮ
(ማር. 4:10-12፤ ሉቃ. 8:9-10)

10 ዬካፓ ዒዛኮ ጊንፆ ሃንታዘንሢ ዬሱሴ ኮራ ሙካፆ፡- «ዓይጎሮ ዴሮም ኔ ኮኣኪንሢና ኬኤዛይ?» ጌዔኔ።

11 ዒዚ ዔያቶም፡- «ዒንሢም ጫሪጎጮ ካኣቱዋ ዛሎ ዓኣሺንቴ ባኮ ዛላ ዔራኒ ዔራቶ ፆኦሲዳፓ ዒንጊንቴኔ፤ ዔያቶም ጋዓንቴ ዒንጊንቴባኣሴ። 12 ዔኤቢ ዓኣሢም ቃሲ ዒንጊንቴም ሚርጋንዳኔ፤ ዳካ ዓኣሢዳፓ ጋዓንቴ ዒማ ዳኮ ዓኣማታፆ ዔኪንታንዳኔ። 13 ዛጋፆ ዴንቁዋያ፡ ዋይዛፆ ዒና ዔኩዋያ ሃሣ ጳቂሱዋያ ማዔሢሮ ዔያቶም ታ ኮኣኪንሢና ኬኤዛኔ። 14 ዬይያ ፆኦሲ ማሊፆ ኬኤዛ ዒሲያሴ ዛሎና፡-

ጳይዚ ዒንሢ ዋይዛኔ፡
ጋዓንቴ ዒንሢ ጳቂሡዋሴ፤
ዛጊያ ዒንሢ ዛጋኔ፡
ጋዓንቴ ዒንሢ ዒና ዔኩዋሴ።

15 ዓይጎሮ ጌዔቶ ሃይ ዴራ
ዒኖ ፔኤሲ ዶጨሴኔ፤
ዋኖዋ ዔያታ ዓርቄኔ፤
ዓኣፖዋ ዲኡሜኔ።

ያዲ ማዒባኣያታቴ
ዓኣፖና ዔያታ ዛጊ
ዋኖና ዋይዚ
ዒኖና ማሊ
ታ ባንሢ ዔያታ ማዔም

ሄኤዳ ታ ዔያቶ ዳቂሼያ ናንዳንቴኬ »
ጌይንቴ ኬኤዚንቴሢ ዔያቶይዳ ኩማንዳኔ።

16 ዬሱሴ ሃሣ፡- «ዒንሢ ጋዓንቴ ዓኣፓ ዒንሢኮ ዛጋሢሮ፡ ዋያኣ ዒንሢኮ ዋይዛሢሮ ዒንሢ ባሊቲና ዓኣያኬ። 17 ጎኔ ታ ዒንሢም

13:12 13:12 ማተ. 25:29፤ ማር. 4:25፤ ሉቃ. 8:18፤ 19:26። 13:15 13:15 ዒሲ. 6:9-10።

ጋዳኔ፤ ሚርጌ ያኑሲ ማሊያ ኬኤዛዞንሢና ዲሎንሢና ዲንሢ ሃሢ ዛጋሢ ዛጋጊ ኮዔያታዎ ዛጊባኣሴ። ዲንሢ ዋይዛሢ ዔያታ ዋይዛጊ ኮዔያታዎ ዋይዛጊ ዳንዳዒባኣሴ» ጌዔኔ።

ዜርዎ ኮኦኪንሦኮ ቡሊያ ዩሱሴ ኬኤዜሢ
(ማር. 4:13-20፤ ሉቃ. 8:11-15)

18 ዩካፓ ዩሱሴ፡- «ዳካሪ፡ ዲንሢ ዜርዎኮ ኮኦኪንሦ ቡሊያ ዋይዙዋቲ፤ 19 ጎይዎ ዓጫ ኬዴ ዜርዎ ደዋሢ፡- ያኑሲ ካኣቲዎ ቃኣሎ ዋይዚ ዒና ዔኩዋ ዓሶኬ፤ ቤዘና ያላሄ ሙኪ ዒና ዜርቂንታ ቃኣሎ ዔካኔ። 20 ሃኣቾ ሳይዳ ዜርቂንቲ ዜርዔላ ደዋሢ፡- ቃኣሎ ዋይዛዎ ዎዘና ጉሙርቂ ዔካ ዓሶኬ። 21 ማዔቶዋ ደካ ዎዴር ማዓንዳፓዓቲዎ ያጸ ዔያቶኮ ባኣሴ፤ ዩያር ቃኣሎ ዛሎና ሜቶና ዒዲንቲ ዳኪንቲሢ ሄሌ ዎዶና ዑኬና ዔያታ ደቢንታኔ። 22 ዓንጊያ ቶሾ ባኣካ ዜርቂንቲዛ ደዋሢ፡- ቃኣሎ ደካ ዎዴር ዋይዛ ዓሶኬ፤ ያዲ ማዔቶዋ ሃያ ዓጫ ዛሎ ማሊ ሜታዲሢና ቆሎ ናሹዎና ዒና ጌሊ ቃኣሎ ዋሊሳሢር ዓኣፑዎዎ ዓታኔ። 23 ኮዙ ሳይዳ ዜርቂንቲዛ ደዋሢ፡- ቃኣሎ ዋይዚ ዒና ዔካ ዓሶኬ፤ ዩያታ ዓኣፒ ዓኣፓኔ፤ ፔቲዛ ዪኤታ፡ ባጌላ ላሂታሚ ዓቲዛ ሃይሢታሚ ዓኣፓኔ» ጌዔኔ።

ዓዣሢ ኮኦኪንሦ

24 ዩያጉዲ ሃሃ ዩሱሴ ሜሌ ኮኦኪንሢ፡- «ጫሪንጮ ካኣቲማ ጎሺዳ ጌኤሺ ዜርሢ ዜርቂ ዓሲ ማላኔ፤ 25 ዓሳ ቢያ ላሄ ዎዶና ሞርኬ ሙካዎ ባርቾ ባኣካ ዓዣ ዜርቂ ዓኣዴኔ። 26 ባርቻ ባቃሊ ፑርቃዛ ዓዣሢ ባኣካ ጳዴኔ። 27 ዩያር ጎዣ ዓዶኮ ማዳ ዓሳ ዒዛ ኮይላ ሙካዎ ረጎዳሢዮ! ኔ ጎዣይዳ ጌኤሺ ዜርሢ ኔ ዜርቂባኣዳ? ሂዳዎ ዓዣሢ ዓንካፓ ኬሰኬይ?» ጌዔኔ። 28 ዒዚ ማሃዎ ላሃ ማዴሢ ሞርካሢዋይ! ዔያቶዎ ጋዓዛ፤ ማዳ ዓሳ ላሂዴቲ ዴንዲ ኑ ዓዣሢ ሃርማንዳጉዲ ኔ ኮዓ?» ጌዔኔ። 29 ዒዚ ጋዓንቲ ላይዔ! ዓይጎር ጌዔቶ ዓዣሢ ዲንሢ ሃርማ ዎዶና ባርቾ ዎላ ቱጋንዳኔ። 30 ዩያር ሃሹዋቲ፤ ባርቻ ማንዲንታ ዎዶ ሄላንዳኣና ባርቾንታ ዓዣሢንታ ዎላ ዑጎንጎ፤ ማንዲንታ ዎዶና ጋዓንቲ ማንፃ ዓሶም ዓዣሢ ቤርታዲ ቱጊ ታሚና ሚቺንታንዳጉዲ ናኣራ ናኣራ ቱኩዋቲ፤ ባርቾ ጋዓንቲ ማንፃ ታኣኮ ኮዳይዳ ዋሁዋቲ» ሂዚ ታ ጋዓንዳኔ» ጌዒ ዔያቶዎ ኬኤዜኔ።

ሴናፒጩ ጌይንታ ደኮ ዜርዔሎ ኮኦኪንሦ
(ማር. 4:30-32፤ ሉቃ. 13:18-19)

13:17 13:17 ሉቃ. 10:23-24።

31 ዩሱሱ ሃሣ ሚሌ ኮኦኪንሢ፡- «ጨሪንጮ ካኦቱማ ፔቲ ዓሲ ጎሺዳ ዜርቄ፣ ሴናፒጮጽ ጌይንታ ዳኮ ዜርዌሎ ማላኔ፤ 32 ዒዛ ዜርሢዳፓ ቢያ ዳካኬ፤ ባቃሊ ዑጌ ዎዶና ጋዓንቴ ቱኮና ሚያይዳፓ ቢያ ባሼ፣ ዴኤፒ ሚሢ ማዓኔ፤ ሃሣ ካፓኦ ዒዙኮ ካኦፖይዳ ማኦሪ ማዠ ዳዓኔ» ጌይ ኬኤዜኔ።

ሙኑቆ ፃኦዛ ኮኦኪንሢ
(ሉቃ. 13:20-21)

33 ሃሣ ዔያቶም ዩሱሱ፡- «ጨሪንጮ ካኦቱማ ፔቲ ላኦሊ ሃይሣ ሻምባ ዲርኮና ዲኢሊዳ ዎሃ ሙኑቃ ፃኦዛ ማላኔ፤ ዬና ሙኑቆ ፃኦዛ ሙኑቆ ቢያሢ ዔቁሳኔ» ጌዒ ኬኤዜኔ።

ኮኦኪንሢና ዩሱሱ ኬኤዚሴ ባኮ
(ማር. 4:33-34)

34 ዩሱሱ ዬያ ባኮ ቢያ ኮኦኪንሢና ዳርም ኬኤዜኔ፤ ኮኦኪንሢ ባኦያ ዓይጎ ባኦዚያ ዔያቶም ኬኤዚባኦሴ። 35 ዬይ ያዲ ማዔሢ፡- «ሃይሶ ታኦኮ ታ ኮኦኪንሢና ኬኤዛንዳኔ፤

ዓጫ ማዠንቴሢዳፓ ዓርቃየ
ዓኦሻንቴ ባኦዚ ታ ኬኤዛንዳኔ»

ጌይንቲ ያኦሲ ማሊያ ኬኤዛሢ ዛሎና ፃኦፒንቴሢ ኩማንዳጉዲኬ።

ዩሱሱ ዓዣሢ ኮኦኪንሢ ቡሊሢ

36 ዬካፓ ዩሱሱ ዳር ሃሺ ኬኤያ ጌሌኔ፤ ዒዛኮ ጊንያ ሃንታዞንሢ ዒዛ ኮራ ሙኪ፡- «ጎኩኮ ዓዣሢ ኮኦኪንሢ ቡሊያ ኑም ኬኤዜ» ጌዔኔ።

37 ዩሱሱ ማሃዎ፡- «ጌኤዠ ዜርያ ዜርቄሢ ዓሲ ናዓሢኬ፤ 38 ጎዣ ሃያ ዓጮኬ፤ ጌኤዠ ዜርያ ያኦሲ ናኦቶኬ፤ ዓዣሢ ጋዓንቴ ፃላሄ ናኦቶኬ፤ 39 ዓዣሢ ዜርቄሢ ዎርካሢ ፃላሄኬ፤ ባርቾ ማንዒያ ዓጮኮ ጋፒንጾኬ፤ ማንፃ ዓሳ ያኦሲ ኪኢታንቾኬ። 40 ዓዣሢ ቱጊ ቡኩሲ ታዎይዳ ሚቾሢጉዲ ዓጮኮ ጋፒንጾና ያዲ ማዓንዳኔ። 41 ዓጮኮ ጋፒንጾ ዎዶና ዓሲኮ ናዓሢ ፔ ኪኢታንቾ ዳካንዳኔ፤ ዔያታኦ ዓሶ ዳቢሻዞንሢና ፑርቶ ማዳዞንሢ ቢያ ዒዛ ካኦቱዎይዳፓ ቡኩሲ ኬሳንዳኔ። 42 ዬካፓ ዴኤፖ ታዎይዳ ዓጋንዳኔ፤ ዒኢካ ዬኤፒና ዓቺ ዳይሢና ዔያቶም ማዓንዳኔ። 43 ዒሎንሢ ጋዓንቴ ፔ ዓዳሢ ካኦቱዎይዳ ዓቢጉዲ ፖዓንዳኔ፤ ዎይዛ ዎይዚ ዓኦሢ ዎይዞንጎ!» ጌዔኔ።

13:35 13:35 ዓይኑ. 78:2።

ዓአሺንቴ ቆሎ ኮኦኪንሣ

44 ሄሊሳዎ ዩሱሴ፡- «ጫሪንጮ ካአቱማ ጎሺ ሳዛይዳ ዓአቸና ባአዚ ማላኔ፤ ፔቴ ዓሲ ዩኖ ባኬሎ ዳንቃዎ ማሂ ጊንሣ ዓአቸኔ፤ ሚርጌ ዎዛዴሣረ ዳንዲ ዓአ ባኮ ቢያ ሻንቺ ዩኖ ጎዜሎ ሻንቄኔ» ጌዔኔ።

ሚዛጰ ሹጮኮ ኮኦኪንሣ

45 ለሚ ሃሣ ዩሱሴ፡- «ጫሪንጮ ካአቱማ ኮሺ ሚዛጰ፡ ሹጮ ሻንቃኒ ኮዓ ኮርሞ ዓሣ ማላኔ፤ 46 ዩይ ኮርማ ዓሣ ሚርጌ ቦንቺንታ ኮሺ ሚዛጰ ሹቺ ዳንቄ ዎዶና ዳንዲ ዓአ ባኮ ቢያ ሻንቺ ዩኖ ሹጮሎ ሻንቄኔ» ጌዔኔ።

ሞላሣ ዓርቆ ርኦጮ ማላ ሱዞ ኮኦኪንሣ

47 ሃሣ ዩሱሴ፡- «ጫሪንጮ ካአቱማ ባዛይዳ ዓጊንቴ ሞላሣ ዓርቆ ርኦጮ ማላ ሱዞ ማላኔ፤ ዩኖ ዲማ ዲማ ሞላሣ ቢያ ዓርቆያኬ። 48 ሞላሣ ጌሊ ዓርቁንቴ ኩሜ ዎዶና ሞላሣ ዓርቃ ዓሳ ዩኖ ሱዜሎ ባዛፓ ጎቺ ዓጮ ኬሲጋፓ ዳዒ ኮዥ ኮዥ ቁሪ ዔካዎ፡ ፑርቶ ጋዓንቴ ዒኢካ ኬኤሪ ሃሻኔ። 49 ዓጮኮ ጋፒንዎ ዎጎ ኬሎና ያዲ ማዓንዳኔ፤ ያኦሲኮ ኪኢታንቻ ሙኪ ጎሞ ዓሶ ጌኡዮይዳፓ ቁሪ፡ 50 ባይቁዎ ታሞይዳ ዓጋንዳኔ፤ ዒኢካ ዩኤፒና ዓቺ ዲይሣና ማዓንዳኔ» ጌዔኔ።

51 ለሚ ሃሣ ዩሱሴ፡- «ዩይ ኮኦኪንሣ ቢያ ዒንሣሞ ዔርቲያ?» ጋዓዛ፡ ዔያታአ «ሂዮ» ጌዔኔ። 52 ዒዚያ፡- «ጫሪንጮ ካአቱሞኮ ዓአሺንቴ ባኮ ኮሺ ዔራ ዓሲ ፃአፒ ዓርቆና ዓኮና ጨሞ ባኮናፓ ዔሪ ዔሪ ኬሳ፡ ሙሴ ዎጎ ዔርዛ ዓሲጉዲኬ» ጌዔኔ።

ዩሱሴ ናዚሬቴይዳ ዒደንቴሣ
(ማር. 6:1-6፤ ሉቃ. 4:16-30)

53 ዩሱሴ ዩንሣ ኮኦኪንሣንሣ ኬኤዚ ኩርሴሰካፓ ዩኖ ቤዛፓ ዳንዳኔ። 54 ፔ ዓጮ ናዚሬቴ ካታሞዎ ሙኪ፡ ዒኢካ ዓይሁዶ ዓሶኮ ቡኪንቶ ቤዛ ዔርዛንቴ ዒዛሲ ዎይዛ ዓሳ ቢያ ዲቃቴ ሄርሻዮ፡- «ሃይ ዓሣ ሃያጉዴ ዔራቶና ያኦሲ ዎልቄና ማዲንታ ዓኮ ባኮና ዓንካፓ ዔሬይ? 55 ሃይ ሚዎ ዓርሳ ሃአማሣ ናኣዚቱዎዳዳ? ዒንዳ ዒዛኮ ማይራሞቱዎዳዳ? ሃሣ ጌርሲንሣያ ዒዛኮ ያይቆኦቤንታ ዮሴፔንታ ሃሣ ሲሞኦኔንታ ዩሁዳንታቱዎዳዳ? 56 ጌርንሣ ዒዛኮ ቢያ ኦኡና ዎላቱዎዳዳ? ዓካሪ ሃይ ዓሣ ሃያ ቢያ ዓንካፓ ዔሬይ?» ጋዓዎ፡ 57 ዒዛ ጎናሲ ጉሙርቁዎዎ ሃሻኔ።

ዩሱሴ ጋዓንቴ፡- «ያኦሲ ማላሣ ኬኤዛሣ ፔ ዓጮና ፔ ማኦር ዓሶና ባአካ ቦሂንታኔ፤ ጋዓንቴ ሜሌ ቤሲዳ ቦቦንቺንታኔ» ጌዔኔ።

58 ዔያታ ጉሙርቂ ጎናሲ ዔኪባአሂር ዩሱሴ ዒኢካ ሚርጌ ያኑሲ ዎልቁና ማዲንታ ዓኪ ባአዚ ማዲባአሴ።

14

ማሰካ ዮሃንሴኮ ሃይቦ

(ማር. 6:14-29፤ ሉቃ. 9:7-9)

1 ዩዮ ዎዶና ጌሊላ ዓጮ ዎይሣ ሄርዲሴ ዩሱሴ ማዲ ባኮ ዛሎ ዎይዚ፤ 2 ዒዛኮ ደንዝ ኮራ፡- «ያአዴ ማዔቶ ማሰካ ዮሃንሴ ሃይባፓ ዔቂ ሙኩኔ ጌይሣኩ፤ ሃይ ቢያ ማዲንታ ዓኮ ባካ ማዲንታሣ ዩያርኬ» ጌዔኔ።

3 ዩያኮ ቤርታ ሄርዲሴ ዒዛኮ ጌርሲ ፒልጶሴ ማቾ፣ ሄርዲያዳ ዔኬ ዛሎና ዮሃንሴ ዓይሣ ቱኡዞ ማአራ ቱኬኔ። 4 ዮሃንሴ ዒ ቱኪሴሣ፡- «ኔኤኒ ዒዞ ዔካንዲያ ዎጋ ዓይሱዎሴ» ጌዔሣርኬ።

5 ዩያር ሄርዲሴ ዮሃንሴ ዎዳኒ ኮዔኔ፤ ጋዓንቱ ዓይሁዶ ዓሳ ዮሃንሴ ያኑሲ ማሊሣ ኬኤዛያ ማሃ ዛጋሣር ዒ ዒጊጨኦ።

6 ፔቱ ኬሊ ሄርዲሴ ፔኤኮ ሸይንቱ ኬሎ ቦንቻንቱ ሄርዲያዳ ናአ ሙዎም ዔኤሊንቱ ዓሶ ቤርታ ሙኪ ኮርጋያ ሄርዲሴ ዎዛሴ።

7 ዩያር ሄርዲሴ ናዔሎም፡- «ኔ ኮዓ ባአዚ ታና ያኦጩ፤ ታ ኔኤም ዒንጋንዳኔ» ጌዒ ዒዞም ጫአቄኔ።

8 ዩካፓ ዒዛ ዒንዳ ዒዞ ዞሬም፡- «ማሰካ ዮሃንሴኮ ቶኦኮ ሃሣ ታኦም ጎንጊዳ ዓጊ ዒንጌ» ጌዔኔ።

9 ዩያ ዎይዛያ ካኦቲ ኮሺ ያዩኔ፤ ማዔቶዎ ዒ ዓሶ ቤርታ ዒዞም ጫአቄሣር ዮሃንሴኮ ቶኦካ ዒዞም ዒንጊንታንዳጉዲ ዓይሣኔ።

10 ዩያር ዓሲ ዳኪ ማሰካ ዮሃንሴኮ ቶኦኮ ቱኡዞ ማአራ ቲቂሲ፤

11 ቲቂንቱ ቶኦኮ ጎንጊዳ ዓጊ ዔኪ ሙኪ፤ ናዔሎም ዒንጌም ዒዞ ዔኪ ዒንደም ዒንጌኔ። 12 ዩካፓ ዮሃንሴኮ ጊንያ ሃንታ ናኦታ ሙኪ ዒዛኮ ሌዞ ዔኪ ዲኡካያ ዴንዲ ዩያ ባኮ ዩሱሴም ኬኤዜኔ።

ዩሱሴኮ ደንጎ ሺዮ ዓሶ ሙኡዚያ

(ማር. 6:30-44፤ ሉቃ. 9:10-17፤ ዮሃ. 6:1-14)

13 ዩሱሴ ዮሃንሴኮ ሃይቦ ዎይዜ ዎዶና ዎኦያና ፒንቆ ጎንጎ ቶጊ፤ ዓሲባኦ ዔቂ ቤሲ ፔኤር ሌሊ ዴዓኒ ዓኦዴኔ፤ ዴራ ጋዓንቱ ዩያ ዎይዛያ ዔያታ ዓኦ ካታማፓ ኬሰኪ ኬሰኪ ቶኪና ዒዞ ጊንያ ዒ ዓኦ ቤዞ ዓኦዴኔ። 14 ዩሱሴ ዎኦያና ፒንቆ ጎንጋፓ ኬዴ ዎዶና ሚርጌ ዴሬ ዛጋያ ዔያቶ ሚጨንቱ፤ ዔያቶ ባኦካፓ ሃርጌ ዓሶዎ ፖዒሴ።

15 ሰዓ ዓማዛ ዒዛኮ ጊንጾ ሃንታ ናኣታ ዒዛ ኮይላ ሙካዖ፡- «ሃይ ቤዛ ዓሲ ናንጉዋ ደውሎኹ፤ ሰዓ ሃሢ ዓሚሢሮ ዴራ ሃያ ኮይሎይዳ ዓኣ ጉርዶ ዴንዲ ፔኤኮ ሙዖንዶ ባኣዚ ሻንቃንዳጉዲ ዔያቶ ዳኬ» ጌዔኔ።

16 ዩሱሴ ጋዓንቴ፡- «ዒንሢ ዔያታ ሙዓንዳ ባኣዚ ዒንጉዋቴ፤ ዔያታ ዴንዶ።» ጌዔኔ።

17 ዩሱሴኮ ጊንጾ ሃንታ ናኣታ፡- «ኰኰኮ ሃሢ ሃካ ዓኣዘንሢ ዶንጎ ካሣና ለምዖ ሞሎና ሌሊኬ» ጌዔኔ።

18 ዩሱሴያ፡- «ሂንዳ ዓኣዘንሢ ታኣም ዔኪ ዩዑዋቴ» ጋዓዖ፡

19 ዴራ ቡጫ ዴዓንዳጉዲ ዓይሢኔ፤ ዩካፓ ዶንጎ ካሣንሢና ለምዖ ሞሎንሢና ዔኪ ሌካ ጫሪንጮ ባንሢ ዛጊ ያኦሲ ሺኢቃዖ ካሣ ቡንፂ ዒዛኮ ጊንጾ ሃንታዘንሢም ዒንጋዛ ዔያታኣ ዴሮም ዒንጌኔ። 20 ዩካፓ ቢያሢ ሙዒ ሚሸኬኔ፤ ዓቴ ዶምቦ ዒዛኮ ጊንጾ ሃንታዘንሢ ታጶ ለምዖ ዴኤፒ ለማቴ ኩሙሢ ዔኬኔ። 21 ዩያ ካሣ ሙዒ ዓሳ ላኣሎና ናኣቶና ፓይዲንቴባኣንቴ ዓቴንቃ ሌሊ ዶንጎ ሺያ ዓሲ ማዓያኬ።

ዩሱሴኮ ባዘ ዑፃ ሃንቲዖ
(ማር. 6:45-52፤ ዮሃ. 6:15-21)

22 ዩካፓ ዩሱሴ ጊንጾ ሃንታዘንሢም፡- «ታኣኒ ዓሶ ሰራሢ ዳካንዳኣና ዋኣዖና ፒንቆ ጎንጎ ቶጊ፡ ቤርታ ባዘ ሱኮ ፒንቁዋቴ» ጌዒ ዓይሢኔ። 23 ዴሮ ዒ ዳኬሢኮ ጊንጾ ፔኤሮ ሺኢቃኒ ዴኮ ኬሰካዖ ሰዓ ዓሚንቴያ ዒ ዒኢካ ዓኣኔ። 24 ዩማና ናኣታ ዓኣ ዋኣዖና ፒንቆ ጎንጌላ ሰዓፓ ባዘ ሰዘ ጌሊ ዓኣንቴ ዴኤፒ ዋኣሢ ጉዳ ቤርቶ ዛሎና ዠባርሻሢሮ ጎንጌላ ሰካ ሃንጋ ጌዒ ሚርጌ ዓጊፃኔ። 25 ዴምኮ ባራሪ ኮይዳ ቁኢቃ ዋይ ማዓኣና ዩሱሴ ባዘ ዑፃ ቶኪና ሃንቲ ሙኬኔ። 26 ዒዛኮ ጊንጾ ሃንታ ናኣታ ባዘ ዑፃ ዒ ሃንቲ ሙካሢ ዛጊ ሚርጌና ዲቃቴ ዒጊጫዖ፡- «ሃይ ዔኤገቴኬ!» ጌዒ ዒላቴኔ።

27 ዩሱሴ ዒማና፡- «ዒንሢ ዋይታይ ዒጊጫፖቴ፤ ታናኬ!» ጌዔኔ።

28 ጳዲሮሴ ጋዓንቴ፡- «ጎዳሢዮ! ኔናታቶ ዋኣዖ ዑፃ ሃንቲ ኔ ባንሢ ታ ሙኮም» ጌዔኔ።

29 ዒዚያ፡- «ሃኒ ሙኬ!» ጌዔኔ። ዩካፓ ጳዲሮሴ ዋኣዖና ፒንቆ ጎንጎይዳፓ ኬዲ ዋኣዖ ዑፃ ዩሱሴ ባንሢ ዓኣዲሢ ዓርቁኔ።

30 ጋዓንቴ ዴኤፖ ዠባር ዒ ዛጌ ዎዶና ዒጊጫኔ፤ ዩካፓ ዋኣዖይዳ ዔኤዲንቴሢ ዓርቃዖ፡- «ጎዳሢዮ፡ ታና ዓውሱ!» ጌይ ዒላቴኔ።

31 ዩሱሴ ዩማና ኩጫና ዒዛ ዓርቃዖ፡- «ኔኤኒ ጉሙርቁዖ ፓጩሢ ሃይ፡ ዓይጋ ኔ ሂርጌይ?» ጌዔኔ።

32 ዩካፓ ዩሱሴና ጳጳርሴና ጎንጎ ጋር ጌሌ ዎድና ዠባራ ዠባርሺያ ሃሼኔ። 33 ዒማና ዎአፆና ፒንቆ ጎንጎ ጋር ዒአዞንሢ ሲያ፡- «ጎኔ ኔ ፆኦሲ ናይኬ!» ጌይ ዩሱሴም ዘጌኔ።

ዩሱሴ ጌንሴሬዳይዳ ሃርጊንቴ ዓሶ ፓሤሢ
(ማር. 6:53-56)

34 ዩሱሴና ዒዛኮ ጊንፆ ሃንታዞንሢና ባዞ ፒንቁ ጌንሴሬዳ ዒጮ ሄሌኔ። 35 ዩኖ ዒጮይዳ ዓአ ዓሳ ዒ ዩሱሴ ማዔሢ ዔሬ ዎድና ኮይላ ዓአ ዒጮ ዓሲ ዳኪ ሃርጊንቴ ዓሶ ዒዛ ባንሢ ዔኪ ሙኡሴኔ። 36 ሃርጊንቴ ዓሳ ዒዛኮ ዓፒሎ ዒጮ ዔያቶ ዓርቁሳንዳጉዲ ዒዛ ሺኢቃፆ፣ ካኣማዞንሢ ሲያ ዔያቶኮ ዓአ ዶርዓሰካፓ ፖዔኔ።

15

ዓይሁዶ ዓሶኮ ዓዶንሢ ዎጎ
(ማር. 7:1-13)

1 ዩካፓ ዩፎሳላማይዳፓ ሙኬ ፔርሴ ዓሶና ሙሴ ዔርዜ ዎጎ ዔርዛዞንሢና ዩሱሴ ኮራ ሙካፆ፡- 2 «ኔኤኮ ጊንፆ ሃንታዞንሢ ኑ ዓዶንሢ ዎጎ ዓይጎር ካፑዎይ? ሃሢ ዔያታ ሙዎ ሙዒሢያ ኩጮ ማሰቱዎኮ» ጌዒ ፆኦጮኔ።

3 ዩሱሴ ዔያቶም ማሃፆ፡- «ዒንሢ ዒንሢኮ ዎጎ ካፓኒ፣ ፆኦሲ ዓይሢፆ ዓይጎር ዒንሢ ሃሻይ? 4 ዩይ ዓይሢፆ ፆኦሲ «ኔኤኮ ዓዶና ዒንዶና ቦንቹ፤ ዓዶ ሃሢ ዒንዶ ጫሽካሢ ሲያ ሃይቢና ዎጊንታንዳኔ» ጋዓሢኬ። 5 ዒንሢ ጋዓንቴ ፔቴ ዓሲ ዓዶታቴያ ዒንዶ ታጊዳፓ ዒንሢ ዴንቃንዳ ማአዳሢ ታኣኒ ፆኦሲም ዒንጎ ባኣዚ ማሢ ዒንጌኔ» ጌዔቶ፣ 6 ዩይ ዓሢ ዓዶታቶዎ ዒንዶ ቦንቻኒ ዒዛ ኮይሱዎሴ ዒንሢ ጋዓኔ፤ ዩያር ዒንሢኮ ዳምቦ ዶዲሻኒ ጌዒ ፆኦሲ ቃኣሎ ዒንሢ ሃሻኔ፤ 7 ሃይ ዒንሢ፣ ዲሎቱዎታፆ ፔና «ዲሎኬ» ጋዓ ዓሳ! ዒሲያሴ ዒንሢ ዛሎ፡-

- 8 ላይ ዴራ ዳንጎና ታና ቦንቻኔ፣
ዒና ጋዓንቴ ታጊዳፓ ሃኬያኬ፤
 - 9 ዓሲ ኬሴ ዎጌና ዳምቤና
ፆኦሲ ዎጌ ማሢ ዔርዚ ዔርዚ
ጉሪ ታና ዔያታ ካኣሽካፆ ማላኔ»
- ጌዒ ኬኤዜሢ ፒዜኬ።

15:4 15:4 ኬሲ. ማፆ 20:12፤ 21:17፤ ላሚ. ዎማ 5:16፤ ሊዊ. ዓኬ 20:9። 15:9 15:9 ዒሲ. 29:13።

ዓሲ ጌኤሺቱዋያ ማሃ ባኣዚ
(ማር. 7:14-23)

10 ዩካፓ ዩሱሴ ዳር ፔ ባንሢ ዔኤላዎ፡- «ዒና ዔኪ ዋይዙዋቲ፤
11 ዓሲ ጌኤሺቱዋያ ማሃሢ ዓሲዳፓ ኬሰካ ባኣዚ ማሃንዳፓ ዓቲም
ዙልካፓ ዳንጋና ጌላ ባኣዚቱዋሴ» ጌዔኔ።

12 ዩካፓ ዒዛኮ ጊንያ ሃንታ ናኣታ ዒዛ ባንሢ ሙካዎ፡- «ፔርሴ
ዓሳ ዩያ ኔ ጌዔ ባኮ ዋይዚ ዒኔ ዲጶሢ ኔ ዔሪያ?» ጌዔኔ።

13 ዒዚ ጋዓንቴ፡- «ታኣኮ ጩሪንጮ ዓዳሢ ቱኪባኣ ሚሢ ሲያ
ቱጊንታንዳኔ፤ 14 ዔያታ ዓኣፒ ባይቄያ ሃሃ ዓኣፓ ባይቄ ዓሶኮ ዓርና
ማዔሢር ዔያቶ ባኣዚ ሃሹዋቲ፤ ዓኣፒ ባይቄ ዓሲ ዓኣፒ ባይቄያ
ዔኪ ዓኣዳያ ማዔቶ ላምዎንሢ ዋሊ ዔኪ ዔቴይዳ ሎኦማንዳኔ»
ጌዔኔ።

15 ጳጳርሴ ዩሱሴ ኮራ፡- «ዩኖ ኮኣኪንሦኮ ቡሊዎ ኑም ኬኤዜ»
ጌዔኔ።

16 ዩሱሴ ዔያቶም፡- «ዒንሢያ ሃኖ ሄላንዳኣና ማሊ ጶቂሡዋያዳ?

17 ዳንጋና ሊካ ጌላ ባኣዚ ሲያ ጎጾ ኬዳዎ ጊንሣ ዙሎ ኬሰካሢ
ዒንሢ ዔራዋዳዳ? 18 ዳንጋና ኬሰካ ባኣዚ ጋዓንቴ ዒናይዳፓ
ኬሰካኔ፤ ዓሲ ጌኤሺቱዋያ ማሃሢ ዩያኬ። 19 ፑርታ ማሊሢ፡
ዓሲ ዋዲሢ፡ ዓኒ ሃሃ ማቾ ማዒ ባኣያና ላሂሢ፡ ኮይሱዋ ጎይሢና
ዘኣሰካ ኮኣሚሢ፡ ሙሱዋ፡ ሉኡዙዋ፡ ዓሲ ፑሸኪሢ፤ ዩይ ሲያ
ዓሲ ዒናይዳፓ ኬሰካኔ። 20 ዓሲ ጌኤሺቱዋያ ማሃሢ ዩያጉዴ ባኮ
ማዓንዳፓዓቲም ማሰቲባኣ ኩቺና ሙዒሢቱዋሴ» ጌዔኔ።

ካኣናኔ ዓጮ ላኣሌሎኮ ጉሙርቂዎ
(ማር. 7:24-30)

21 ዩሱሴ ዩካፓ ጳርሴና ሲዶና ጎዎ ዓጮ ዓኣዳኔ፤ 22 ዩኖ
ዓጮይዳ ፔቲ ካኣናኔ ዓጮ ላኣሊሰኬና ዩሱሴ ኮራ ሙካዎ፡-
«ዳውቲ ናዓሢዮ፡ ታ ጎዳ! ሃዳራ ታና ማኣዴቴራ፤ ታኣኮ ናይሰኬኖ
ፑርታ ዓያና ዓርቄም ሚርጌ ሜታዳኔ» ጌዒ ዒላቲኔ።

23 ዩሱሴ ጋዓንቴ ፔቲታዎ ዔኤቢ ጎውዋዎ ዚቲ ጋዓዛ፡ ዒዛኮ ጊንያ
ሃንታ ናኣታ ዒዛ ኮይላ ሙካዎ፡- «ሃና ላኣሌላ ኑ ጊንያ ዒላቲ ዒላቲ
ሃንታሢር ሃዳራ ዒዛ ዳኬ» ጌዒ ሸኢቄኔ።

24 ዒዚ ማሃዎ፡- «ታኣኒ ዳኪንቴሢ ዎኣሲኮ ዣኣሊ ባይቄ ማራቶ፡
ዒሰራዔኤሌ ዓሶም ሌሊኬ» ጌዔኔ።

25 ላኣሌላ ጋዓንቴ ዑኪ ሙኪ ዒዛኮ ቶኮ ዴማ ጉምዓታዎ፡- «ታ
ጎዳሢዮ! ሃዳራ ታና ማኣዴ!» ጌዔኔ።

15:14 15:14 ሉቃ. 6:39። 15:18 15:18 ማቴ. 12:34።

26 ዬሱሴ ማሃያ:- «ናኣቶ ካሦ ዔኪ ካናቶም ዓገሢ ከይሳያቱዋሴ» ጌዔኔ።

27 ላኦሌላ:- «ጎዳሢኹ ጎኔኬ! ጋዓንቴ ካናታ ዔያቶኮ ዓደንሢ ሙዓፓ ዲኢኔሢ ሙሙዓኔ» ጌዔኔ።

28 ዬሱሴ:- «ዔና! ኔኤኮ ጉሙርቂፃ ዴኤፒኬ፤ ኔ ኮዔሢፕዲ ኔኤም ማፃንጎ» ጌዔኔ። ላኦሌሎኮ ናዔላ ዒማ ዒ ጋጋዓማና ዳቄኔ።

ዬሱሴ ሚርጌ ሃርጌ ዓሶ ፓሢሢ

29 ዬሱሴ ዬካፓ ዔቂ ጌሊላ ባዞ ዓጮ ሙካፃ ሌካ ዲኮ ኬሰኪ ዒኢካ ዴዔኔ። 30 ሚርጌ ዓሶ ሃንታኒ ዳንዳዑዋ ዋሶ ዓሶ፣ ዓኣፓ ባይቄ ዓሶ፣ ዋሶ ዓሶ፣ ዳንጎ ባይቄ ዓሶ፤ ዬያጉዲ ሜሌ ሃርጌ ዓሶዋ ዬሱሴ ባንሢ ዔኪ ሙኪ ዒዛኮ ቶኮ ዴማ ጌሢም ዔያቶ ዒ ፖዒሴኔ። 31 ዬያሮ ዴራ ዳንጎ ባይቄ ዓሶ ጌሰቴሢሮ፣ ሃንታኒ ዳንዳዑዋ ዋሶ ዓሶ ዳቄሢሮ፣ ዋሶ ዓሶ ፒኪ ሃንቴሢሮ፣ ዓኣፖ ባይቄ ዓሶ ዛጌሢሮ ዲቃቲ ሄርሺ ዒሰራዔኤሌ ያኣዛሢ ጋላቴኔ።

ዬሱሴ የይዶ ሺኖ ዓሶ ሙኡዜሢ
(ማር. 8:1-10)

32 ዬሱሴ ዒዛኮ ጊንያ ሃንታዞንሢ ዔኤላያ:- «ዓሶ ታኣና ዋላ ሃይሦ ኬሊ ዴዔሢሮ ሙዓ ባኣዚያ ዔያቶኮ ባኣሢ ታና ሚቻኔ፤ ሃሢ ዔያታ ዴንዳያ ጎይፃ ላቢ ዓቱዋጉዲ ዔኤቢ ሙኡዜዋያ ታ ዔያቶ ዳካኒ ኮዑዋሴ» ጌዔኔ።

33 ዒዛኮ ጊንያ ሃንታ ናኣታ ማሃያ:- «ሂዴቶ ሃያ ቢያ ዓሶም ጊዳ ሙኡዚ ሃይካ ዓሲ ናንጉዋ ዳውሎይዳ ዓይጋፓ ኑ ዴንቃንዳይ?» ጌዔኔ። 34 ዬሱሴ ዔያቶ ኮራ:- «ዓኣፒኒ ካሢ ዒንሢኮ ዓኣይ?» ጌዒ ያኦጮኔ፤

ዔያታ:- «ላንካይ ካሢና ዳካ ሞሎና ዓኣኔ» ጌዔኔ።

35 ዬካፓ ዬሱሴ ዴራ ሳይዳ ዴዓንዳጉዲ ዓይሃያ፣ 36 ላንካዋ ካሢንሢና ሞሎንሢና ዔኪ ያኦሲ ሺኦቄ፣ ቡንፃ ጊንያ ሃንታዞንሢም ዓንጋዛ ዔያታኣ ዴሮም ሺኦሺኔ። 37 ቢያሢ ሙዒ ሚሸኬም ዓቲ ደምሶ ጊንያ ሃንታዞንሢ ቡኩሲ ላንካይ ዴኤፒ ሊማቴ ኩሙሢ ዔኬኔ። 38 ሙዔ ዓሶ ላኣሎና ናኣቶና ዓታዛ ዓቲንቃ ሌሊ የይዶ ሺያ ማዓያኔ።

39 ዬካፓ ዬሱሴ ዴሮ ሳራሢ ዳካያ፣ ዋኣያና ፒንቆ ጎንጎ ቶጊ፣ ማጌዶኔ ዓጮ ዓኣዴኔ።

16

ያኦሲ ዋልቄና ማዲንታ ባኮ ዛጋኒ ያኦጪንቴ ያኦጪህ
(ማር. 8:11-13፤ ሉቃ. 12:54-56)

1 ፔርሴ ዓሶና ሶዶቄ ዓሶና ዬሱሴ ኮይላ ሙኪ፣ ዒ ዋዚ ጋዓቴያ ኑ ዛጎም ጌዒ፡- «ጫሪንቺዳፓ ያኦሲ ዋልቄና ማዲንታ ዓኪ ባኦዚ ማዲ ኑና ዳቄ» ጌዒ ያኦጪኤ። 2 ዒዚ ጋዓንቴ ማሃ፡- «ዓማዛ ለጫሪንጫ ጌኤሽታህረ፣ ሃኖ ዒርዚ ዋርቃዓ» ዒንህ ጋዓንቴ፤ 3 ጉቶ ሃህ ሃኖ ሳዓ ሻኦሪናኪ፤ ዒርዚ ዋርቃንዳኔ» ዒንህ ጋዓንቴ፤ ዩያይዲ ጫሪንጫ ዛጊ ዒንህ ዔሪ ዔራኔ፤ ጋዓንቴ ሃህ ማዲንቲ ማዲንቲ ዓኦ ባኮ ዛሎ ዒንህ ዔራኒ ዳንዳዒ ባኦሴ። * 4 ቸርታ ሃህ ጉሙርቂህ ባኦያ ማዔ፣ ሃያ ዋዶ ዓሳ ማላታ ዛጋኒ ኮዓንቴ፤ ጋዓንቴ ያኦሲ ማሊያ ኬኤዛ ዮናሴ ማላቶይዳፓ ዓታዛ ማሌ ማላታ ዔያቶም ዳቂንታዓኬ» ጋዓ፡ ዬሱሴ ዔያቶ ሃሺ ማሌ ቤሲ ዓኦዳኔ።

ፔርሴ ዓሶና ሶዶቄ ዓሶናኮ ዓሶ ዳቢሻ ሙኑቆ ፃኦዛ
(ማር. 8:14-21)

5 ዒዛኮ ጊንፆ ሃንታ ናኦታ ጋላ ዔኩዋዎ ዋሊ ባዛ ሱኮ ፒንቄ፤ 6 ዬሱሴ ዒዛኮ ጊንፆ ሃንታዞንህ ኮራ፡- «ኮሺ ዔሩዋቴ! ፔርሴ ዓሶና ሶዶቄ ዓሶናኮ ዓሶ ዳቢሻ ሙኑቆ ፃኦዛፓ ዒንህና ካፑዋቴ» ጌዔ።

7 ዔያታ፡- «ዒዛኮ ዩያ ጌይፆ ጎዖንቴ ጋሎ ኑ ዋሌህረ ናንዳኔ» ጌዒ ዋላ ጌሰቴ።

8 ዬሱሴ ጋዓንቴ ማሊያ ዔያቶኮ ዔራ፡- «ዒንህ ጉሙርቂፆ ፓጩ ዓሳ! ለካህ ኑ ዋሌህረኬ» ጌይ ዓይጎር ዋላ ዒንህ ጌሰታይ? 9 ሃኤዶ ሃላፆ ዒንህ ጳቂሁዋዓዳ? ዶንጎ ካሃ፣ ዶንጎ ሺያ ዓሲ ሚሽኸም ዓቴ ዶምቦ ዋኦዲ ዳኤፒ ለማቴ ኩሙህ ዒንህ ዔኬቶዋ ዒንህ ጳቂሁዋዓዳ? 10 ዩያጉዲ ሃህ ለንካይ ካህ ያይዶ ሺያ ዓሲ ሚሽኸም ዓቴ ዶምቦ ዋኦዲ ዳኤፒ ለማቴ ኩሙህ ዒንህ ዔኬቶዋ ዒንህ ጳቂሁዋዓዳ? 11 ዓካሪ ለፔርሴ ዓሶና ሶዶቄ ዓሶናኮ ዓሶ ዳቢሻ ሙኑቆ ፃኦዛፓ ዒንህና ካፑዋቴ፣ ጌዒ ታ ዒንህም ኬኤዛኦ ካህ ዛላቴዋህ ዋይቲ ዒንህ ጳቂሁዋይ?» ጌዔ።

16:1 16:1 ማቴ. 12:38፤ ሉቃ. 11:16። * 16:3 16:3 ጌቴ ጌቴ ሚናላ ማፃፃፓ ፓይዲ ሃይሃና ለምዖናይዳ ዬሱሴ ጌዔ ባኮ ኬኤዙዋሴ። 16:4 16:4 ማቴ. 12:39፤ ሉቃ. 11:29። 16:6 16:6 ሉቃ. 12:1። 16:9 16:9 ማቴ. 14:17-21። 16:10 16:10 ማቴ. 15:34-38።

12 ዲዛኮ ጊንጾ ሃንታዞንሢ ዬሱሴ ዲንሢና ካፒንቱዋቲ ዔያቶም ጌዔሢ ፔርሴ ዓሶና ሶዶቄ ዓሶናኮ ዔርዚያይዳፓ ማዓንዳኢፓዓቲም ካሣ ዛላቱዋኢሢ ዔያታ ዔሬኔ።

ጳጳርሴኮ ጉሙርቂዎና ማርካዲያና
(ማር. 8:27-30፤ ሉቃ. 9:18-21)

13 ዬሱሴ ፒልጶሴ ቁሳሪያ ጎጾ ዓጮ ሄላጾ ዲዛኮ ጊንጾ ሃንታዞንሢ ኮራ፡- «ዓሳ ዓሲኮ ናዓሢ ያናኬ ጋዓይ?» ጌዔ ዔያቶ ያኦጩኔ፤

14 ዔያታ፡- «ፔቲ ፔቲ ዓሳ <ማሰካ ዮሃኒሴኬ> ጋዓኔ፤ ዛላ ሃሣ <ዔኤሊያሴኬ> ጋዓኔ፤ ዓቲ ዓሳ ሃሣ <ዔርሚያሴኬ፤ ሃንጎ ያኦሲ ማሊያ ከኤዛዞንሢዳፓ ፔቲሢኬ> ጋዓኔ» ጌዔኔ።

15 ዬሱሴያ፡- «ዲንሢ ታና ያናኬ ጋዓይ?» ጌዔኔ።

16 ዬማና ሲሞኦኔ ጌይንታ ጳጳርሴ፡- «ኔኤኒ ናንጊና ናንጋ ያኦዛሢ ናኦዚ፣ ማሲሃኬ!» ጌዔኔ።

17 ዬሱሴ ማሃያ፡- «ዮና ናዓሣ ሲሞኦኔ! ኔኤኒ ዓንጂንቲያኬ፤ ዓይጎር ጌዔቶ ዬያ ኔና ዔርዜሢ ጫሪንጫ ዓኦ ታ ዓዳሢ ማዓንዳፓዓቲም ዓሲቱዋሴ፤ 18 ታ ኔኤም ሂዚ ጋዓኔ፡- ጳጳርሴ፣ ኔኤኒ ላሌኬ፤ ሃያ ቦኦኮላሢ ማዔ ሹጫሢዳ ታኦኮ ሺኢጲያ ማኦር ዓሶ ታ ዶዲሺ ዔቁሳንዳኔ፤ ዬኖ ሺኢጲያ ማኦር ዓሶ ሃይቢ ዋልቂታጾ ባይዛዓኬ። 19 ሃይሾ ታ ኔኤም ጫሪንጫ ማኦር ካኦቱሞኮ ካር ቡሎ ቁልፖ ዲንጋንዳኔ፤ ሳዓ ኔ <ማያንጎ> ጌዔ ባካ ጫሪንጫ ዲማዲ ማዓንዳኔ፤ ሳዓ ኔ <ማያፓ> ጌዔ ባካ ጫሪንጫኦ ማዓዓኬ» ጌዔኔ።

20 ዬካፓ ዬሱሴ ዲዛኮ ጊንጾ ሃንታዞንሢ ኮራ ዲዚ ኪሪሰቶሴ ማዔሢ ያኦማኦ ዔያታ ከኤዙዋጉዲ ላቲ ዓይሣኔ።

ዬሱሴ ፔና ሄላንዳ ሜቶና ሃይቦና ዛሎ ከኤዜሢ
(ማር. 8:31—9:1፤ ሉቃ. 9:22-27)

21 ዬማፓ ዓርቃያ ዬሱሴ ዲዛኮ ጊንጾ ሃንታ ናኦቶ ኮራ፡- «ሃሢ ዬሩሳሌሜ ታ ዓኦዳንዳያ ኮይሳኔ፤ ዲኢካ ጨሞና ቄኤሶኮ ሱኡጎና ሃሣ ሙሴ ዔርዜ ዋጎ ዔርዛ ዓሶና ታ ጌዳ ፑርታ ሜቶ ዔኪ ዬዔም፣ ሃይቁሰካፓ ሃይሣሳ ከኤሎና ሃይባፓ ታ ዔቃንዳኔ» ጌዔ ጌዔ ከኤዚሢ ዓርቄኔ።

22 ጳጳርሴ ጋዓንቲ ዬሱሴ ዲማሳያ፡- «ጎዳሢዮ! ፔቲታጾ ዬይ ማዓዓኬ! ዬይ ባካ ኔና ሄሎፓ!» ጌዔ ዘሪሢ ዓርቄኔ።

16:14 16:14 ማጉ. 14:1-2፤ ማር. 6:14-15፤ ሉቃ. 9:7-8። **16:16** 16:16 ዮሃ. 6:66-69። **16:19** 16:19 ማጉ. 18:18፤ ዮሃ. 20:23።

23 ዩሱሴ ጋዓንቴ ጳጳሮሴ ባንሢ ሺራዎ፡- «ፃላሄ፡ ኔ ታ ኮራፓ ሃኬ! ኔኤኒ ዓሲ ባኣዚዳፓ ዓታዛ ምእሲ ባኣዚ ማሉዋኣሢሮ ታኣኮ ኔ ዲቆ ማዓኔ» ጌዔኔ።

24 ዩሳፓ ዩሱሴ ዒዛኮ ጊንፆ ሃንታ ናኣቶ ኮራ፡- «ታ ጊንፆ ሃንታኒ ኮዓሢ ፔና ኬኤሪ ሃሾንጎ፤ ሃሃ ሃይቢማኣ ጊኢጊ ታ ጊንፆ ሃንቶንጎ።

25 ፔ ናንጎ ዓይሳኒ ኮዓሢ ቢያ ናንጎ ባይዛንዳኔ፤ ፔ ናንጎ ታ ጋይቴ ጌዒ ባይዛሢ ጋዓንቴ ዓይሳንዳኔ። 26 ፔቴ ዓሲ ዓጫ ዓኣ ባካ ቢያ ዒዛም ማዓም ፔ ናንጎ ጋዓንቴ ባይዜቶ ዓይጎ ዒዛ ማኣዳንዳይ? ሃሃ ዓሲ ፔኤኮ ባይቁ ናንጎ ማሂ ዳንቃኒ ዓይጎና ዳንዳዓይ? 27 ዓሲኮ ናዓሢ ዓዶኮ ቦንቸና ምእሲ ከኢታንቸና ዋላ ሙካንዳኔ፤ ዒማና ፔቴ ፔቴሢም ፔኤኮ ማዶጉዲ ዒንጋንዳኔ።

28 ጎኔ ታ ዒንሢም ጋዓኔ፤ ዓሲኮ ናዓሢ ጫሪንጮ ካኣቱም ቦንቸና ሙካኣና ዛጋንዳያ ሄላንዳኣና ሃይካ ዔቁ ዓሶ ባኣካፓ ሃይቁንዲዋ ዓሲ ዓኣኔ» ጌዔኔ።

17

ዩሱሴኮ ዓውካሮ ላኣሚንቶ (ማር. 9:2-13፤ ሉቃ. 9:28-36)

1 ላሆ ኬሊኮ ጊንፃፓ ዩሱሴ ጳጳሮሴና ያይቆኦቤና ሃሃ ያይቆኦቤኮ ጌርሲ ዮሃንሴና ሌሊ ዔኪ ዴኤፒ ዲካ ኬሰኬኔ። 2 ዩካ ዔያቶኮ ቤርታ ዒ ላኣሚንታዎ ዓኣፖ ካራ ዒዛኮ ዓቢጉዲ ፖዔኔ፤ ሃሃ ዒዛኮ ማኣዓሢያ ዓኣፓ ዲካያ ማዒ ቦኦሬኔ። 3 ዩማና ሙሴንታ ዔኤሊያሴንታ ዩሱሴና ዋላ ጌሰታንቴ ዔያታ ዳንቁኔ። 4 ጳጳሮሴ ዩሱሴ ኮራ፡- «ጎዳሢዮ! ሃይካ ኑ ናንጌቴ ኮሺኬ፤ ኔ ናሽኬቶ ፔቴ ኔኤም፣ ፔቴ ሙሴም፣ ፔቴ ሃሃ ዔኤሊያሴም ሃይሃ ዉዲ ታ ማኸም» ጌዔኔ።

5 ዒ ኬኤዛ ጎይሃ ዓኣንቴ ቦኦሬ ሻኣሬ ሙኪ ዔያቶ ባይዜኔ፤ ዩያ ሻኣሮ ባኣካፓ፡- «ታ ዒዛና ዋዛዳ፣ ታ ናሽካ ናዓሢ ሃያኬ፤ ዒዛሲ ዋይዙዋቴ» ጋዓ ዑኡሲ ዋይዚንቴኔ።

6 ዒማና ዒዛና ዋላ ዓኣ ዩሱሴኮ ጊንፆ ሃንታዞንሢ ዩያ ዋይዜ ዋዶና ዲቃቲ ሳይዳ ባሊቲና ሎኦሜኔ። 7 ዩሱሴ ሙኪ ዔያቶ

16:24 16:24 ማቴ. 10:38፤ ሉቃ. 14:27። 16:25 16:25 ማቴ. 10:39፤ ሉቃ. 17:33፤ ዮሃ. 12:25። 16:27 16:27 ማቴ. 25:31፤ ዓይኑ. 62:12፤ ሮሜ 2:6። 17:1 17:1 2ጴዱ. 1:17-18። 17:5 17:5 ማኸ. ማፃ 22:2፤ ላሚ. ዋማ 18:15፤ ዓይኑ. 2:7፤ ዓሲ. 42:1፤ ማቴ. 3:17፤ 12:8፤ ማር. 1:11፤ ሉቃ. 3:22።

ኩጮና ዓርቃያ፡- «ዒጊጨፖቴ፣ ዔቁዋቴ» ጌዔኔ። 8 ዩካፓ ዔያታ ደግ ጌዒ ዛጋንቴ ዩሱሴይዳፓ ዓታዛ ሜሌ ያኒኒያ ባኣሴ።

9 ደካፓ ዔያታ ኬዲያይዳ ዓኣንቴ ዩሱሴ ዔያቶም፡- «ዓሲኮ ናዓሢ ሃይቂ ሃይባፓ ዔቃንዲያ ሄላንዳኣና ዒንሢ ዛጌ ባኮ ያኦማኣ ኬኤዚፖቴ» ጌዔኔ።

10 ዒዛኮ ጊንያ ሃንታዞንሢ፡- «ዓካሪ፣ ሙሴ ዔርዜ ዎጎ ዔርዛዞንሢ ዔኤሊያሴ ቤርታዲ ሙካንዲያ ኮይሳኔ ጋዓሢ ዓይጎርዳይ?» ጌዒ ዒዛ ያኦጩኔ።

11 ዒዚ ዔያቶም ማሃያ፡- «ዔኤሊያሴ ጎኔ ሙኪ ቢያ ባኣዚ ጊኢጊሻንዳኔ፤ 12 ጋዓንቴ ታ ዒንሢም ሂዚ ጋዓኔ፡- ዔኤሊያሴ ሙኪናኣኮኬ፤ ማዔቶዎ ዔያታ ኮዔ ባኣዚ ዒዛይዳ ማዴያፓዓቴም ዒዛ ዔሪባኣሴ። ዩያጉዲ ሃሣ ዓሲኮ ናዓሢ ዔያታ ሜታሳንዳኔ» ጌዔኔ።

13 ዩማና ዒዛና ዓኣ ጊንያ ሃንታዞንሢ ዩሱሴ ዔያቶም ኬኤዜሢ ማሰካ ዮሃኒሴ ዛሎ ማዔሢ ዔሪኔ።

ዩሱሴ ፑርታ ዓያና ዓርቁ ናይ ፓሢሢ
(ማር. 9:14-29፤ 9:30-32፤ ሉቃ. 9:37-43፤ 9:43-45)

14 ዩሱሴና ሃይሃ ዒዛኮ ጊንያ ሃንታዞንሢና ዴር ባንሢ ማዒ ሙካዛ ፔቴዓሲ ዩሱሴኮ ቤርታ ሙኪ ጉምዓታዎ፡- 15 «ታ ጎዳሢዮ! ታኣኮ ናዓሢ ዓውሴ፤ ዴንሢ ፑርታ ዓያና ደርዓ ዒዛ ሜታሳኔ፤ ሚርጌ ዎዴ ታሚዳ ሎኦማኔ፤ ሃሣ ዋኣሢዳኣ ጌላኔ። 16 ኔኤኮ ጊንያ ሃንታዞንሢ ኮራ ታ ዔኪ ሙኬንቴ ዔያታ ዒዛ ዓውሳኒ ዳንዳዒባኣሴ» ጌዔኔ።

17 ዩሱሴ፡- «ሃይ ዒንሢ ጉሙርቁዎ ዎቦ ዓሳ! ዓይዴ ሄላንዳኣና ታ ዒንሢና ናንጋንዳይ? ሃሣ ዓይዲ ሄላንዳኣና ታ ዒንሢ ጊቢ ዳንዳዓንዳይ? ሂንዳ ናዓሢ ታኣም ዔኪ ዩዑዋቴ!» ጌዔኔ።

18 ዩካፓ ዩሱሴ ፑርቶ ዓያናሢ ጎራዛ፣ ፑርቶ ዓያናሢ ናዓሢዳፓ ኬሰኬም ናዓሢ ዩማፓ ዓርቃያ ደቄኔ።

19 ዩካፓ ዒዛኮ ጊንያ ሃንታ ናኣታ ፔኤር ዩሱሴ ኮይላ ሙካዎ፡- «ኦኦኒ ፑርቶ ዓያና ኬሳኒ ዳንዳዒባኣሢ ዓይጎርዳይ?» ጌይ ያኦጩኔ።

20 ዩሱሴ ማሃያ፡- «ጉሙርቁዎ ዒንሢኮ ዳኬሢርኬ፤ ጎኔ ታ ዒንሢም ጋዓኔ፤ ሴናፒጩ ጌይንታ ባኮማ ዓኣፖ ጉዴያታዎ ጉሙርቁሢ ዒንሢኮ ዓኣቶ ሃያ ደኮ ሃካፓ ሺኢኤ» ጌዔቶ ዒንሢም

ዓሳዳንዳኔ፤ ዲንሢ ሳሻንዳ ባአዚ ፔቴታዎ ባአሴ። [21 ሃያ ጉዳሢ ሙኡዚ ሃሺ ሺኢቆ ሺኢጲሢና ማዒባአቶ ኬሰኩዋሴ» ጌዔኔ።]

22 ጌሊላይዳ ዒዛኮ ጊንዖ ሃንታዞንሢ ቡከንቲ ዓአንቴ ዩሱሴ ዔያቶዎ፡- «ዓሲኮ ናዓሢ ዓሶዎ ዓአሢንቲ ዲንጊንታንዳኔ፤

23 ዔያታአ ዒዛ ዎዳንዳኔ፤ ዒዚያ ሃይባፓ ሃይሣሳ ኬሎና ዔቃንዳኔ» ጌዔሢር ዒዛኮ ጊንዖ ሃንታ ናአታ ማርጌና ያዩኔ።

ጌኤዥ ማአሮዎ ጨጊንታ ጊኢራ ዛላ

24 ዩሱሴና ዒዛኮ ጊንዖ ሃንታዞንሢና ቁፐርናሆሜ ጎዎ ዓጮ ሄላዛ ጌኤዥ ማአሮኮ ጊኢሮ ጨጊሳ ዓሳ ጳዳሮሴ ኮይላ ሙካዎ፡- «ዲንሢኮ ዔርዛሢ ጌኤዥ ማአሮዎ ጨሳ ማኢሾ ጨጋ?» ጌዒ ያኦጮኔ።

25 ጳዳሮሴ፡- «ሂዮ፤ ጨጋኔ» ጌዔኔ።

ዩካፓ ጳዳሮሴ ጋሮ ጌላዛ ዩሱሴ ቤርታዲ ሲሞኦኔ ኮራ፡- «ዓጮ ካአታ ጊኢሮ ማኢሾንታ ኮርዎ ዓሶፓ ዔኮ ማኢሾ ዔካሢ ዓጮ ዓሶይዳፓዎ? ዙሎ ዓሶይዳፓዳይ?» ጌዒ ያኦጮኔ።

26 ጳዳሮሴ ማሃዎ፡- «ዙሎ ዓሶይዳፓኬ» ጌዔኔ።

ዩያሮ ዩሱሴ፡- «ሂዳቶ ዓጮ ዓሳ ጊኢራ ጨጉዋሴ ጌይሢከ!

27 ዓካሪ ኦና ዔያታ ቆፀዋጉዲ ዴንዲ ሞላሢ ዓርቆ ዓንጎ ኪሮ ባዛ ዓጌ፤ ዩካፓ ቤርታዲ ኔ ዓርቁ ሞሎማ ሹካዎ ዳንጋፓ ኔ ዔካንዳ ሹጮ ቢሮ ታኣና ኔኤናና ዛሎ ጨጌ» ጌዔኔ።

18

ጨሪንጮ ካአቱሞይዳ ቢያፓ ባሽሢ ያናዳይ?

(ማር. 9:33-37፤ ሉቃ. 9:46-48)

1 ዩኖና ዩሱሴኮ ጊንዖ ሃንታዞንሢ ዩሱሴ ኮራ ሙካዎ፡- «ጨሪንጮ ካአቱሞይዳ ቢያፓ ባሽሢ ያናዳይ?» ጌይ ዒዛ ያኦጮኔ። 2 ዩሱሴ ፔቴ ዳካ ናይ ዔኤሊ ዔያቶኮ ባአካ ዔቁሳዎ፡-

3 «ጎኔ ታ ዲንሢዎ ጋዓኔ፤ ዲና ዲንሢኮ ለአሚንቲባአቶ ሃሃ ዳካ ናይጉዲ ዲንሢ ማዒባአቶ ጨሪንጮ ካአቱሞይዳ ፔቴታዎ ዲንሢ ጌላሳኬ። 4 ሃይማ ናዎጉዲ ፔና ሂርኪዳሢ ጨሪንጮ ካአቱሞይዳ

ዴኤፒ ማዓንዳኔ። 5 ሃይማጉዴ ናዎ ታ ሱንዖና ቦንቺ ዔካሢ ታናኣ ዔካኔ። 6 ታና ጉሙርቃዞንሢ፥ ሃንሢ ዳኮንሢዳፓ ፔቴማ ዳቢሻ

17:20 17:20 ማቴ. 21:21፤ ማር. 11:23፤ 1ቆሮ. 13:2። 17:24 17:24 ኬሲ. ማፃ 30:13፤ 38:26። 18:1 18:1 ሉቃ. 22:24። 18:3 18:3 ማር. 10:15፤ ሉቃ. 18:17።

ዓሲ ዳኤፒ ዋንሢ ሹቺ ባቃና ቱኪ ባዞ ቁልባ ከኤሪንቲ ሃይቁቶ ቃራ ማዓንዳኔ» ጌዔኔ።

ዓሲ ዳቢሻ ባኣዚ
(ማር. 9:42-48፤ ሉቃ. 17:1-2)

7 ሃሣ ዩሱሴ ከኤዛዎ፡- «ዓሲ ጌሺ፣ ጎሜ ማዲሻኒ ዳንዳዓ ባኣዚና ኩሜ ሃሮ ዓጩሎም ባዴዔ! ዋይቲቲያ ጌሺ ዳቢሻ ባኣዚ ሙኩዋዎ ዓታዓከ፤ ጋዓንቲ ጌሺ ዳቢሻኒ ማዳ ዬያ ዓሢም ባዴዔ! 8 ዬያሮ ኔኤኮ ኩጫ ሃሣ ቶካ ዳቢሻ ጎሜ ማዲሳያ ማዔቲ ቲቂ ኔጊዳፓ ከኤሬ፤ ላምዎ ኩቺና ሃሣ ላምዎ ቶኪና ዓኣዎ ናንጊና ባይቁዎ ታሞይዳ ኔ ከኤሪንታሰካፓ ጉንዎ ሃሣ ዋቦ ዓሲ ማዒ ናንጊና ናንጎይዳ ጌሊ፻ ኔኤም ኮሺኬ። 9 ዓኣፓ ኔኤኮ ኔና ዳቢሻ ጎሞ ማዲሻዞ ማዒቶ ከሲ ኔጊዳፓ ከኤሬ፤ ላምዎ ዓኣፒ ኔኤኮ ዓኣንቲ ጋኣናኣሜ ታሞይዳ ኔ ከኤሪንታሰካፓ ፔቲ ዓኣፒና ማዒ ናንጊና ናንጎይዳ ጌሊ፻ ኔኤም ኮሺኬ።

10 «ሃንሢ፣ ዳኮንሢዳፓ ፔቲማታዎ ዒንሢ ቦሁዋጉዲ ዒንሢና ዒፋዋቲ፤ ጫሪንጮይዳ ዓኣ ዔያቶም ጊኣጊንቲ ኪኢታንቻ ጫሪንጫ ዓኣ፣ ታዳዳሢ ቤርታ ቢያ ከሊ ዓኣኔ። [11 ዓሲኮ ናዓሢ ሙኬሢ ባይቁሢ ዴንቂ ዳቂሻኒኬ]» ጌዔኔ። *

ባይቁ ማራይ ኮኦኪንሢ
(ሉቃ. 15:3-7)

12 ሃሣ ዩሱሴ ከኤዛዎ፡- «ዒንሢም ዓይጎ ማለይ? ፔቲ ዓሲኮ ዌኤታ ማራይ ዓኣዎ ዔያቶይዳፓ ፔቲ ባይቁቲ ታዞጲታሞ ታዞጲ ሄንቃ ዲኮይዳ ሃሺ ባይቁ ማራዓሢ ኮዓኒ ዓኣዲዋዓዳ? 13 ጎኔ ታ ዒንሢም ጋዓኔ፤ ዬያ ማራዓሢ ዴንቂ ዋዶና ባይቁባኣ ታዞጲታሚ ታዞጲንሢዳፓ ባሽ ባይቁ ጸዴሢሮ ሚርጌና ዒ ዋዞዳኔ። 14 ዬያጉዲ ጫሪንጮይዳ ዓኣ፣ ዒንሢኮ ዓዳሢ ሃንሢ ዳኮንሢዳፓ ፔቲማታዎ ባይቃንዳጉዲ ኮዑዋሴ» ጌዔኔ።

ዳቤ ዓሲ ዛላ

15 ዬካፓ ዩሱሴ፡- «ታና ጉሙርቃዞንሢዳፓ ፔቲ፣ ኔኤኮ ዒሾ ማዓይ ኔኤም ዳቤቶ ኔኤና ዒዛና ሌሊ ማዒጋፓ ዒ ዳቤ ጎይዎ ከኤኬ፤ ኔ ጋዓሢ ዒ ዋይዜቶ ጊንሣ ዒንሢኮ ፔቱሞ ዋንዳሲጉዲ

18:8 18:8 ማጉ. 5:30። 18:9 18:9 ማጉ. 5:29። * 18:11 18:11 ፔቲ ፔቲ ሚና ማፃኣፓ ፓይ. 11 ቃሳኔ፤ ቃኣሌላ ሉቃ. 19:10 ጊዳ ዓኣዞ ማለኔ። 18:11 18:11 ሉቃ. 19:10።

ኔ ማሄኔ ገይህኩ። 16 ኔኤም ዒ ዋይዚባኣቶ ገኤሲ ላምዎ፤ ሃሣ ሃይሣ ዓሲ ማርካቶና ጎናዳሂሮ ላምዎ ሃንጎ ሃይሣ ዓሲ ዔኪ ዒዛ ኮይላ ዳንዳ። 17 ዔያታ ጋዒሂያ ዒ ዋይዛዓ ገዔቶ ሺኢጲዎ ማኣሮ ዓሶም ኬኤዜ፤ ሃሣ ሺኢጲዎ ማኣሮሲያ ዋይዘ ዒፃቶ ኪሪሰቶሴ ጉሙርቁዋ ዓሲ ሃሣ ጎሜ ዓሲ ማሂ ዒዛ ዛጌ» ገዔኔ።

18 ሃሣ ዒ ኬኤዛዎ፡- «ጎኔ ታ ዒንሂም ጋዒ፤ ሳይይዳ ዒንሂ ያዲ ማዎም» ገዔ ባካ ጫሪንጫ ዒማዲ ማዓንዳኔ፤ ሳይይዳ ዒንሂ <ማዎም> ገዔ ባካ ጫሪንጫይዳኣ ማዑቀያ ማዓንዳኔ።

19 «ሃሣ ታ ዒንሂም ጋዒ፡- ዒንሂ ላምዎ ማዒ ሳይይዳ ፔቱሞና ዓይጎ ባኣዚያ ሺኢቁቶ ጫሪንጫ ዓኣ ታ ዒዳሂ ዒንሂም ከንሣንዳኔ። 20 ዓይጎሮ ገዔቶ ላምዎ ሃሣ ሃይሣ ማዒ ታ ሱንዎና ዒንሂ ቡኪንታ ቤዛ ቢያ ታ ዒንሂኮ ባኣካ ማዓንዳኔ» ገዔኔ።

ዓሲም ዓቶም ገይህ

21 ዩማና ጳጳሮሴ ዩሱሴ ባንሂ ሙካዎ፡- «ጎዳሂዮ! ኔና ጉሙርቃ፣ ፔቱ ታ ዒሻሂ ታኣም ዳቤቶ ዓኣፒኒ ማይንቲ ታ ዒዛም ዓቶም ጎዎንዶይ? ለንካይ ሄለንዳኣና ጎዎንዶም?» ገዒ ዎኦጩኔ።

22 ዩሱሴ ማሃዎ፡- «ለንካይታሚ ማይንቲ ለንካይ ሄለንዳኣና ማዓንዳኣፓዓቱም ለንካይ ማይንቲ ሌሊ ሩቶም» ገዔ ታ ኔና ጎዑቀሴ፤ 23 ዩያሮ ጫሪንጫ ካኣቱማ ፔኤኮ ማዳ ዓሶ ኮራ ዓኣ ሚኢሾ ዛጋኒ ኮዔ ካኣቲሰኬያ ማላኔ፤ 24 ዩይ ካኣታሂ ሚኢሾ ዛጎ ዓርቁ ዎድና ሺያ ዓሲ ፔቱ ሌዔ ማዳ ማዳም ዒንጎ ሚኢሾ ጉዴያ ባይዜ፣ ጋሌና ዓኣ፣ ዒዛኮ ማዳ ዓሲ ዓርቁንቲ ሙኬኔ። 25 ዩይ ማዳ ዓሂ ጋሎ ጨጋኒ ዳንዳዒባኣሂሮ ካኣታሂ ዒዛንታ ዒዛኮ ማቸንታ ናኣቶንታ ዓኣ ባካኣ ቢያ ሻንቸንቲም ጋላ ጨገንታንዳጉዲ ዓይሄኔ። 26 ማዳሂ ጋዓንቲ ካኣታሂኮ ቶካ ሎኦማዎ፡- ታ ጎዳሂዮ! ሃዳራ፣ ታ ኔኤም ጋሎ ቢያ ጨገንዳኔ፤ ዳካ ኬሊ ታኣም ማሌ» ገዒ ሺኢቁኔ። 27 ጎዳሂ ዒዛ ሚጨንታዎ ዒዛኮ ዓኣ ጋሎ ሃሽ፣ ማሂ ዳኬኔ።

28 «ጋዓንቲ ዩይ ዓሂ ዩካፓ ኬሰኪ ዓኣዳንቲ ጃኤታ ሹቹ ቢራ ዒዛይዳፓ ታልዔ፣ ዒዛና ዎላ ማዳ ዓሲሰኬያ ዳንቃዎ ፖኦሪንዳ ዓሂኮ ጨኡሊ ዓርቁ ኔ ታኣኮ ታልዔ ቢሮ ታኣም ጨጌ!» ገዔኔ።

29 ዩይ ዒዛኮ ለጋሂ ቶካ ዒዛኮ ሎኦማዎ <ሃዳራ፣ ታ ኔኤም ጋሎ ጨገንዳኔ፤ ዳካ ኬሊ ታኣም ማሌ» ገዒ ሺኢቁኔ፤ 30 ታልዔሂ ጋዓንቲ ዩያ ዋይዘ ዒፃዎ ጋሎ ጨገንዳያ ሄለንዳኣና ዔኪ ዓኣዲ

18:15 18:15 ሉቃ. 17:3። 18:16 18:16 ላሚ. ዎማ 19:15። 18:18 18:18 ማቴ. 16:19፤ ዮሃ. 20:23። 18:21 18:21 ሉቃ. 17:3-4። 18:22 18:22 ማገ። ማፃ 4:24።

ቱኦሲ ማርካ ቱከሴኔ። 31 ማሌ ዬያ ዓሠና ማዳ ላጎንሢ ዬያ ዛጌ ዎዶና ሚርጌና ያያ ዳንዲ ማዲንቴ ባኮ ቢያ ዔያቶኮ ካኣታሢም ከኤዘኔ። 32 ዔያቶኮ ካኣታሢ ዬያ ማዳ ዓሢ ዔኤሊሳየ፡- <ኔኤኒ ሃይ ፑርታሢ! ኔ ታና ሺኢቁሢሮ ኔኤኮ ዓኣ ጋሎ ቢያ ታ ኔኤም ሃሺኔ፤ 33 ዓካሪ ታኣኒ ኔኤኮ ጋሎ ኔኤም ሃሺሢጉዲ ኔኤኒ ኔ ላጋሢ ማዔ። ማዳሢም ጋሎ ሃሻንዲያ ኮይሱዋዓዳ? 34 ጋዓየ፡ ጎዳሢ ዒዛይዳ ጎሪንቴሰካፓ ቤርታ ሃሺ ጋሎ ቢያ ጨጋንዳኣና ቱከ ዒዛ ማታሳንዳጉዲ ቱካ ዓሶም ዓኣሢ ዒንጌኔ።

35 «ዓካሪ ዒንሢ ፔቴ ፔቴሢ ታና ጉሙርቃ፡ ዒንሢኮ ዒጊኖንሢም ዒናፓ ዓቶም ጌዒባኣቶ ጫሪንጮይዳ ዓኣ ታ ዓዳሢ ዒንሢም ዓቶም ጋዓዓኔ» ጌዔኔ።

19

ለኣሊ ዓንጂሢ ዛላ ያኦጨንቴ ያኦጨሢ (ማር. 10:1-12)

1 ዬሱሴ ዬያ ባኮ ከኤዘ. ጋፐሴሢኮ ጊንፃ ጌሊላ ዓጮ ሃሺ ዮርዳኖሴ ዎሮ ሱካ ዓኣ፡ ዪሁዳ ዓጮ ዳንዴ። 2 ዬማና ሚርጌ ዓሲ ዒዛ ጊንፃ ዓኣዳዛ ዔያቶይዳፓ ሃርጊንቴ ዓሶዎ ዒኢካ ዒ ፓሢ።

3 ፔርሴ ዓሳ ዒ ዎዚ ጋዓቴያ ዎይዛኒ ዒዛ ኮይላ ሙካዮ፡- «ማዔ ባኣዚ ቢያና ዓሲ ፔኤኮ ማቾ ዓንጅንዳጉዲ ዎጋ ዓይሢ?» ጌዒ ያኦጨኔ።

4 ዬሱሴ ማሃየ፡- «ያኦሲ ቤርታዲ ዓቲንቁና ለኣሊና ማሃ ዓሲ ማኸሢ ዒንሢ ናባቢባኣዓዳ? 5 ሃሢ <ዬያ ዛሎና ዓሲ ዓዶና ዒንዶና ሃሺ ማቾና ዎላ ፔቴ ማዓኔ፤ ለምዖንሢያ ፔቴ ዓሲ ማዓኔ> ያኦሲ ጌዔሢ ዒንሢ ናባቢባኣዓዳ? 6 ዬያሮ ዔያታ ፔቴከ፤ ለምዖቴዎሴ፤ ያኦሲ ዎላ ዎኣፃዘንሢ ዓሲ ቡሎፓ» ጌዔኔ።

7 ፔርሴ ዓሳ ጊንሢ፡- «ሂዴቶ ሙሴ ዓይጎሮ <ፔቴ ዓሲ ለኣሌሎ ዓንጅያ ማዔሢ ዔርዘ፡ ማርካ ማዔ፡ ፻፳፫ንቴ ባኣዚ ዒንጊ ማቾ ዓንጅንጎ ጌዒ ዓይሢይ?» ጌዔኔ።

8 ዬሱሴ ማሃየ፡- «ሙሴ ዒንሢኮ ዒኖ ዶዲም ዛጊ ለኣሊ ዒንሢ ዓንጅንዳጉዲ ዓይሢንዳኣፓዓቴም ማኸንጎፓ ሳርቃዮ ዓኣ ዎጋ ያዲቴዎሴ፤

9 «ታ ዒንሢም ሃሢ ጋዓሢ ማቾ ፔኤኮ ማሌና ዒኢቲባኣንቴ ማቾ ዓንጂ ማሌ ለኣሊ ዔካሢ ቢያ ዘኣሰካ ኮኦማያ ማዓኔ» ጌዔኔ።

19:4 19:4 ማኸ. ማፃ 1:27፤ 5:2። 19:5 19:5 ማኸ. ማፃ 2:24። 19:7 19:7 ለሚ. ዎማ 24:1-4፤ ማቴ. 5:31። 19:9 19:9 ማቴ. 5:32፤ 1ቆሮ. 7:10-11።

10 ዲዛኮ ጊንያ ሃንታዞንሢ ዬያ ዋይዛያ፡- «ዓኒና ማቾና ዛላ ባአዚ ያዲ ማዕቲ ዔኪቦኦቲ ሃሃ ሎዒቦኦቲ ቃራኬ» ጌዔኔ።

11 ዬሱሴ ጋዓንቴ፡- «የኦሲ ዲማ ዳንዳዒሢ ዒንጌ ዓሲዳፓ ዓታዛ ዬይ ባካ ያእማኣ ዳንዳዒንቴዋያኬ። 12 ጋዓንቴ ዓሲ ላአሊ ዔኩዋዎ ሃሃ ለውዋዎ ዓታሢ፡- ፔቴ ፔቴሢ ዓሸቴሚ ማዒ ሸይንታኔ፤ ዛላ ሃሃ ዓሲ ኩቹና ዓሸቴንቃኔ፤ ዓቴሢ ሃሃ ጫሪንጮ ካአቱዋ ማዶሮ <ሸዓዓ> ጌዒ ፔና ዓሸቴሚጉዲ ማሃኔ፤ ዬያ ታ ጌዔ ባኮ ዔካኒ ዳንዳዒሢ ያዲ ማዶንጎ» ጌዔኔ።

ዬሱሴኮ ናአቶ ዓንጂያ
(ማር. 10:13-16፤ ሉቃ. 18:15-17)

13 ዒማና ናአቶኮ ዑያይዳ ኩጮ ጌሢ ሸኢቃንዳጉዲ ዓሳ ዳኮ ናአቶ ዒዛ ባንሢ ዔኪ ሙካዛ ዒዛኮ ጊንያ ሃንታዞንሢ ጋዓንቴ ዓሶ ጎሬኔ። 14 ዬሱሴ፡- «ናአታ ታ ባንሢ ሙኩንጎ፤ ላአጊፖቴ፤ ጫሪንጮ ካአቱማ ዔያቶ ጉዴዘንሢሞኬ» ጋዓዎ፤ 15 ኩጮ ናአቶ ዑዓ ጌሢ ዓንጂሢኮ ጊንፃፓ ዬኖ ቤዛፓ ዔቂ ዓአዴኔ።

ፔቴ ያርጎቹ ዴጌሰኬያኮ ያኦጪሢ
(ማር. 10:17-31፤ ሉቃ. 18:18-30)

16 ዬካፓ ፔቴ ዓሲ ዬሱሴ ኮራ ሙካዎ፡- «ዔርዛሢሃዮ፣ ናንጊና ናንጊ ዴንቃኒ ዓይጎ ኮሺ ባአዚ ታ ማዶንዶይ?» ጌዒ ያኦጪጮ።

17 ዬሱሴ ማሃዎ፡- «ኮሺ ማዶ ዛላ ኔ ታና ዓይጋ ያኦጪይ? ኮሺ ማዓይ ፔቴ ያኦዛሢ ሌሊኬ፤ ናንጊና ናንጊ ኔ ዴንቃኒ ኮዔቲ ዓይሢያንሢ ኩንሢ» ጌዔኔ።

18 ዓሢያ፡- «ዋንሢ ዓይሢያንሢ?» ጌዔኔ።

ዬሱሴ ማሃዎ፡- «ዓሲ ዋዲፖ፣ ማቾ ሃሃ ዓኒ ማዒባኣያና ላሂፖ፣ ዉኡቂፖ፣ ሉኡዙሞና ማርካዲፖ፣ 19 ኔ ዓዶና ኔ ዒንዶና ቦንቹ፣ ዓሲ ኔናጉዲ ማሂ ናሽኬ ጋዓ ዓይሢያንሢኬ» ጌዔኔ።

20 ዴጌሢያ፡- «ዬንሢ ታ ቢያ ካፔያኬ፤ ሜሌ ዓቴ ባአዚ ዓይጌ ዓአይ?» ጌዔኔ።

21 ዬሱሴ ማሃዎ፡- «ፔቶ ኔ ያሎ ማዓኒ ኮዔቶ ኔኤኮ ዓአ ባኮ ቢያ ሻንቹ ሚኢሾ ማንቆ ዓሶሞ ዒንጌ፤ ጫሪንጮይዳ ቆሎ ኔ ዴንቃንዳኔ። ዓካሪ ዬካፓ ታ ጊንያ ሙኩ» ጌዔኔ።

22 ዴጌሢ ዬያ ዋይዛያ፡ ሚርጌ ቆሎ ዒዛኮ ዓአሢር ኮሺ ያዬ ያዬ ዴንዴኔ።

19:18 19:18 ኬሲ. ማፃ 20:13-16፤ ላሚ. ዋማ 5:17-20። 19:19 19:19 ኬሲ. ማፃ 20:12፤ ላሚ. ዋማ 5:16፤ ሉዊ. ዓኬ 19:18።

23 ዩካፓ ዩሱሴ ዒዛኮ ጊንፆ ሃንታ ናኣቶ ኮራ፡- «ጎኔ ታ ዒንሢሂም ጋዓኔ፤ ዖርጎቹም ያኦሲ ካኣቱሞይዳ ጌሊሢ ሚርጌ ማቶኬ፤ 24 ለሚ ታ ሃሣ ዒንሢሂም ጋዓኔ፡- ዖርጎቹ ያኦሲ ካኣቱሞይዳ ጌሊሢዳፓ ጋኣላ ናርፔ ያኣናና ጌላኒ ሸሌዔ ማዓንዳኔ» ጌዔኔ።

25 ዒዛኮ ጊንፆ ሃንታ ናኣታ ዩያ ሞይዜ ሞዶና ኮሺ ዲቃቲ ሄርሻዖ፡- «ዓካሪ ሄዳቲ ያኦኒ ዳቃኒ ዳንዳዓንዳይ?» ጌዒ ያኦጩኔ።

26 ዩማና ዩሱሴ ዔያቶ ባንሢ ዛጋዖ፡- «ዬይ ዓሲም ዳንዳዓንቱሞ ባኣዚኬ፤ ያኦሲም ጋዓንቲ ቢያ ባኣዚ ዳንዳዓንታያኬ» ጌዔኔ።

27 ጳዒርሴ፡- «ሃይሾ ቢያ ባኣዚ ኑ ሃሺ ኔ ጊንፆ ሃንታንቲሞ? ዓካሪ፡ ኑ ዳንቃንዳ ባካ ዓይጌንዳ ናንዳይ?» ጌዔኔ።

28 ዩሱሴ ማሃዖ፡- «ጎኔ ታ ዒንሢሂም ጋዓኔ፤ ሙካንዳ ዓኮ ዓጮይዳ ዓሲኮ ናዓሢ ቦንቹንቲ፤ ካኣቱሞ ያይቶይዳ ዳዔ ሞዶና ዒንሢሂያ ታ ጊንፆ ሃንታዘንሢ ታጾ ለምዖ ካኣቱሞ ያይቶይዳ ዳዔ፤ ታጾ ለምዖ ዒሰራዔኤሌ ፩ጾይዳ ሞጋንዳኔ። 29 ታ ሱንፆር ጌዒ፡- ፔ ማኣር፤ ፔ ጌርሲንሢ፤ ጌርንሢ፤ ዓዶ፤ ዒንዶ፤ * ናኣቶ ማዔቶሞ ጎዥ ሃሻሢ ቢያ ያኦታ ጳንጩ ማሂ ዔካንዳኔ፤ ሃሣ ናንጊና ናንጎሞ ዳንቃንዳኔ። 30 ጋዓንቲ ቤርታ ማዓ፤ ጎኦሶ ማላ ሚርጌ ዓሳ ጊንሢሂም፤ ጊንፆ ዓቲ ላቤያ ማላ ሚርጌ ዓሳ ቤርቲም ማዓንዳኔ» ጌዔኔ።

20

ዎይኖ ጎዥ ጎሽካ ዓሶ ኮኣኪንሃ

1 ዩካፓ ዩሱሴ፡- «ጩሪንጮ ካኣቱማ ፔኤኮ ዎይኖ ጎዥ ጎሽኪሳኒ ጎሽካ ዓሶ ኮዒ ጉቲ ዓሚ ኬሰኬ ዓሲ ማላኔ፤ 2 ዒዚ ፔቲ ፔቲ ዓሶም ፔቲ ፔኤሺኮ ፔቲ ኬሊ ማዳዛ ዒንጎ ማኢሾ ጨጋኒ ዓሶና ጌሰቲ ጊኢጊ ጎዥ ቤዘ ዓሶ ዳኬኔ» ጌዔኔ። 3 ዩሱሴ ኬኤዛዖ፡- «ዬይ ዓሢ ጉቲ ሶኣፓ ዎይኮ ቤርታ ቦኣኮ ቤዘ ኬሰኪ ማዶ ባይቄም ዔቂ ዓኣ ዓሲ ዳንቄ፤ 4 <ዒንሢሂ ታኣኮ ዎይኖ ጎዥይዳ ዳንዲ ማዲሞቲ፤ ታ ዒንሢሂም ኮይሳሢጉዲ ጨጋንዳኔ» ጋዓዛ፤ 5 ዒያታ ዓኣዳኔ። ሃሣ ዓባ ሳዛ ሄላኣና ጊንሣ ማሢ ደምቦልሳ ዎዳ ማዓኣና ኬሰኪ ማሌ ማዳንዳ ዓሲ ዳንቄኔ። 6 ዩካፓ ዓባ ዒባናኣና ኬሰኪ ማዶ ባይቄም ዔቂ ዓኣ ማሌ ዓሲ ዳንቄዖ፤ <ማዶ ባኣያ ሃይካ ዒንሢሂ ዓይጋ ዔቂ ፔኤቃይ?> ጌዒ ያኦጩዛ፤ 7 ዔያታ ማሃዖ <ኑና ማዲሻኒ ጋዓ ዓሲ

19:28 19:28 ማቴ. 25:31፤ ሉቃ. 22:30። * 19:29 19:29 ዒንዶ፡- ጋዓዘ ፔቲ ፔቲ ማፃኣፓ «ዒንዶ ሃሣ ማሻ» ጋዓኔ። 19:30 19:30 ማቴ. 20:16፤ ሉቃ. 13:30።

ባይቆህረኹ፣ ጌዔኔ፤ ዓሢ ዬያ ዋይዛዎ ሲንሢያ ዓኣዲ ታኣኮ ዋይኖ ጎዡይዳ ማዲዋቴ፣ ጌዔኔ።

8 «ዬካፓ ሳዓ ዓማዛ ጎዡ ዓዲህ ማዲ ዓሶኮ ሱኡጋሢም ጋፒንፃ ሙኬዘንህዲፓ ዓርቃዎ ቤርታ ሙኬ ዓሶ ሃላንዳኣና ማዲ ዓሶ ቢያ ዔኤሊ ዔያታ ማዲህ ዛሎ ዔያቶም ጨጌ፣ ጌዔኔ። 9 ዒማና ዓባ ዒባናኣና ማዲኒ ሙኬ ዓሶንህ ማኢሾ ጨጋህ ኮይላፓ ፔቴ ኬሊ ማዲም ዒንጎ ማኢሾ ዔኬኔ። 10 ቤርታ ማዲ ዓርቁዘንህ ዒማና ባሾ ኑም ጨጎንዳኔ ጌዒ ማሌኔ፤ ጋዓንቴ ዔያቶማኣ ፔቴ ኬሊ ማዲም ዒንጎ ማኢሾ ዒንጎንቴኔ። 11 ጨጎና ማኢሾ ዔያታ ዔካዎ ጉንዲሚህና ጎዡ ዓዲ ኮራ። 12 ሃንህ ዓባ ዒባናንቴ ማዲሮ ሙኬዘንህ ዲካ ሌሊ ማዲዛ ሮኦሪ ማዲና ላቢንቴ ዓባ ሩኡጳ ማታዲ ፔኤቄ ዓሶ፣ ኩኡና ዋላ ሄኮ ዋይቴ ኔ ዔያቶም ጨጋይ?» ጌዔኔ።

13 «ጎዡ ዓዴ ዬያ ማዲህ ኮራ ጋታ ዒሻህዮ፣ ታ ፑርታ ኔኤም ማዲባኣሲ፤ ፔቴ ኬሊ ማዲም ጨጎ ማኢሾም ማዲኒ ኔ ታኣና ዋላ ጌሰቲ ገኢገባኣዓዳ? 14 ሃኣዛጌ፤ ኔኤርማ ዔኪ ዓኣዴ፤ ኔኤም ታ ዒንጌህጉዴያ ጋፒንፃ ሙኬ ዓህማኣ ታ ዒንጋኒ ኮዓኔ። 15 ታኣኒ ታ ማኢሾና ኮዔ ባኣዚ ማዲኒ ዳንደዐ-ዋዓዳ? ገንህ ሃህ ሚጨንታያ ታ ማዔህሮ ኔና ቁኢሪሻ?»

16 «ዬያሮ ቤርታ ማዔ፣ ጎኡሶ ማላ ሚርጌ ዓሳ ገንህም፤ ገንፃ ዓቴ ላቤያ ማላ ሚርጌ ዓሳ ቤርቲም ማዓንዳኔ» ጌዔኔ።

**ዬሱሴ ዒዛ ሃላንዳ ማታህ ዛሎ ሃህ ኬኤዘህ
(ማር. 10:32-34፤ ሉቃ. 18:31-34)**

17 ዬሱሴ ዬሩሳሌም ዓኣዲያይዳ ዓኣዮ፡- ታጾ ላምዎ ዒዛኮ ገንፃ ሃንታዘንህ ሌሊ ዲማሲ፣ 18 «ሃኣዛጉዋቴ፣ ሃህ ኑ ዬሩሳሌም ዓኣዳኔ፤ ዓሲኮ ናዓህ ቁኤሶኮ ሱኡጎና ሙሴ ዔርዜ ዋጎ ዔርዛ ዓሶናም ዓኣህንቴ ዒንጎንቴም ዔያታ ዒዛ ሃይቃንዳጉዲ ጌዒ ጌሰቲ ዋጋንዳኔ፤ 19 ዔያታ ቦሃንዳጉዲና ዠራፓና ጳርቃንዳጉዲ ሃህ ሱፃንዳጉዲ ዓይሁዴ ማዒባኣ ዓሶም ዓኣህ ዒንጎንዳኔ፤ ዬካፓ ሃይቁ፣ ሃይባፓ ሃይህሳ ኬሎና ዒ ዔቃንዳኔ» ጌዔኔ።

**ዜብዲዮሴ ማቸኮ ፔ ናኣቶ ዛሎ ያኦጨያ
(ማር. 10:35-45)**

20:8 20:8 ላዊ. ዓኬ 19:13፤ ላሚ. ዋማ 24:15። 20:16 20:16 ማቴ. 19:30፤ ማር. 10:31፤ ሉቃ. 13:30።

20 ዩካፓ ዜብዲዮሴ ማቻ ፔ ናኦቶና ዋላ ዩሱሴ ኮይላ ሙኪ ዒዛም ጉምዓቲ ዚጋፆ ፔቴ ባኣዚ ዒዛም ማዲንታንዳጉዲ ሺኢቄኔ።

21 ዩሱሴ፡- «ዓይጌንዳ ኔ ኮዓይ?» ጌዔኔ።

ዒዛ፡- «ኔ ካኦቱም ቤዛ ሃንሢ ታኣኮ ላምዖ ናኦቶንሢ፡- ፔቴሢ ኔኤኮ ሚዛቃ፡ ፔቴሢ ኔኤኮ ሻውሎ ዛላ ኔኤና ዋላ ዋይሣያ ማዓንዳጉዲ ማሂ ዴይሢ!» ጌዔኔ።

22 ዩሱሴ ጋዓንቴ፤ «ዓይጎ ሺኢቆንደቲያ ዒንሢ ዔሩዋሴ፤ ታኣኒ ሃሢ ዑኩ ዔካንዳ ሜታሢ ዒንሢ ዔካኒ ዴንዳዓ? ሃሢ ታ ጌላንዳ ሜታሰካ ዒንሢ ጌላኒ ዳንዳዓንዳ?» ጋዓዛ፡ ዔያታኣ፡- «ሂዮ፤ ኑ ዳንዳዓንዳኔ» ጌዔኔ።

23 ዩካፓ ዩሱሴ፡- «ጎኔ ዒንሢ ታ ዔካንዳ ሜታሢ ዔካንዳኔ፤ ጋዓንቴ ታኣኮ ሚዛቆና ሻውሎናይዳ ዴዒ ታኣና ዋላ ዋይሣንዳጉዲ ማሃሢ ታናቱዋሴ፤ ዬይ ቤዛ ዒንጌንታሢ ታ ዓዴ ጌኢጊሼዘንሢ» ጌዔኔ።

24 ዬማና ዓቴ ታጳ ዒዛኮ ጌንዖ ሃንታዘንሢ ዬያ ዋይዜ ዋዶና ላምዖንሢ ዑፃ ጎሪንቴኔ። 25 ዩሱሴ ጋዓንቴ ቢያሢ ፔ ባንሢ ዔኤላዮ፡- «ዓይሁዴ ማዒባኣ ዓሶኮ ሱኡጎንሢ ዴሮ ዋይሣዘንሢ፤ ዬያጉዲ ዴሮ ሱኡጎንሢኮ ዴሮ ዑፃ ቢታንቶ ዓኣሢ ዒንሢ ዔራኔ።

26 ዒንሢ ባኣካ ጋዓንቴ ያዲ ማዓንዳያ ኮይሱዋሴ፤ ዒንሢዳፓ ባሼ ማዓኒ ኮዓሢ ዒንሢኮ ዴማ ማዳያ ማዖንጎ። 27 ዒንሢዳፓ ዑፃ ማዓኒ ኮዓሢ ዒንሢኮ ዴማ ዓይሌ ማዖንጎ። 28 ዓሲኮ ናዓሢ ዓሲ ዒዛም ማዳንዳጉዲቱዋንቴ፤ ዓሲም ማዳኒና ሼምፓሢ ፔኤሲ ሚርጌ ዓሶ ዛሎ ባይዛኒ ሙኬኔ» ጌዔኔ።

ዓኣፒ ባይቄ ላምዖ ዓሲሰኬንሢኮ ዓኣፖ ፖዒዖ (ማር. 10:46-52፤ ሉቃ. 18:35-43)

29 ዩሱሴና ዒዛኮ ጌንዖ ሃንታዘንሢ ዒያርኮይዳፓ ኬሰኪ ዓኣዳኣና ሚርጌ ዴሬ ዒዛና ዋላ ዓኣዳኔ። 30 ዒኢካ ላምዖ ዓኣፒ ባይቄ ዓሲ ጎይዖ ዓጫ ዴዒ ዓኣዮ፤ ዩሱሴ ዒኢና ዓኣዳሢ ዋይዚ፡- «ዳውቲ ናዓሢዮ፡ ጎዳ! ኑና ማኣዴ!» ጌዒ ጌዒ ዒላቴኔ።

31 ዴራ ዒማና ዚቲ ጋዓንዳጉዲ ዔያቶ ጎራዛ፡ ዔያታ ጋዓንቴ ኮሺ ዴጊዲ፡- «ዳውቲ ናዓሢዮ፡ ጎዳ፤ ኑና ማኣዴ!» ጌዔኔ።

32 ዒማና ዩሱሴ ዴንዲቤቃ ዔቃዖ፡ ዔያቶ ዔኤሊ፡- «ዓይጎ ታ ዒንሢም ማዳንዳጉዲ ዒንሢ ኮዓይ?» ጌዔኔ።

33 ዔያታ ማሃዮ፡- «ዓኣፓ ኑኡኮ ዛጋንዳጉዲ ኑ ኮዓኔ» ጌዔኔ።

20:26 20:26 ሉቃ. 22:25-26። 20:27 20:27 ማቲ. 23:11፤ ማር. 9:35፤ ሉቃ. 22:26።

34 ዩሱሴ ሴያቶ ሚጨንታዎ፣ ዓኣፖ ሴያቶኮ ፔ ኩጮና ካኣማዛ ቤዘማና ዛጊ ዒዛ ጊንዩ ሴያታ ዓኣጳኔ።

21

ዩሱሴኮ ጳኤፖ ቦንቸና ዩሩሳላሜ ጌሊዖ
(ማር. 11:1-11፤ ሉቃ. 19:28-40፤ ዮሃ. 12:12-19)

1 ዩሱሴና ዒዛኮ ጊንዩ ሃንታዘንሢና ዩሩሳላሜ ሄላኒ ዑካዎ፣ ዛይቶ ሪሚቶ ዲኮ ኮይላ ዓኣ ቤቴፓጌ ጌይንታ ጉርዶ ሄሌኔ። ዩካፓ ዩሱሴ ዒዛኮ ጊንዩ ሃንታዘንሢዳፓ ላምዖንሢ፡- 2 «ሃሮ ሴኮ ቤርታ ዓኣ ጉርዶሎ ዓኣዲቀቴ፤ ዒኢካ ዒንሢ ሄሄላዖ ፔቴ ቱኡቲ ዓኣ ሃሪ ናዖና ዎላ ዴንቃንዳኔ፤ ዩያር ዩማ ሃርማ ቡሊ ዔኪ ታኣም ዩዑቀቴ። 3 ዖኣኒያ ዒንሢ ኮራ ዔኤቢ ጌዔቶ ጎዳ ዔያቶ ኮዓኔ» ዒንሢ ጋዓዛ ቤዘማና ሴያታ ዳካንዳኔ» ጌዒ ዳከኔ።

4 ዩይ ያዲ ማዓኒ ዳንዳዔሢ ዖኣሲ ማሊዖ ከኤዛሢ ዛሎና፡-

5 «ሚዛጺ ዉዳሮ ናይ ማላ ዩሩሳላሜ ካታሚሎዎ

፡ሃይሾ ኔኤኮ ካኣታሢ ሚጨንታዎ ማዒ

ሃራሎ ሃሢ ሃራሎኮ ናዖ ቶጊ

ኔ ባንሢ ሙካኔ» ጎዑቀቴ» ጌይንቲሢ ኩማንዳጉዲከ።

6 ዩያር ዒዛኮ ጊንዩ ሃንታዘንሢ ዩሱሴ ዓይሢ ጎይዖ ማጳኔ።

7 ሃራሎቀ ናዖማና ዎላ ዔኪ ሙካዖ ፔኤኮ ዓፒሎ ሴያታ ሃርንሢ ዑፃ ጌሃዛ ዩሱሴ ቶጌኔ። 8 ዩማና ዴርይዳፓ ሚርጌሢ ዓፒሎ ፔኤኮ ጎይዖ ሂኢሃዛ፣ ዛላ ሃሢ ዎላሺ ሚንሢ ሚንሢ ጎይዖ ሂኢሃኔ።

9 ዒዛኮ ቤርታ ቤርታ ዓኣዲ ዓሶና ጊንዩ ሙካ ዓሳ፡- «ዳውቴ ናዓሢ ጋላታ ማዖንጎ! ጎዳ ሱንዖና ሙካሢ ዖኣሲ ዓንጅንጎ! ጋላታ ጫሪንጮይዳ ዖኣሲ ማዖንጎ» ጌዒ ጌዒ ዒላታኔ።

10 ዩሱሴ ዩሩሳላሜ ካታም ጌሌ ዎዶና ዓሳ ጉቤ፡- «ሃይ ዖናዳይ?» ጌይሢና ዎኦቶንዶ ጎይሢ ባይዘኔ።

11 ዒዛና ዎላ ሙካ ዓሳ፡- «ሃይ ጌሊላይዳ ዓኣ፣ ናዚሬቴ ካታሚሎይዳፓ ሙከያ፣ ዖኣሲ ማሊዖ ከኤዛ ዩሱሴከ» ጌዔኔ።

ዩሱሴ ጌኤዥ ማኣራ ማጳ ባኮ
(ማር. 11:15-19፤ ሉቃ. 19:45-48፤ ዮሃ. 2:13-22)

12 ዩካፓ ዩሱሴ ጌኤዥ ማኣራ ጌሊ፣ ጌኤዥ ማኣራ ጋርይዳ ሻንቻ ዓሶና ሻንቻ ዓሶና ዳውሲ ከሴኔ፤ ሃሢ ሚኢሾ ላኣማ ዓሶኮ ጳጌ ሎኦኮ ዖይቶና ዶኡሎ ሻንቻ ዓሶኮ ዴዖ ዖይቶዎ ሂዒ ዶይሳዖ፡- 13 «

«ማኣሪ ታኣኮ ሺኢጲሢ ማኣሪ ጌይንታንዳኔ» ጌይንቲ ፻፳፫ንቴኔ፤
ዒንሢ ጋዓንቴ «ውሲ ዓኣሺንታ ቤሰ» ማሄኔ። ጌዔኔ።

14 ዒማና ጌኤዢ ማኣሪ ዓኣፓ ባይቄ ዓሶንታ ዋሶ ዓሶንታ ዒዛ
ኮራ ሙካዛ ዒዚ ዔያቶ ፓሣኔ። 15 ጋዓንቴ ቄኤሶኮ ሱኡጎና ሙሴ
ዔርዜ ዋጎ ዔርዛዘንሢና ዩሱሴ ማዳ ያኦሲ ዋልቄና ማዳንታ ዓኮ
ባኮ ዛጌሢሮ ሃሣ «ዳውቴ ናዓሢም ጋላታ!» ጌዒ ጌዒ ዒላታ ናኣቶ
ዋይዜሢሮ ሚርጌና ጳጋዴኔ። 16 ዔያታ ዩሱሴ ኮራ፡- «ሃይ ናኣታ ጋዓ
ባኮ ኔ ዋይዙዋዓዳ» ጌዔኔ።

ዩሱሴ ማሃዖ፡- «ሂዮ፡ ታ ዋይዛኔ፤ ጌኤዢ ማፃኣፖይዳ ሩኮ
ናኣቶንታ ዳንቃ ናኣቶንታ ኔና ጋላታንዳጉዲ ኔ ማሄኔ» ጋዓሢ ዒንሢ
ፔቴታዖ ናባቢባኣዓዳ?» ጌዔኔ፤

17 ዩካፓ ዩሱሴ ዔያቶ ሃሺ ካታማፓ ኬሰካዖ፡ ቢታኒያ ጌይንታ
ጉርዶ ዴንዲ ዒኢካ ዋርቄኔ።

ዩሱሴ ጋዳንቄ ቤሌሴ ጌይንታ ሚጻሎ
(ማር. 11:12-14፤20-24)

18 ዚሮ ጉቴሎ ዩሱሴ ጉቴ ዓማ ሃንጋ ካታሞ ማዒ ሙኪቤቃ
ናይዲንቴኔ፤ 19 ዒማና ጎይዖ ዓጮይዳ ፔቴ ቤሌሴ * ሚሢ ዴንቃዖ
ዒዘ ባንሢ ዴንዲ፤ ዒላሺዳፓ ዓታዛ ፔቴታዖ ዓኣፒ ዴንቄባኣሢሮ፡-
«ሃይፓ ሴካ ዓኣፒ ዓኣፒፖ!» ጋዓዛ፡ ቤሌሶ ሚጻላ ዩካፓ ኔጉዋዖ
ሃይቄኔ።

20 ዒዛኮ ገንዖ ሃንታዘንሢ ማዔ ባኮ ዛጋዖ ዲቃቲ ሄርሺሢና፡-
«ቤሌሶ ሚጻላ ዋይቲ ዑኬና ሃይቃኒ ዳንዳዔይ?» ጌዔኔ።

21 ዩሱሴ ማሃዖ፡- «ጎኔ ታ ዒንሢም ጋዓኔ፤ ዒንሢኮ ጉሙርቂሢ
ዓኣቶ ሃሣ ለማዓንዳሞ ማዒንዲዋይ» ዒንሢ ጌይባኣቶ ቤሌሶ
ሚጻሎይዳ ማዔ ባኮ ማዳኒ ሌሊቱዋንቴ ሃያ ዲኮ ሃይካፓ ዔቂ ባዘ
ጌሌ» ዒንሢ ጌዔቴታዖ ማዓንዳኔ፤ 22 ዒንሢኮ ጉሙርቂሢ ዓኣቶ
ዒንሢ ሺኢቃ ባኮ ቢያ ዒንሢ ዴንቃንዳኔ» ጌዔኔ።

ዩሱሴኮ ቢታንቶ ዛሎ ዖኦጨንቴ ዖኦጨሢ
(ማር. 11:27-33፤ ሉቃ. 20:1-8)

23 ዩሱሴ ጌኤዢ ማኣሪ ጌሊ ዔርዚያይዳ ዓኣንቴ ቄኤሶኮ ሱኡጎና
ዴሮኮ ጨሞና ሙካዖ፡- «ሃያ ቢያ ኔ ማዳ ባኮ ማዳሢ ዓይጎ

21:13 21:13 ዒሲ. 56:7፤ ዔር. 7:11። 21:16 21:16 ዓይኑ. 8:2። * 21:19
21:19 ቤሌሴ ጌይንታ ሚጻላ፡ ቦኦቢ ማላያ ዓኣፖ ዓሲ ሙሙዓ ሚሢኬ። 21:21
21:21 ማቲ. 17:20፤ 1ቆር. 13:2።

ቢታገቶናዳይ? ሃያ ቢታገቶ ኔኤም ዒንጌሢያ ያናዳይ?» ጌዒ ዒዛ ያኦጩኔ።

24 ዩሱሴ ማሃዎ፡- «ታኣኒያ ፔቴ ባኣዚ ዒንሢያ ያኦጩንዳይ፤ ዩኖ ዒንሢያ ታኣም ማሃቶ ታኣኒ ሃያ ባኮ ዓይጎ ቢታገቶና ማዳቲ ዒንሢያም ኬኤዛንዳይ፤ 25 ማሰካ ዮሃንሴኮ ዋኣዎና ማሰኪያ ዓንካፓዳይ? ያኦሲዳፓም ዓሲዳፓዳይ?» ጌዔኔ።

ዩያሮ ዔያታ ዋላ ጌሰታዎ፡- «ያኦሲዳፓኬ» ኑ ጌዔቶ ሂዳዎ ዒንሢያ ዓይጎሮ ዒዛሲ ጉሙርቁባኣይ? ዒ ጋዓንዳይ፤ 26 «ዓሲዳፓኬ» ኑ ጌዔቶ ሃሃ ማሰካ ዮሃንሴ ዓሳ ያኦሲ ማሊሢ ኬኤዛ ዓሲ ማሂ ዘጋሢሮ ዴራ ኑና ዓጊቻኔ» ጌዔኔ።

27 ዩካፓ ዔያታ ዩሱሴም፡- «ኦኡኒ ዔሩዋሴ» ጌዒ ማሃዛ፡ ዒዚያ፡- «ታኣኒያ ሂዴቶ ዓይጎ ቢታገቶና ሃያ ቢያ ማዳቶ ዒንሢያም ኬኤዛዓኬ» ጌዔኔ።

ዓይሢንቲሢ ዛላ

28 ዩካፓ ዩሱሴ፡- «ሂንዳ ዒንሢያም ዓይጎ ማላቶዎ? ፔቴ ባኣዚ ታ ዒንሢያም ኬኤዛም፤ ፔቴ ዓሲኮ ላምዎ ናይ ዓኣኔ፤ ዔያቶይዳፓ ፔቴሢ ኮራ ዓዳሢ ሙካዎ ታ ናዓሢዮ! ሃኖ ጎዡ ዴንዲ ማዳ ማዳ» ጌዔኔ። 29 ናዓሢ «ዴንዳዓ፣ ዒፃኔ» ጌዔኔ፤ ያዲ ዒ ጌዔዎ ጊንፃፓ ዲቢንቲ ማዔሢ ዔሪ፡ ማዳ ማዳኒ ዴንዴኔ። 30 ሃሃ ዓዳሢ ባጎ ናዓሢ ኮራ ዴንዳዎ፡ ዒዚያ ዴንዲ ማዳንዳጉዲ ዓይሃዘ ናዓሢ «ዔኤዔ፣ ታ ዓኣዳንዳይ» ጌዔኔ፤ ጋዓንቲ ማዳኒ ዴንዲባኣሴ። 31 ዓካሪ ዩንሢ ላምዎ ናኣቶንሢዳፓ ዓደኮ ዓይሢያ ኩንሢሢ ምያዳይ?» ጋዓዛ፡ ዔያታ፡- «ቤርታኣ ናዓሢሽ!» ጌዔኔ።

ዩሱሴያ ማሃዎ፡- «ጎኔ ታ ዒንሢያም ጋዓኔ፤ ኮርም ዓሶፓ ሚኢሽ ቡኩሳ ዓሶና ዓኒ ሃሃ ማቾ ማዒባኣ ዓሶና ላሃ ዓሳ ያኦሲ ካኣቱምይዳ ዒንሢያ ቢሪ ጌላንዳይ፤ 32 ማሰካ ዮሃንሴ ጌኤሹም ጎይሢ ዒንሢያ ዳዋኒ ዒንሢያ ኮራ ሙካዛ ዒንሢያ ዒዛሲ ጉሙርቁ ዔኪባኣሴ፤ ሚኢሽ ቡኩሳ ዓሶና ዓኒ ሃሃ ማቾ ማዒባኣ ዓሶና ላሃ ዓሳ ጋዓንቲ ጉሙርቁ ዒዛሲ ዔኬኔ። ዒንሢያ ዩያ ዘጌሢኮ ጊንፃኣታዎ ጎም ዒንሢያኮ ቡኡዲ ጎናሲ ዒዛሲ ዔኪባኣሴ።»

**ዎይኖ ጎዡ ጎሽካ ዓሶ ኮኣኪንሃ
(ማር. 12:1-12፤ ሉቃ. 20:9-19)**

33 ሃሃ ዩሱሴ ሜሌ ማሊሢ ኮኣኪንሢያ፡- «ፔቴ ዎይኔ ጎሺ ዓኣ ዓሲ ጎዡኮ ቲኢያ ዲርቁ፡ ዎይኖ ጩኡጸንዶ ዔቴያ ላሌ ሹቹዳ ቦኣኪ ኮሽኔ፤ ሃሃ ካፒዎም ማዓ ሴኤላኣ ሴኤሊ፣ ዩካፓ ጎዡ ዒዛማኣ

ጎሽካንዳ ዓሲም ዒንጊ ሜሌ ዓጪ ዓአዴኔ። 34 ዋይና ካፃ ዋድና ዒዛ ሄላ ዛሎ ዓሶ ኮይላፓ ዔኪ ዬዓንዳጉዲ ዒዛኮ ማዳ ዓሶ ጎሽካ ዓሶ ኮራ ዒ ዳኬኔ። 35 ጎሽካ ዓሳ ጋዓንቴ ዓሢኮ ማዳ ዓሶ ዓርቃዎ ፔቴሢ ጳርቂ፣ ባጋሢ ዋዲ ሃሃ ዓቴሢያ ሹቻ ዱይ ዑሬኔ። 36 ዬይ፣ ጎዠኮ ዓዳሢ ለሚ ሃሃ ቤርታኦሲዳፓ ሚርጌ ዒዛኮ ማዳ ዓሲ ዳካዛ፣ ጎሽካ ዓሳ ሃሃ ቤርታ ማዴ ጎይዎ ማዴኔ። 37 ጋፒንያይዳ ጎዠኮ ዓዳሢ ታኦኮ ናዓሢ ዔያታ ቦንቹዋዎ ዓታዓ! ጋዓዎ፣ ናዓሢ ፔኤኮ ጎሽካ ዓሶ ኮራ ዳኬኔ። 38 ጎሽካ ዓሳ ጋዓንቴ ናዓሢ ዴንቁ ዋድና ላይ ዒዛ ዳካላሢኬ፤ ሃኒ ሙኩዋቴ ዒዛ ኑ ዋዲ ዒዛኮ ዓአ ባኮ ዳካሎም) ዋሊ ኮይላ ጋዓዎ፣ 39 ናዓሢ ዓርቂ ጎዠኮ ዙላ ዔኪ ዴንዲ ዋዴኔ።

40 «ዓካሪ ዬና ጎዠሎኮ ዓዳሢ ሙካዎ ዬንሢ ጎሽካ ዓሶንሢ ዋዳንዳያ ዒንሢም ማላይ?» ጌዔኔ።

41 ዔያታ ማሃዎ፡- «ዬንሢ ፑርቶ ዓሶንሢ ሚጪንቱዋዎ ዒ ዋዋዳንዳኔ፤ ዋይና ካፃ ዋድና ቢያ ዒዛም ዒንጋንዳ፣ ሜሌ ጎሽካ ዓሲም ጎዠ ዒንጋንዳኔ» ጌዔኔ።

42 ዬካፓ ዬሱሴ፡-

« ማኦር ማዠ ዓሳ ቦሢ ሃሽ ሹጫሢ
ማኦርኮ ሄላሢ ማዔኔ።

ዬይያ ያኦሲ ማዳኬ፤
ኑ ዛጋዛ ዓኪ ባአዚኬ»

ጌይንቲ ፃኦፒንቴሢ ዒንሢ ፔቴታዎ ናባቢባአዓዳ?

43 «ዬያር ታ ዒንሢም ሂዚ ጋዓኔ፤ ያኦሲ ካኦቱማ ዒንሢዳፓ ዔውቲ ዓኦፒ ዓኦፓ ዴሬም ዒንጊንታንዳኔ። [44 ዬያ ሹጫሢዳ ሎኦማሢ ሜቃንዳኔ፤ ሃሃ ዬይ ሹጫሢ ዒዛ ዑፃ ደዔ ዓሢያ ዳኦፂንታንዳኔ» ጌዔኔ።]†

45 ዒማና ቁኤሶኮ ሱኡጎና ፔርሴ ዓሶና ዬንሢ ኮኦኪንሦንሢ ዋይዜ ዋድና ዬሱሴ ዔያቶም ጫርጌሢ ዔሪ፣ 46 ዒዛ ዓርቂ ቱካኒ ኮዔኔ፤ ጋዓንቴ ዴራ ዬሱሴ ያኦሲ ማላሢ ኬኤዛያ ማሢ ዛጋሢር ዔያታ ዒጊጪ ሃሽኔ።

21:33 21:33 ዓ.ሲ. 5:1-2። 21:42 21:42 ዓይኑ. 118:22-23። † 21:44 21:44 ፔቴ ፔቴ ማፃኦፓ ፓይ. 44 ጊዳ ቃሳኔ፤ ዒኢካ ዓአ ማሊያ ሉቃ. 20:18 ጊዳ ዓአዞ ማላኔ።

22

ዔፖ ሙዖም ዔኤሊንቴ ዓሶ ኮኦኪንሦ (ሉቃ. 14:15-24)

1 ዩሱሴ ሃሣ ማሌ ኮኦኪንሣ ከኤዛዖ፡- 2 «ጫሪንጮ ካኣቱማ ናዓ ላኣሊ ዔካኣ ገዔም፤ ሙኤዚ ገኢጊሼ ካኣቲሰኤያ ማላኔ።
 3 ዩይ ካኣታሣ ዔኤሊንቴ ዓሶም ከኤዛንዳጉዲ ዒዛኮ ማዳ ዓሶ ዳከኔ፤ ጋዓንቴ ዓሶ ዒኢካ ሙካኒ ኮይባኣሴ። 4 ዩካፓ ካኣቲ ላሚ ሃሣ ማሌ ማዳ ዓሶ ዔኤሊንቴ ዓሶም፡- ለቡዋ ገማይንታ ሃሣ ማሌ ባይያ ታ ሹኪ ሙዖ ገኢጊሼኔ፤ ቢያ ባካ ገኢጊያ ማዔሣር ዔፖ ቤዘ፤ ታ ማኣሪ ሙኩዋቴ ጎዑዋቴ ገይ ዳከኔ። 5 ዔኤሊንቴ ዓሶ ጋዓንቴ ዔኤሊያ ቦሃ ዛላ ጎሺዳ፤ ዓቴ ዓሶ ሃሣ ኮርሞይዳ ዓኣዳኔ፤ 6 ሃንጎዋታ ሃሣ ኪኢቶና ሙኬ ዓሶንሣ ዓርቃዖ ጳርቁ ቦርሲሲ ሃሣ ሜታሲ ዋዲያ ዋዳኔ። 7 ዩያር ካኣታሣ ዳጋዳዖ ፔኤኮ ፖኦሊሶ ዳኪ ዩንሣ ኪኢቶ ዓሶንሣ ዋዳዘንሣ ዋዲ ባይዚ ካታሞዋ ዔያቶኮ ታሚና ሚቹኔ። 8 ዩካፓ ካኣቲ ማዳ ዓሶም፡- ለዔፖ ሙዓ ገኢጊንቴኔ፤ ዔኤሊንቴ ዓሶ ጋዓንቴ ኮይሱዋ ዓሶ ማዒ ጳዳሣር፤ 9 ጎይዖ ከሰኪጋፓ ዳንቁ ዓሶ ቢያ ዔፖ ሙዖ ቤዘ ዔኤሊዋቴ ጋዓዛ፤ 10 ማዳ ዓሶ ጎይዖ ከሰኪ ዳንቁ ዓሶ ኮፑንታ ፑርቶንታ ቢያሣ ቡኩሲ ዔፖ ማኣር ሾኦጮና ኩንሣኔ።

11 «ዩካፓ ካኣቲ ዔኤሊንቴ ሾኦጮ ዛጋኒ ገሌ ዋደና ፔቴ ዔፒ ማኣዖ ማይንቴባኣ ዓሶ ዳንቃዖ፤ 12 ታ ቤኤሊ! ዔፒ ማኣዖ ኔ ማይንቴዋዖ ሃይካ ገላኒ ዋይቲ ዳንዳዔይ?» ጋዓዛ፤ ዓሣ ጋዓንቴ ዘቲኖ ገዔኔ፤ 13 ካኣቲ ማዳዘንሣም ላያኮ ኩጮና ቶኮና ቱኪ፤ ከሲ ካርይዳ ዲሞ ቤዛ ከኤራዋቴ፤ ዒኢካ ዒ ዩኤኪ፤ ሜታዲ ዓቲ ዳዓንዳኔ።»

14 «ሚርጌ ዓሶ ዔኤሊንቴኔ፤ ደኦሪንቴ ዓሶ ጋዓንቴ ዳካከ» ገዔኔ።

ገኢራ ጨገሣ ዛላ ዖኦጪንቴ ዖኦጪሣ (ማር. 12:13-17፤ ሉቃ. 20:20-26)

15 ዩካፓ ፔርሴ ዓሶ ከሰኪ ዳንዲ፤ ዩሱሴ ገሰታ ገኤዘና ዋዲ ዔያታ ፒሪ ዓርቃንዳቲያ ዋላ ዘርታዖ፤ 16 ዔያቶኮ ገንዖ ሃንታ ናኣቶና ሄርዲሴ ዛላፓ ማዔ ዓሶና ዩሱሴ ባንሣ ዳከ፡- «ዔርዛሣየ! ኔኤኒ ጎኔ ዓሶ ሃሣ ዖኦሲ ጎይዖዋ ጎኦሞና ዔርዛሣ ዩያጉዲ ሃሣ ዖናኣ ኔ ዲማሱዋዖ፤ ቢያሣ ሄኮ ኔ ዛጋሣ ኦ ዔራኔ፤ 17 ኦም ሂንዳ ከኤዘ፤

22:13 22:13 ማቴ. 8:12፤ 25:30፤ ሉቃ. 13:28።

ዓይኅ ኔኤም ማለይ? ርሜ ዓጮ ካኣተም ገኢራ ጨሳንደሞ ሃሽንደይ?» ጌዔኔ።

18 ዩማና ዩሱሴ ዔያቶኮ ጌኖ ማሊያ ዔራዎ፡- «ዒንሢ ሂሎቱዋዎ ፔና ሂሎኬ ጋዓ ዓሳ! ዓይኅሮ ጌኤሲና ታና ዒንሢ ፒራኒ ኮዓይ?

19 ገኢሮ ጨሳ ሚኢሾ ሂንዳ ታና ጳውዋቱ» ጋዓዛ፡ ዔያታ ፔቲ ሹቸ ቢራ ዒዛም ዔኪ ሙከኔ። 20 ዩማና ዒዚ፡- «ሃኖ ሚኢሹሎይዳ ዓኣ ዓውካሮና ፃኣፒንቴ ሱንዖና ዖኦሮዳይ?» ጌዔኔ።

21 ዔያታ፡- «ርሜ ዓጮ ካኣተሲኬ» ጌዔኔ።

ዩካፓ ዒዚ ማሃዎ፡- «ሂዴቶ ርሜ ዓጮ ካኣተሲ ካኣተም፤ ዖኦሲሲ ዖኦሲም ዒንጉዋቱ» ጌዔኔ።

22 ዔያታ ዩያ ዋይዛዎ ዲቃቲ ሄርሺ፣ ዒዛ ሃሺ ዴንዴኔ።

ሃይቄ ዓሲኮ ዔቂሢ ዛላ

(ማር. 12:18-27፤ ሉቃ. 20:27-40)

23 ዩኖ ኬሎና፡- «ሃይቄ ዓሲ ዔቂዋሴ» ጋዓ ሶዶቄ ዓሳ ዩሱሴ ኮይላ ሙከሲ ሂዚ ጌዒ ዖኦጩኔ፡- 24 «ዔርዛሢዮ! ሙሴ ለፔቲ ዓሲ ላኣሊ ዔካዎ ሾውዋዎ ሃይቄቶ፣ ጌኤዚ ሃይቄሢ ማቾ ዔኪ ዒዛ

ጳካላ ናይ ሾዖንጎ ጌዔኔ። 25 ኑ ኮይሎይዳ ዋሊኮ ጌርሲንሢ ማዓ ላንካይ ዓሲ ዓኣኔ፤ ዩያቶኮ ቶይዳሢ ላኣሊ ዔካዎ ሾውዋዎ ሃይቄም ሄሌ ጌኤዛሢ ማቾ ዒዛኮ ዔኬኔ፤ 26 ዩይ ዔኬሢ ቶይዳም ናይ ሾውዋዎ ሃይቄኔ፤ ዩያይዴ ጎይሢ ላኣሌላ ላንካሳሢም ሄላዛ ዒዚያ ሾውዋዎ ሃይቄኔ። 27 ዩካፓ ጋፒንዖይዳ ላኣሌላ ሃይቄኔ። 28 ዓካሪ ቢያሢ ዒዛ ዔኬሢሮ ጋፒንዖና ሃይባፓ ዓሳ ዔቃኣና ዩና ዋያኮ ማቾ ማዓንዳይ?» ጌዔኔ።

29 ዩሱሴ ማሃዎ፡- «ዒንሢ ጌኤኩ ማፃኣፖና ዖኦሲኮ ዋልቆና ዔራዋኣሢሮ ጳቢንታኔ፤ 30 ሃይቢዳፓ ዓሲ ዔቂሢኮ ገንፃ ጩሪንጩይዳ ዓኣ ዖኦሲ ከኢታንቾጉዲ ማዓኔ፤ ዔኩዋሴ ሃሃ ሎቡዋሴ። 31 ሃይቢዳፓ ዔቃ ዓሶ ዛሎ ዖኦሲ ዒንሢም ኬኤዜሢ ዒንሢ ናባቢባኣዓዳ? 32 ዒዚ ታኣኒ ዓብራሃሜ ዖኦሲ፣ ዩሳኣቄ ዖኦሲ ሃሃ ያይቆኦኬ ዖኦሲኬ ጌዔኔ፤ ዩያሮ ዖኦሲ ሹምፖና ናንጋ ዓሶ ዖኦሲ፤ ሃይቄቶዋ ናንገና ናንጋ ዓሶ ዖኦሲኬ» ጌዔኔ። 33 ዴራ ዩያ ዋይዛዎ ዒዛኮ ዔርዚያና ዲቃቲ ሄርሺኔ።

ቢያፓ ባሼ ማዔ ዓይሢዖ

(ማር. 12:28-34፤ ሉቃ. 10:25-28)

34 ዩሱስ ሰዶቄ ዓሶ ጎጆንዶ ጎይሢ ባይዚሴሢሢ ዋይዛጎጎ ፔርሴ ዓሳ ፔቴይዳ ሙኪ ቡኩኔ፤ 35 ዔያቶይዳጎ ፔቴ ሙሴ ዋጎ ዔርዛሰኩይ ዩሱስ ዋዚ ጋዓቴያ ዋይዛኒ፡- 36 «ዔርዛሢሢ! ቢያጎ ባሼ ዓይሢዳላ ዋኖዳይ?» ጌዒ ጎኑጩኔ፤

37 ዩሱስ ዒማና፡- « ጎኑሴ ኔኤኮ ጎዳ ጉቤ ዒናጎ፣ ጉቤ ሸምጎጎ፣ ጉቤ ማሊጎጎ ናሽኩ» 38 ቢያጎ ባሼ ማዔ ቤርታኣ ዓይሢዳ ዩኖኩ። 39 ሃሣ ዩኖ ማላ ላምዓሳ ዓይሢዳ ሩሲ ቢያ ዓዳ ኔና ማሢ ናሽኩ» ጋዓኔ፤ 40 ሙሴ ዔርዛ ዋጎና ጎኑሴ ማሊያ ከኤዛዘንሢኮ ዔርዛዳ ዩንሢ ዓይሢዳ ጋራ ዓኣያኩ» ጌይ ማሄኔ።

ማሴሢ ዛሎ ጎኑጩንቴ ጎኑጩሢ
(ማር. 12:35-37፤ ሉቃ. 20:41-44)

41 ፔርሴ ዓሳ ቡኩንጎጎ ዓኣንጎቴ ዩሱስ ዔያቶ ሢዚ ጌዒ ጎኑጩኔ፤ 42 «ማሴሢ ዛሎ ዒንሢ ዋዚ ጋዓይ? ዒ ጎ ናይ ዒንሢም ማላይ?» ጋዓዛ፣ ዔያታ ማሃጎ፡- «ዒ ዳውቴ ናይኩ» ጌዔኔ።

43 ዩሱስ ዔያቶም፡- «ሢዳቶ ዳውቴ ዓያና ጌኤሺ ዒዛ ማሊሴም፣ ታኣኮ ጎዳ» ጌዒ ዋይጎጎ ዒዛ ዔኤሌይ?

44 ዳውቴ ናንጊና ናንጋ ጎዳ ታ ጎዳሢም፡
ኔኤኮ ሞርኮ ታ ኔና ባሺጎንዳያ ሄላንዳኣና
ታኣኮ ሚዛቆ ዛላ ዳዔ» ጌዔኔ።

45 ዩያሮ ዳውቴ ታ ጎዳሢ» ጌዒ ዒዛ ዔኤሌቶ ዋይጎጎ ዳውቴኮ ናይ ማዓኒ ዒ ዳንዳዓይ?» ዩሱስ ጋዓዛ፣ 46 ዒማና ፔቴታጎ ዔኤቢ ማሢ ከኤዛኒ ዳንዳዔ ዓሲ ባኣሴ። ዩኖ ከሎይዳጎ ዓርቃጎ ጫርቂ ዒዛ ዔኤቢ ጎኑጩ ዓሲያ ባኣሴ።

23

ዩሱስ ሙሴ ዔርዛ ዋጎ ዔርዛ ዓሶና ፔርሴ ዓሶና ቦሢ ጌሰቴ ጌኤዘ

(ማር. 12:38-40፤ ሉቃ. 11:39-51፤ 20:45-47)

1 ዩካጎ ዩሱስ ዳሮና ዒዛኮ ጊንጎ ሃንታዘንሢናም፡- 2 «ሙሴ ዔርዛ ዋጎ ዔርዛ ዓሶና ፔርሴ ዓሶናኮ ሙሴጉዲ ዋጎ ዔርዛኒ ቢታንቶ ዓኣኔ፤ 3 ዩያሮ ዒንሢም ዔያታ ጋዓ ባኮ ማዲዋቴ፣ ሃሣ ካጉዋቴ፤ ጋዓንጎቴ ዔያታ ጋዓሢጉዲ ፔኤሮ ማዲዋኣሢሮ ዔያቶጉዲ ማዲፖቴ። 4 ዔያታ ማርጌ ዳኤሢ ሃሣ ሜታሳ ከዲ ዓሲ ከዲሳኔ፤ ዔያታ ፔኤሮ ጋዓንጎቴ ኩቻ ካኣማኒያ ኮዑዋሴ።

22:35 22:35 ሉቃ. 10:25-28። 22:37 22:37 ለሚ. ዋማ 6:5። 22:39 22:39 ሉቁ. ዓኩ 19:18። 22:44 22:44 ዓይኔ. 110:1።

5 ዔያታ ማዳ ማዳ ቢያ ዓሲ ዛጎም ጌዒኬ፤ ዩያሮ ካኣዡ ዛሎ ባኮ ፻፳፫ ቶኣካ ሃሃ ቃሳ ቱኮ ዓፒሎዋ ዔያታ ኮሺ ዳልገሻኔ፤ ሃሃ ዓፒሎኮ ማጫሮዋ ያደሳኔ፤ 6 ሙያ ቤዘይዳ ቦንቸንታ ቤሲ፣ ዓሳ ቡኪንታ ቤዘይዳኣ ቤርቶ ዛላ ዳዓኒ ኮሳኔ። 7 ዩያጉዲ ሃሃ ቦኣኮ ባኣኮይዳ ኮሺ ዔኤሊሢ ዔኤሊንታኒና <ዔርዛሢ> ጌይንቲ ዔኤሊንታኒያ ኮዔኔ። 8 ዒንሢ ጋዓንቲ ሂርሺንቲሮ <ዔርዛሢ> ጌይንቲ ዔኤሊንቲፖቲ፤ ዒንሢኮ ዔርዛሢ ፔቲ ሌሊ ማዓዛ ዒንሢ ቢያሢ ዋሊኮ ጌርሲንሢኬ። 9 ጫሪንጮይዳ ዒንሢኮ ፔቲ ዓዴ ሌሊ ዓኣሢሮ ሳያይዳ ያና ማዔቶዋ ያኣሲፓ ባሽ ማሂ <ዓዴ> ጌይ ዔኤሊፖቲ። 10 ዒንሢኮ ባሽ ዔራሢያ ኪሪሰቶሴ ሌሊ ማዔሢሮ <ባሽ ዔራሢ> ጌዒ ዔኤሊንቲፖቲ። 11 ዒንሢ ባኣካ ቢያፓ ዑሣ ዓኣዳ፣ ሱኡጌ ማዔሢ ዒንሢኮ ዴማ ማዒ ማዳያ ማገንጎ። 12 ፔና ደገዳሢ ዳውሲንታንዳኔ፤ ፔና ሂርኪዳሢ ጋዓንቲ ዴግ ጋዓንዳኔ» ጌዔኔ።

13 ሃሃ ዩሱሴ፡- «ዒንሢ፣ ዲሎቱዋጥ ፔና <ዲሎኬ> ጋዓ ሙሴ ዔርዜ ዋጎ ዔርዛ ዓሶና ፔርሴ ዓሳ! ዓሳ ጫሪንጮ ካኣቱዋይዳ ጌሉዋጉዲ ዓሶኮ ካሮ ዒንሢ ዋዳሢሮ ዒንሢና ባዴዔ! ዒንሢ ዒንሢሮ ጌሉዋሴ፤ ሃሃ ጌላኒ ኮዓ ዓሶዋ ዒንሢ ጌልዙዋሴ።

[14 «ዒንሢ ዲሎቱዋጥ ፔና <ዲሎኬ> ጋዓ፣ ሙሴ ዔርዜ ዋጎ ዔርዛ ዓሶና ፔርሴ ዓሳ ዒንሢ ባዴዔ! ዒንሢ ሃይቁ ላኣሎኮ ማኣሮ ዒንሢ ቡራያታያ ዓሲ <ያኣሲ ሺኢቃኔ> ዒንሢ ጎገንጎ ጌዒ ያደሲ ሺኢዲሢ ዒንሢ ሺኢቃኔ፤ ዩያሮ ፑርታ ዋጌ ዒንሢዳ ዋጊንታንዳኔ።]*

15 «ዒንሢ ዲሎቱዋጥ ፔና ዲሎኬ ጋዓ፣ ሙሴ ዔርዜ ዋጎ ዔርዛ ዓሶና ፔርሴ ዓሳ! ፔቲ ዓሲ ዓይሁዴ ካኣዡ ካኣሽኪሳኒ ባዘ ዋኣያና ሳያናይዳ ዒንሢ ሃንቲ፣ ካኣዡኣ ጌልዜሢኮ ጊንፃ ዒንሢዳፓ ባሽና ፓፒንፆ ኬላ ፑርታና ዩይ ዋጊንታንዳጉዲ ዒንሢ ማሃሢሮ ዒንሢ ባዴዔቲ።

16 «ሃይ፣ ዒንሢ ዓኣፖ ባይቁ ዓርኖ ማዔ ዓሳ! ዒንሢና ባዴዔ! <ዓሲ ጌኤዡ ማኣሮ ዔኤሊ ጫኣቄቲ ዔኤቢባኣሴ፤ ጋዓንቲ ጌኤዡ ማኣሮኮ ዋርቆ ዔኤሊ ጫኣቄቲ ቶላ ካራ ባኣሴ> ዒንሢ ጋዓኔ፤ 17 ዒንሢ ዔኤያ ሃሃ ዓኣፖ ባይቁ፣ ዓርኖ ማዔ ዓሳ! ዋርቆና ዋርቆ ያኣሲም ዲማዴያ ማዓንዳጉዲ ማሃ ጌኤዡ ማኣሮናይዳፓ ዋና ባሽዳይ? 18 ዩያጉዲ ሃሃ <ዓሲ ያኣሲም ሚቺ ዒንጊ ካኣሽኮ

23:5 23:5 ማቴ. 6:1፤ ፓይ. ማፃ 15:38፤ ላሚ. ዋማ 6:8። 23:11 23:11 ማቴ. 20:26-27፤ ማር. 9:35፤ 10:43-44፤ ሉቃ. 22:26። 23:12 23:12 ሉቃ. 14:11፤ 18:14። * 23:14 23:14 ፔቲ ፔቲ ማፃኣፓ ፓይ. 14 ጌዳ ቃሳኔ፤ ቃኣሌላ ማር. 12:40 ጌዳ ዓኣዘ ማላኔ።

ቤዘ ዔኤሌ ጩኣቄቴ ዔኤቢባኣሴ፤ ጋዓንቴ ጾኦሲም ሚቺ ዒንጎ ቤዘይዳ ዓኣ ዒንጎና ባኮ ዔኤሌ ጩኣቄቶ ቶላ ካራ ባኣሴ፤ ዒንህ ጋዓኔ። 19 ሃይ ዒንህ ዓኣፖ ባይቄ ዓሳ! ጾኦሲም ዒንጎ ባኮና ዒንጎ ባኮ ዲማጴያ ማሃ ሚቺ ዒንጎ ቤዘናይዳፓ ዋና ባሼዳይ? 20 ዬያሮ ጾኦሲም ዒንጎ ባኮ ዒንጎ ቤዘ ዔኤሌ ጩኣቃህ ዒንጎ ቤዘና ዒዞ ዑፃ ዓኣ ዒንገንቴ ባኮ ቢያህ ዔኤሌ ጩኣቃኔ። 21 ጌኤዢ ማኣሮ ዔኤሌ ጩኣቃህ ጌኤዢ ማኣሮና ጋሮይዳ ናጎጎ ጾኦዛህና ዔኤሌ ጩኣቃኔ። 22 ጩሪንጮ ዔኤሌ ጩኣቃህ ጾኦሲ ዴዔ፥ ካኣቱዋ ጾቶንጎ ዒኣካ ዴዔህንጎ ዋላ ዔኤሌ ጩኣቃኔ።

23 «ዒንህ ሂሎቱዋ ፔና ሂሎኬ ጋዓ፥ ሙሴ ዋጎ ዔርዘ ዓሶና ፔርሴ ዓሳ፥ ዒንህ ባዴዔቴ! ደኮ ዲማ ዲማ ሳዉቃ ጴኤሾይዳፓ ቢያ ታጸይዳፓ ፔቴማ ዒንጎ ዋጎና ዒንህ ዒንጎ፤ ጋዓንቴ ዓይህንቴ ዋጎ ገዳ ዓኣ ጴኤፖ ባኮ ዒንህ ሃሻኔ፤ ዬይ፡- ፒዜ ዋገህ፥ ደሴህም ዓቶም ጌይህና ጉሙርቁንቴህናኬ፤ ዬያቶ ዒንህ ቦሃኔ። ዬንህ ደኮ ባኮንህ ዒንህ ሃሺባኣፃ ዬያ ባኮዋ ዒንህ ማደንዳያ ኮይሳኔ።

24 ዒንህ ዓኣፖ ባይቄ፥ ዓርኖ ማዔ ዓሳ! ዑሽካ ባኮይዳፓ ዉኖጉዴ ደኮ ባኮ ዒንህ ኬሲ ኬኤራኔ፤ ጎኣላህጉዴ ጴኤፖ ባኮ ጋዓንቴ ዒንህ ዔኤዲ ዔኤዳኔ።

25 «ዒንህ ሂሎቱዋ ፔና ሂሎኬ ጋዓ ሙሴ ዋጎ ዔርዘ ዓሶና ፔርሴ ዓሳ፥ ዒንህና ባዴዔ፤ ዋኣፃ ዑሽኮ ዓንድና ካሃ ሙፃ ዓንድኮ ዙሎ ዒንህ ማሰኪ ጌኤሻኔ፤ ጎራ ጋዓንቴ ቡሪህና ዲኡዲሞና ዒንህኮ ኩሜያኬ፤ 26 ሃይ ኔ ዓኣፖ ባይቄ ፔርሴ ዓህ! ቤርታዲ ዋኣፃ ዑሽኮ ዓንድና ካሃ ሙፃ ዓንድኮ ጋሮ ማሰኪ ጌኤሺ፤ ዬያይዴቶ ዓካሪ ዙሎ ዛላኣ ጌኤሺ ማዓንዳኔ።

27 «ዒንህ ሃይ ሂሎቱዋ ፔና ሂሎኬ ጋዓ፥ ሙሴ ዋጎ ዔርዘ ዓሶና ፔርሴ ዓሳ! ዙሎ ዛላ ቦኦሪንቶና ሜኤቺ ሚዛጲሶና ጎራ ጋዓንቴ ሃይቄ ዓሲ ሚጌህና ሌሲና ኩሜያ፥ ዲኡፒ ዒንህ ማላህሮ ዒንህና ባዴዔቴ! 28 ዒንህ ዙሎና ዓሶም ጌኤሺ ማላኔ፤ ጎራ ዒንህኮ ጋዓንቴ ሄርሺንቴና ፑርቱሞና ኩሜያኬ።

29 «ዒንህ ሂሎቱዋ ፔና ሂሎኬ ጋዓ፥ ሙሴ ዋጎ ዔርዘ ዓሶና ፔርሴ ዓሳ ዒንህና ባዴዔ፤ ጾኦሲ ማሊፃ ኬኤዛ ዓሶኮ ዲኡፖ ኬልቄ ኮሺ ኮሺ፥ ሃሃ ጌኤዢ ዓሶኮ ዲኡፖ ፓልሚሲ ኮሺ ኮሺ፥ 30 ኦ ዓደንህ ዋደናጎቴ፥ ጾኦሲ ማሊፃ ኬኤዛ ዓሶ ዋዲፃይዳ ኦ ጌላዓኬ» ዒንህ ጋዓኔ። 31 ሃይሾ ሃህ ዒንህ ጾኦሲ ማሊፃ ኬኤዛ

23:22 23:22 ዓ.ሲ. 66:1፤ ማቴ. 5:34። 23:23 23:23 ሌዊ. ዓኬ 27:30።
23:27 23:27 ዳኪ. ማዶ 23:3።

ዓሶ ዎ፩ ዓሶኮ ናኣቶ ማዒያ ዒንሢሮ ዒንሢ ማርካዳ። 32 ዬያሮ ዒደንሢ ዒንሢኮ ዓርቄ ዛኣሮ ዒንሢ ዑዑሩዎቲ! 33 ሃይ ዒንሢ ሸኣዞ፣ ሸኣዞኮ ናኣታ ዒንሢ ሃይ! ጋፒንያ ታሞ ዎጎይዳፓ ዎይቲ ዒንሢ ቶላንዳይ? 34 ዬያሮ ያኦሲ ማሊያ ኬኤዛ ዓሶ፣ ዔር ዓሶንታ ዎጎ ዔርዛ ዓሶ ዒንሢ ባንሢ ታ ዳካንዳ፤ ዔያቶይዳፓ ፔቲ ፔቲሢ ዒንሢ ዎዳንዳ፤ ሃሣ ፔቲ ፔቲዞንሢ ዒንሢ ሱፃንዳ፤ ዓቲዞንሢ ሃሣ ዒንሢኮ ቡኪንቶ ቤዘይዳ ዠራፓና ዒንሢ ጳርቃንዳ፤ ዔያቶ ዒዳ ፔቲ ካታማፓ ሜሌ ካታማ ዒንሢ ዳውሲ ዳካንዳ፤ 35 ዬያ ዛሎና ጌኤዞሢ ዓኣቤኤሌ ሃይቦይዳፓ ዓርቃ ዐኤዞ ማኣሮና ያኦሲም ዒንጎ ባኮ ሺኢሾ ቤዘናኮ ባኣካ ዒንሢ ዎ፩፣ ባራኪዮ ናኣዚ ዛካሪያሴ ሃይቦ ሄላንዳኣና ሳይይዳ ሃይቄ ጌኤዞ ዓሶኮ ሱጉያ ዛሎ ዒንገንታ ሜቶ ዒንሢ ዔካንዳ። 36 ጎኔ ታ ዒንሢም ጋዓ፤ ዬይ ሜታ ሃኖ ዎደ ዓሶ ሄላንዳ።» ጌዔ።

ዬሩሳላሜም ላቲ ኬኤዘና ባኮ
(ሉቃ. 13:34-35)

37 ዬካፓ ዬሱሴ፦ «ዬሩሳላሜ! ኔኤኒ ያኦሲ ማሊያ ኬኤዘዞንሢ ዎዳዜሌ፣ ሃሣ ኔ ባንሢ ያኦሲ ዳካ ኪኢቶ ዓሶ ሹጮና ዲዓዜሌ! ኮይዳ ፔኤኮ ጋኣዞ ዴማ ናኣቶ ቡኩሲ ዓርቃሢጉዲ ታኣኒ ኔ ናኣቶ ፔቲይዳ ቡኩሳኒ ሚርጌና ኮዔንቲ! ኔ ዬያ ዒፆ። 38 ዓካሪ ሃኣዛጉዎቲ፣ ያኦሲ ሃሺም ዒንሢኮ ጌኤዞ ማኣራ ባዓ ማዒ ዓታንዳ። 39 ታ ዒንሢም ጋዓ፦ ሳዳ ሱንያና ሙካሢ ዓንጂንቲያኮ» ዒንሢ ጋዓንዳያ ሄላንዳኣና ላሚ ዒንሢ ታና ዴንቃዓኮ» ጌዔ።

24

ጌኤዞ ማኣራ ደዓንዳሢ ዬሱሴ ኬኤዜሢ
(ማር. 13:1-2፤ ሉቃ. 21:5-6)

1 ዬሱሴ ጌኤዞ ማኣራፓ ኬሰኪ ዴንዳኣና ዒዛኮ ጊንያ ሃንታ ናኣታ ጌኤዞ ማኣራ ማዠንቲ ጎይያ ዳዋኒ ዒዛ ኮራ ሙኮ። 2 ዒዚ ጋዓንቲ፦ «ሃያ ዒንሢ ቢያ ዛጋ? ጎኔ ታ ዒንሢም ጋዓ፤ ሃይ ሹጮና ኬልቂንቲ ማዠንቲ ማኣራ ፔቲ ሹቺታ? ዓቲዎንቲ ደዓንዳ።» ጌዔ።

23:33 23:33 ማቴ. 3:7፤ 12:34፤ ሉቃ. 3:7። 23:35 23:35 ማቴ. ማፃ 4:8፤ 2ዎኦሲ. ዓሃኹ 24:20-21። 23:38 23:38 ዔ.ር. 22:5። 23:39 23:39 ዓይኹ. 118:26።

ዓጮኮ ጋፒንፃ ማዓንዳ ባኮ
(ማር. 13:3-13፤ ሉቃ. 21:5-6፤20-24)

3 ዩሱሴ ዛይቶ ሪሚቶ ዲኮይዳ ዴዒ ዓአንቴ ዒዛኮ ጊንፃ ሃንታዘንሢ ሌሊ ዒዛ ኮይላ ሙካዖ፡- «ሂንዳ ኑሞ ኬኤዜ፤ ኔ ሃይ ጋዓ ባካ ቢያ ዓይዲ ማዓንዳይ? ኔኤኮ ማዒ ሙኪዖና ዓጮኮ ጋፒዖናኮ ማላታ ማዓንዳ ባካ ዓይሳዳይ?» ጌዔኔ።

4 ዩሱሴ ማሃዖ፡- «የኦሊያ ዒንሢ ዳቢሹዋጉዲ ዒንሢና ዔሩዋቴ፤
5 ሚርጌሢ፡- ታኦኒ ማሰሃኔ!» ጌይሢና ታ ሱንፃ ዔኪ ሙከ፤ ሚርጌሢ ዳቢሻንዳኔ። 6 ዒንሢኮ ዑኬ ያለንታ ያልዚ ዒንሢ ዋይዘንዳኔ፤ ሃሣ ያልዚኮ ሃይሴያ ዒንሢ ዋይዘንዳኔ፤ ዬይ ቢያ ማዓኒ ኮይሳያታሢር ዲቃቲፖቴ፤ ጋፒንፃ ጋዓንቴ ሃጊከ። 7 ዴራ ዴር፡ ካኦታ ካኦቶ ያለንዳኔ፤ ዲማ ዲማ ዓጮይዳ ናይዚና ሳዓ ዓጊፃሢና ማዓንዳኔ። 8 ጋዓንቴ ዬይ ቢያ ሾይቺኮ ቤርታ ቆፃዖ ጉዴያከ።

9 «ዬኖ ዋዶና ማቶሞ ዓአሢ ዒንሢ ዒንጎንዳኔ፤ ዋዲያ ዋዶንዳኔ፤ ታ ሱንፃር ዓሲ ቢያና ዒፃንቴያ ዒንሢ ማዓንዳኔ። 10 ዬያር ሚርጌ ዓሳ ዳቢንታንዳኔ፤ ሃሣ ፔቴይ ባጋሢ ዓአሢ ዒንጋንዳኔ፤ ዋሊ ዒፃያ ዒፃንዳኔ። 11 ሚርጌ ሉኡቁ ያኦሲ ማለሢ ኬኤዛያ ማላ ዓሲ ዔቁ ሚርጌ ዓሶ ዳቢሻንዳኔ። 12 ፑርቱሞ ሚርጋንዳሢር ሚርጌ ዓሶኮ ናሹማ ባይቃንዳኔ፤ 13 ዴንዲ ጋፒንፃ ሃለንዳኦና ደዴሢ ጋዓንቴ ዳቃንዳኔ። 14 ዴር ቢያሞ ማርካ ማዓንዳጉዲ ሃይ ያኦሲ ካኦቱሞ ኮዥ ሃይሳ ዓጮ ቢያይዳ ኬኤዚንታንዳኔ፤ ዬካፓ ዓጮኮ ጋፒንፃ ሙካንዳኔ» ጌዔኔ።

15 ዬካፓ ዩሱሴ፡- «የኦሲ ማሊያ ኬኤዛ ዳኦኔኤሌ ኬኤዜ ጎይዖና ካኦዥ ዒኦሳ፤ ሻኦካ ባኦዚ ጌኤዥ ቤዘይዳ ማዲንታንቴ ዒንሢ ዘጋንዳኔ፤ ዬያ ናባባሢ ጸቂሦንጎ። 16 ዬኖ ዋዶና ዪሁዳይዳ ናንጋ ዓሳ ዲኮ ባንሢ ቤቱዋቴ፤ 17 ሹጮና ማዥና ማኦርኮ ዑያይዳ ዓኦ ዓሲ ኬኤፃፓ ዔኤቢ ዔካኒ ኬደፓ፤ 18 ጎዥ ቤዛ ዓአሢያ ዓፒሎ ፔኤኮ ዔካኒ ማኦሪ ዓኦደፖ። 19 ዬኖ ዋዶና ጎጶ ዒንዳሢና ዳንሢሣ ላኦሎናሞ ባዴዔ። 20 ዒንሢኮ ቤቲፃ ባርጊና ሃሣ ዓይሁደኮ ሃውሾ ኬሎና ማዑዋጉዲ ሺኢቁዋቴ። 21 ዬኖና ዓጮ ማዥንቴሢዳፓ ዬኖ ኬሎ ሃለንዳኦና ማዒ ቤቁባኦ ባኦዚ ሃሣ ዬካፓ ጊንፃይዳኦ ቤቃያባኦ ሚርጌ ዴኤፒ ሜታ ማዓንዳኔ። 22 ዬንሢ ኬሎንሢ

24:9 24:9 ማቴ. 10:22። 24:13 24:13 ማቴ. 10:22። 24:15 24:15 ዳኦኔ. 9:27፤ 11:31፤ 12:11። 24:17 24:17 ሉቃ. 17:31። 24:21 24:21 ዳኦኔ. 12:1፤ ፻ሃ. ዖፕዳ 7:14።

ቃሚቀባኢያ ማዕቶ ዓሲ ቢያ ዓቲንዲዋያታንቴኬ፤ ደኦሪንቴዘንሢ ማሪሮ ዩንሢ ኬሎንሢ ቃሚቃንዲ።

23 «ዩናና ያኦኒያ ሃይሾ፣ ማሲሄ ሃካ ዓኣኔ! ሃሃ «ዩካ ሶ ዓኣኔ!» ዲንሢሞ ጌዔቶ ጎኔኬ ጌይፖቴ። 24 ዓይጎር ጌዔቴ ኪሪሰቶሴቱዋዎ ፔና «ኪሪሰቶሴኬ» ጋዓ ዓሲና ሉኡዙሞና ያኦሲ ማሊሢ ኬኤዛያ ማላ ዓሲ ኬሰካንዲ፤ ዔያቶም ዳንዳዒንቴቶ ያኦሲም ታናኬ ጋዓ ዓሶ ዳሲሻኒ ዴኤፒ ዓኪ ባኣዚ ሃሃ ዲማ ዲማ ማላታኣ ማዲ ዳዋንዲ። 25 ዩያሮ ሃያ ቢያ ቤርታሲ ታ ዲንሢሞ ኬኤዛኣኬ፤

26 «ሃሃ ጊንሢ ሃኣዛጉዋቴ፣ ኪሪሰቶሴ ዓሲ ናንጉዋ ዳውሎይዳ ዓኣኔ!» ዲንሢሞ ጎዖናቴ ዒኢካ ዳንዲፖቴ፤ ሃይሾ፣ ዓኣሽንቴ ቤሰካ ዓኣኔ!» ዲንሢሞ ጎዖናቴያ ጎኔኬ ጌይፖቴ። 27 ዓይጎር ጌዔቶ ዘኤሊንሢ ጫሪንቺዳ ዘኤሊንሢዎ ዓባ ኬሰካ ካራፓ ዳንዲ ጌላ ካራ ጴዳሢጉዲ ዓሲ ናዓሢኮ ሙኪፃ ያዲ ማዓንዲ። 28 ዔኤቢ ሃይቄ ቤሰካ ቢያ ሃሞፑራ ቡኪንታኔ» ጌዔኔ።

ኪሪሰቶሴኮ ላምዓንሦ ሙኮ
(ማር. 13:24-27፤ ሉቃ. 21:25-28)

29 ሃሃ ዩሱሴ ኬኤዛዎ፡- «ዩንሢ ማታሢ ኬሎንሢኮ ጊንፃ ቤዘማና ዓባ ዲማንዲ፣ ዓጊናኣ ፖዓዓኬ፣ ዠኦጋሢያ ጫሪንጫፓ ዲኢናንዲ፣ ጫሪንጮ ማገኘንታ ቢያ ዓጊፃንዲ። 30 ዩና ዋደና ዓሲ ናዓሢኮ ማላታ ጫሪንጮይዳ ጴዳንዲ፤ ዓጮይዳ ዓኣ ዓሳ ቢያ ዩኤካንዲ፤ ዓሲኮ ናዓሢያ ጫሪንጮ ሻኣሮና ማዒ፣ ዳኤፒ ቦንቾና ሙካንቴ ዔያታ ዒዛ ዛጋንዲ። 31 ዒማና ዒዛኮ ኪኢታንቾ ዳኤፒ ዛዩና ዓጮኮ ቢያ ዛሎ ዒ ዳኬም ዔያታ ዳንዲ ዒዛም ደኦሪንቴዘንሢ ዓጫ ማዔ ካራፓ ቢያ ቡኩሳንዲ» ጌዔኔ።

ጎዳኮ ሙኪፃ ዳዋ ማላቶ
(ማር. 13:28-31፤ ሉቃ. 21:29-33)

32 ሄሊሳዎ ዩሱሴ፡- «ቤሌሶ ሚፃላ ማላታ ማዒ ዲንሢሞ ዔርዛያ ማዖንጎ፤ ዒዛኮ ካኣፓ ዲሊ፣ ዒላሺ ኬሳ ዋደና ያጎሢ ዑኬሢ ዲንሢ ዔራሬ፤ 33 ዩያጉዲ ዩያ ባኮ ቢያ ዲንሢ ዛጋ ዋደና ዒዛኮ ሙካ ኮሺ ዑኬሢ ዲንሢ ዔራሬንዲ። 34 ጎኔ ታ ዲንሢሞ ጋዓ፤ ዩይ ጉቤ ማዓንዲያ ሄላንዳኣና ሃይ ሾይንታ ዓኣዳዓኬ። 35 ጫሪንጮና ሳዖና ዓኣዳንዲ፤ ታኣኮ ቃኣላ ጋዓንቴ ፔቴታዎ ዓኣዳዓኬ» ጌዔኔ።

24:26 24:26 ሉቃ. 17:23-24። 24:28 24:28 ሉቃ. 17:37። 24:29 24:29 ዓሲ. 13:10፤ 34:4፤ ሢዚ. 32:7፤ ዓ.ጸ. 2:10፤ 31፤ 3:15፤ ዮሃ. ያፔ.ጳ 6:12-13። 24:30 24:30 ዳኣኔ. 7:13፤ ዛካ. 12:10-14፤ ዮሃ. ያፔ.ጳ 1:7።

ጎዳ ሙካ ኬሎ ያኑኒያ ዔሩቀያ ማዒያ
(ማር. 13:32-37፤ ሉቃ. 17:26-30፤34-36)

36 ዩሱሴ ሃሣ:- «ዬና ኬሎና ዋደና ጋዓንቴ ዓዶይዳፓ ዓታዛ ጫሪንጮ ከኢታንቸ ማዔቶዋ ናዓሢያ ዔሩቀሴ። 37 ዓዳ ኖሄ ዋደና ማዔሢጉዲ ዓሲ ናዓሢኮ ሙኪፃ ዒማዲ ማዓንዳኔ፤ 38 ዬና ዋደና ባይሲንቶ ዋኣፃኮ ቤርታ ኖሄ ዋኣፃ ካኣሚላ ጌላንዳ ኬሎ ሄላንዳኣና ዓሳ ሙዒያ ሙዒ ዑሽኪያ ዑሽኪ ሃሣ ሎዒያ ሎዒ ዔኪያ ዔኪ ጌዔኔ። 39 ባይሲንቶ ዋኣፃ ሙኪ ጉቤሢ ሙዒ ጋፒሳንዳያ ሄላንዳኣና ዔያታ ዔሪባኣሢጉዲ ዓሲ ናዓሢኮ ሙካ ያዲ ማዓንዳኔ። 40 ዬና ዋደና ላምዎ ዓሲ ጎሽዳ ዋላ ጎሽካያ ማዓንዳኔ፤ ፔቲሢ ዔውቴም ባጋሢ ዓታንዳኔ። 41 ላምዎ ላኣሊ ዋንሢ ዋላ ዋዳንዳኔ፤ ፔቲዛ ዔውቴም ባጌላ ዓታንዳኔ።

42 «ዓካሪ ዒንሢኪ ኅዳሢ ሙካ ኬሎ ዒንሢ ዔሩቀኣሢር ጴጪ ካፑዋቲ። 43 ኮሺ ዔሩቀቲ፤ ፔቲ ማኣሪኮ ዓዴ ዲሚና ዉሲ ዋማ ዋዴ ሙካንዳቲያ ዔራያ ማዔቶ ገንዑዋዎ ካፒ፣ ዉዘና ማኣር ቦኦኪሲንዲዋያታንቴ ዔሩቀ ዓቲፃና ዉዛ ማኣሪ ጌላሢጉዲ፣ 44 ዓሲኮ ናዓሢ ዒንሢ ማሊባኣ ዋዴና ሙካንዳሢር ገኢገንቴ ናንጉዋቲ» ጌዔኔ።

ጉሙርቂንታያና ጉሙርቂንቱዋ ማዒ ማዳዘንሢ ኮኣኪንሃ
(ሉቃ. 12:41-48)

45 ዩሱሴ ሃሣ ኬኤዘዎ:- «ፔኤኮ ማኣር ዓሶም ኮይሳ ዋደና ሙዎ ዒንጋንዳጉዲ ማኣር ዓዳሢ ፔኤኮ ማኣር ዓሶ ዑፃይዳ ሱኡጋሲ ጌሣ፣ ጉሙርቂንታያና ጨንጮ ማዔ ማዳሢ ያናዳይ? 46 ዬማይዲ ማዳንቴ ማኣር ዓዴ ሙኪ ዴንቄቶ፣ ዬይ ማዳሢ ጋላቲንታያኬ። 47 ጎኔ ታ ዒንሢም ጋዓኔ፤ ዬያ ማዳሢ ማኣር ዓዴ፣ ቢያ ባኮኮ ዑፃይዳ ሱኡጋሲ ጌሣንዳኔ። 48 ጋዓንቴ ዬይ ማዳሢ ፑርታ ማዒ፣ ፔ ዒናና ታ ጎዳሢ ኔገ ሙካንዳኔ» ጌዒ ማለዎ፣ 49 ዒዛና ዋላ ማዳ ዓሶ ጳዲ ሳርቄቶ ሃሣ ማሢንታ ዓሶና ዋላ ሙዒ ዑሽኪያ ማዔቲ፣ 50 ዬያ ማዳሢኮ ዓዳሢ ዒ ዔሪባኣ ዋዴና ኬሊናይዳ ሙኪ፣ 51 ዬያ ማዳሢ ቲቂ ቲቂ ኬኤራንዳኔ፤ ዒዛኮ ናንጎ ቤዞዋ ጌኤሽቱዋዎ ፔና ጌኤሽ ማሊሳ ዓሶና ዋላ ማሃንዳኔ፤ ዒኢካ ዩኤኪ ሃሣ ሜታዲ ዓቸ ዒ ዳዓንዳኔ።»

24:37 24:37 ማዢ. ማፃ 6:5-8። 24:39 24:39 ማዢ. ማፃ 7:6-24። 24:44 24:44 ሉቃ. 12:39-40።

25

ታጳ ወዲር ናኣቶንሢ ኮኦኪንሦ

1 ዩካፓ ዩሱሴ፡- «ዩኖ ዎዶና ጫሪንጮ ካኣቱማ ጌሊያ ጎይፃ ዑኡታ ጎይሣ ዔካኒ ፖሲ ዔካ፡ ኬሰኪ ካፔ ታጳ ወዲር ናይሰከንሢ ሃይሰጉዲ ማዓንዳ። 2 ዩንሢዳፓ ዶንጎ ወዲር ናኣቶንሢ ቦኣዛ፡ ዓቴ ዶንጎንሢ ጨንጫኬ፤ 3 ቦኣዛንሢ ፖፖ ፖሲሶሢ ዔካፃ፡ ጋዓንቴ ጋፓዛ ዋሃኒ ኮይላ ለምባሢ ዔካባኣሴ። 4 ጨንጫንሢ ጋዓንቴ ፖፖ ፖሲሶሢንታ ሃሣ ጋፓዛ ዋሆንዶ ለምባሢ ኮይላ ዓርቄ።።

5 ዑኡታሢ ኔጌም ቢያሢ ጊንዓ ባሽም ጊንዔ።።

6 «ዩካፓ ሳዓ ጊዲሚሺ ማዓዛ <ዑኡታሢ ሙኬ፤ ዔካኒ ኬሰከዋቴ!> ጋዓ ዔኡሊሢ ዋይዚንቴ።። 7 ዩማና ወዲር ናኣቶንሢ ቢያ ዔቃፃ፡ ፖሲሶ ባኮ ጊኢጊሺ፤ 8 ዲማና ቦኣዛንሢ ጨንጫንሢ ኮራ ኦ ፖዓ ሃይቃኒ ዎኦታሢ፡ ዲንሢኮ ለምባሰካፓ ኦም ዲንጉዋቴራ!> ጋዓዛ፡ 9 ጨንጫ ወዲር ናኣቶንሢ ማሃፃ ኦኡኮ ዓኣ ለምባሢ ኦኡና ዲንሢናም ጊዲንዲዋኣሢ፡ ዴንዲ ሻንቻ ዓሰይዳፓ ዲንሢ ሻሻንቁዋቴ ጌዔ።። 10 ዩማና ዔያታ ለምባሢ ሻንቃኒ ዴንዳዛ ዑኡታሢ ሙኬም ጊኢጊ ዓኣ ወዲር ናኣቶንሢ ዔፖ ሙፃ ቤዘ ዲዛና ዎላ ጌላዛ ካራ ዎዲንቴ።።

11 «ዓቴ ወዲር ናኣቶንሢ ሃሣ ዳካ ኔጊ ሙካፃ፡ ሳዳሢ! ካር ኦም ቡሉ» ጋዓዛ፡ 12 ዲዚ ማሃፃ ሳኔ ታ ዲንሢም ጋዓ፤ ታ ዲንሢ ዔሩዋሴ» ጌዔ።። ጌኤ።።

13 ዩካፓ ሃሣ ዩሱሴ፡- «ዩይ ማዓንዳ ዎዶና ኬሎና ዲንሢ ዔሩዋኣሢ ጊኢጊንቴ ካፑዋቴ» ጌዔ።።

ማዳ ማዳ ሃይሦ ዓሲ ኮኦኪንሢ (ሉቃ. 19:11-27)

14 ሃሣ ዩሱሴ፡- «ዎኦሲ ካኣቱማ ማዳ ዓሶ ዔኡሊ፡ ዓኣ ባኮ ሓጉዋቴ ጌይ ሜሌ ዓጨ ዓኣዳ ፔቴ ዓሲ ማላ፤ 15 ዲዚ ዓኣዳኒ ዔቃፃ ፔቴ ፔቴሢም ዶንዳዓሢጉዲ ፔቴሢም ዶንጎ ሺያ ሹቺ ቢራ፤ ባጋሢም ለምፃ ሺያ ሹቺ ቢራ፤ ዓቴሢም ሃሣ ፔቴ ሺያ ሹቺ ቢራ ዲንጊ ጎይፃ ዓኣዳ።። 16 ዶንጎ ሺያ ሹጮ ቢር ዔኬ ዓሢ ሚኢሾ ኮርሚ ጊዳ ዶንጎ ሺያ ሹቺ ቢራ ሸይዢ፤ 17 ዩያጉዲ ሃሣ ለምፃ ሺያ ዔኬ ዓሢ ጊዳ ለምፃ ሺያ ሸይዢ፤ 18 ዓቴ፡ ፔቴ ሺያ ሹጮ ቢር ዔኬሢ ጋዓንቴ ማኣር ዓዶኮ ሚኢሾ ዔካፃ ዔቴ ቦኣኪ ዲኡኬ።።

25:1 25:1 ሉቃ. 12:35። 25:12 25:12 ሉቃ. 13:25። 25:14 25:14 ሉቃ. 19:11-27።

19 «ሚርጌ ዎዴ ዴዓዖ፡ ዬንሢ ማዳ ዓሶንሢኮ ማእሮ ዓዳሢ ሙኪ፡ ማዳዞንሢም ዒንጌ ባኮ ዛጊሢ ዓርቄ፤ 20 ደንጎ ሺዮ ሹጮ ቢሮ ዔኬሢ ጊዳ ደንጎ ሺዮ ሹቺ ቢራ ቃሲ ዔኪ ሙኪ ዒንጋዖ፡ ሳዳሢዮ! ደንጎ ሺዮ ቢራ ታኣም ኔ ዓርቄ ጌዒ ዒንጌንቴ ሃኣዛጌ ሃሢ ደንጎ ሺዮ ሹቺ ቢራ ጊዳ ታ ሸይዜኔ» ጌዔ። 21 ማእሮ ዓዴያ ቃራ ኔ ማዳ፤ ኔኤኒ ኮዦ፡ ጉሙርቁንታ ማዳሢዮ! ዳካ ባኣዚዳ ኔ ጉሙርቁንቲያ ማዕሢሮ ሚርጌ ባኣዚ ኔ ዎይሣንዳጉዲ ታ ኔና ማሃንዳ፤ ሃኒ ሙኪ ታኣና ዎዛዴ» ጌዔ።

22 «ዬያጉዲ ሃሣ ላምዖ ሺዮ ሹጮ ቢሮ ዔኬ ማዳሢ ሙካዖ፡ ሳዳሢዮ! ላምዖ ሺዮ ሹቺ ቢራ ኔ ታኣም ዒንጌያታንቴ፡ ሃሢ ሃኣዛጌ ጊዳ ታ ላምዖ ሺዮ ሸይዜኔ» ጋዓዛ፡ 23 ማእሮ ዓዴያ ቃራ ኔ ማዳ፤ ኔኤኒ ኮዦ፡ ጉሙርቁንታ ማዳሢዮ! ኔ ዳካ ባኣዚና ጉሙርቁንቲያ ማዕሢሮ ሚርጌ ባኣዚ ኔ ዎይሣንዳጉዲ ታ ኔና ማሃንዳ፤ ሃኒ ሙኪ ታኣና ዎዛዴ» ጌዔ።

24 «ጋፒንፃ ፔቴ ሺዮ ሹጮ ቢሮ ዔኬ፡ ማዳሢ ሙካዖ ሳዳሢዮ! ኔኤኒ ዜርቁባኣ ቤሲዳፓ ጮኦራያ ሃሣ ዜርቁባኣዖ ታይዛያ ሜታሳ ዓሲ ኔ ማዕሢ ታ ዔራ፤ 25 ዬያሮ ታ ዒጊጨ ኔ ዒንጌ ሹጮ ቢሮ ዔኪ ዓኣዲ ሳዖይዳ ዱኡኪ ካፔሢሮ ሃሢ ሃኣዛጌ» ጌዔ።

26 «ማእሮ ዓዳሢ ማሃዖ ሃይ ኔ ፑርታ፡ ሃሣ ቤልፃ ማዕሢ ሃይ! ታ ዜርቁባኣዖ ጮኦራያና ሃሣ ዜርቁባኣዖ ታይዛሢ ኔ ዔራያ ማዕቶ፡ 27 ሚኢሾ ታኣኮ ኮርሚ ሸይዛ ዓሶም ሄኤዶ ኔ ዒንጌም፡ ታ ሸይቺና ዔካንዳያታንቴከ» ጋዓዖ፡ 28 «ዒዛይዳፓ ሚኢሾ ዔኪጋፓ ታጳ ሺዮ ዓንጎ ቢራ ዓኣሢም ዒንጉዎ። 29 ዓይጎሮ ጌዔቶ ዓኣ ዓሶም ጊዳ ቃሲንቴም ሚርጋንዳ፤ ባኣሢዳፓ ጋዓንቴ ዳካ ዓኣማታዖ ዓቱዎ ዔውታንዳ። 30 ሃያ ፓሠዎ ማዳሢ ጋዓንቴ ዙላ ዲማ ኬሲ ከኤሩዎቴ፤ ዒኢካ ዒ ዬኤኪ ሃሣ ሜታዲ ዓቺ ዳዓንዳ። » ጌዔ።

ዓጮኮ ጋፒንፃና ዎጊንታንዳ ዎጎ

31 ዬካፓ ዬሱሴ፡- «ዓሲኮ ናዓሢ ፔኤኮ ኪኢታንቾ ቢያሢና ዎላ ቦንቺንቲ ሙኪ፡ ቦንቾ ካኣቱም ዖይቶይዳ ዴዓንዳ፤ 32 ዴራ ቢያ ዬማና ዒዛ ቤርታ ቡኪንታንዳ፤ ዒዚያ ሄንቃ ዓሲ ማራቶ ዎኣሮይዳፓ ቁራሢጉዲ ዴሮ ቁሪ ዲማሳንዳ፤ 33 ዬካፓ ማራቶ ሚዛቆ ዛላ፡ ዎኣሮ ሻዉሎ ዛላ ዔቁሳንዳ። 34 ዬኖ ዎዶና ካኣታሢ ዒዛኮ ሚዛቆ ዛላ ዓኣዞንሢም፡- «ዒንሢ ታ ዓዴ ዓንጄ

25:29 25:29 ማቴ. 13:12፤ ማር. 4:25፤ ሉቃ. 8:18። 25:30 25:30 ማቴ. 8:12፤ 22:13፤ ሉቃ. 13:28። 25:31 25:31 ማቴ. 16:27፤ 19:28።

ዓሳ፣ ሃኒ ሙኩዋቱ፤ ሳዓ ማዢንቴሢዲፓ ዓርቃዎ ዒንሢሞ ገአጊ ካኣቱሞይዳ ጌሉዋቱ፤ 35 ዓይጎር ጌዔቶ ታኣኒ ናይዳም ታና ዒንሢሞ ሙኡዜኔ፣ ዴኤቢንቴም ታና ዒንሢሞ ዑሼኔ፤ ሃሣ ሸኦቹንሢሞ ታና ዒንሢሞ ዔከኔ፤ 36 ታ ካላዳም ታና ዒንሢሞ ማይሴኔ፣ ሃርጊንቴም ታና ዒንሢሞ ማይሢኔ፣ ቱኡቴማኣ ታና ዒንሢሞ ያኦጩኔ።»

37 «ጌኤዢንሢሞ ማሃዎ ሳዳሢሞ! ኔኤኒ ናይዲንቴም ኔና ኑ ዛጊ ዓይዳ ሙኡዜይ? ሃሣ ዴኤቢንቴም ዛጊ ዓይዳ ኔና ኑ ዑሼይ? 38 ጊንሣ ሸኦቹም ኔ ሙኡም ዓይዳ ዛጊ ኔና ኑ ሸኦቹንሢሞ? ካላዳማኣ ዓይዳ ዛጊ ኔና ኑ ማይሴይ? 39 ዬያጉዲ ሃሣ ሃርጊያ ሃርጊንቴ፣ ቱኡቴያ ኔ ቱኡቴም ዓይዲ ኔና ኑ ያኦጩይ?» ጌዔኔ። 40 ካኣታሢ ማሃዎ፡- ሳኔ ታ ዒንሢሞ ጋዓኔ፤ ሃንሢ፣ ታ ዓሶንሢሞ ዲፓ ፔቴ ላኣፓሢሞ ዒንሢሞ ማዳሢ ታኣም ዒንሢሞ ማዳሢጉዲኩ። ጋዓንዳኔ።»

41 «ዬካፓ ዒዛኮ ሻዉሎ ዛሎና ዓኣዘንሢሞ ሃሣ ሳንሢሞ ጋዳንቁንቴዘንሢሞ! ፩ላሄና ዒዛኮ ከኢታንቸናም ገአጊንቴ፣ ናንጊና ባይቁዋ ታሞይዳ ታ ኮራፓ ዓኣዲዋቱ፤ 42 ዓይጎር ጌዔቶ ናይዳም ታና ዒንሢሞ ሙኡዚባኣሴ፣ ዴኤቢም ታና ዒንሢሞ ዑሼባኣሴ፤ 43 ሸኦቹንቁ ታ ሙኡም ዒንሢሞ ታና ሸኦቹንሢሞባኣሴ፤ ካላዳማኣ ታና ዒንሢሞ ማይሴባኣሴ፤ ሃርጊያ ሃርጊ፣ ቱኡቴያ ታ ቱኡቴንቴ ታና ዒንሢሞ ያኦጩባኣሴ» ጌዔኔ።

44 «ዔያታ ማሃዎ ሳዳሢሞ! ናይዲንቴ ሃሣ ዴኤቢንቴ፣ ሸኦቹያ ማዒ፤ ጊንሣ ካላዲ፣ ሃርጊያ ሃርጊ፣ ቱኡቴያ ኔ ቱኡቴም ዛጊ ዓይዳ ኔና ኑ ያኦጩዋዎ ሃሼይ?» ጋዓንዳኔ። 45 ዒማና ሳኔ ታ ዒንሢሞ ጋዓኔ፤ ሃንሢ ታ ዓሶንሢሞ ዲፓ ፔቴሢሞ ዒንሢሞ ማዲባኣሢ ታኣም ዒንሢሞ ማዲባኣያኩ» ጋዓንዳኔ። 46 ዬንሢ ሃዚ ጋዓዘንሢሞ ናንጊና ጋፑዋ ሜቶይዳ፤ ዒሎንሢሞ ጋዓንቴ ናንጎና ናንጎይዳ ጌላንዳኔ።»

26

ዬሱሴ ባይዛኒ ጌሰቶና ጌኤሲ
(ማር. 14:1-2፤ ሉቃ. 22:1-2፤ ዮሃ. 11:45-53)

1 ዬሱሴ ዬንሢ ባኮ ከኤዚ ጋፔሢኮ ጊንፃ፣ ዒዛኮ ጊንፃ ሃንታ ናኣቶም፡- 2 «ላምዎ ከሊኮ ጊንፃፓ ዓይሁዶ ዓሶኮ ዑሣ ዓኣዲያ ከላ ቦንቹንታያ ማዔሢ ዒንሢሞ ዔራኔ፤ ዓሲኮ ናዓሢ ሱዒንታንዳጉዲ ዓኣሢ ዒንጊንታንዳኔ» ጌዔኔ።

25:46 25:46 ዳኣኔ. 12:2። 26:2 26:2 ከሲ. ማፃ 12:1-27።

3 ዩካፓ ቄኤሶኮ ሱኡጎና ዳርኮ ጨማ፣ ቄኤሶ ቢያሢኮ ሱኡጋሢ ቃያፓ ማኦር ካርይዳ ቡከንቴኔ። 4 ዒኢካ ዔያታ ዔርቱዋ ጎይሢና ዓርቂ ዩሱሴ ዎዳኒ ዎላ ዘርቴኔ። 5 ጋዓንቴ ዔያታ፡- «ዳርኮ ባኦካ ዛላ ዔቁዋጉዲ ቦንቾ ከሎና ማፖፓ» ጌዒ ዎላ ጌሰቴኔ።

ጎውቃ ቲዦና ዩሱሴ ቲሽኬ ላኦሌሎ
(ማር. 14:3-9፤ ዮሃ. 12:1-8)

6 ዒኢካ ዩሱሴ ቢታኒያይዳ ዑፃ ኬሰካ ዶርዓሢ ዓርቄንቴ ፖዔ፣ ሲዎኦኔ ማኦር ዓኦንቴ፣ 7 ፔቴ ላኦሊሰከና ሹቺፓ ኮሾና ቢልቃጄይዳ ሻንቾናቴ ሚርጌ ሚኢሼ ዔካንዳ ጎውቃ ቲሽ ከንሢ ዔኪ ሙካዎ፣ ዩሱሴ ሙዎር ዴዒ ዓኦንቴ ዒዛኮ ቶኦካ ዎሄኔ። 8 ዒዛኮ ጊንዎ ሃንታ ናኦታ ዩያ ዛጌ ዎዶና ጎሪንታዎ፡- «ሃያ ጎውቃ ቲዦ ጉሪ ላኦሌሢ ዓይጎርዳይ! 9 ሃይ ጎውቃ ቲዦ ሚርጌ ሚኢሼም ሻንቺንቴ፣ ሚኢሻ ማንቆ ዓሶም ዒንጊንታንዳንቴኬ» ጌዔኔ።

10 ዩሱሴ ዩያ ዔያታ ጋዓሢ ዔራዎ፡- «ሃኖ ላኦሌሎ ዒንሢ ዓይጎር ሚታጎይ? ዒዛ ኮሺ ባኦዚ ታኦም ማዳኔ፤ 11 ማንቆ ዓሳ ቢያ ዎዴ ዒንሢና ዎላኬ፤ ታኦኒ ጋዓንቴ ቢያ ዎዴ ዒንሢና ዎላ ማዓዓኬ። 12 ጎውቃ ቲዦ ታ ዑፃ ዒዛ ዎሄሢ ታና ዲኡፖም ጊኢጊሻኒኬ፤ 13 ጎኔ ታ ዒንሢም ጋዓኔ፤ ሃይ ኮዦ ሃይሳ ከኤዚንታ ዓጮ ቢያይዳ ዓንካ ማዓቶዎ ዒዛ ማዴ ባካ <ዒዛ ዩያይዳኔ> ጌይንቴ ከኤዚንታንዳኔ» ጌዔኔ።

ዪሁዳኮ ዩሱሴ ዓኦሢ ዒንጊዎር ዓሶና ጌሰቲ ጊኢጊዎ
(ማር. 14:10-11፤ ሉቃ. 22:3-6)

14 ዩካፓ ታጳ ላምፖንሢዳፓ ፔቴሢ ማዔ፣ ዓሰቆሮንቶ ዪሁዳ ጌይንታሢ ቄኤሶኮ ሱኡጎ ኮራ ዓኦዳዎ፡- 15 «ታኦኒ ዒዛ ዓኦሢ ዒንሢም ዒንጌቶ ዒንሢ ታኦም ዓይጎ ዒንጋንዳይ?» ጋዓዛ፣ ዔያታ ዒዛም ሃይሢታሚ ሹቺ ቢራ ፓይዲ ዒንጌኔ። 16 ዩማፓ ዓርቃዎ ዪሁዳ ዩሱሴ ዓኦሢ ዒንጋኒ ጊኢጋ ከሊ ኮዓኔ።

ዩሱሴ ዓይሁዳኮ ዑሢ ዓኦዲዎ ቦንቾ ከሎ ካዎሢ ሙዔሢ
(ማር. 14:12-21፤ ሉቃ. 22:7-14፤21-23፤ ዮሃ. 13:21-30)

17 ዓይሁዳኮ ላኦዶ ሙዒ ቦንቾሢኮ ቤርታሳ ከሎ፣ ዒዛኮ ጊንዎ ሃንታ ናኦታ ዩሱሴ ኮራ ሙካዎ፡- «ዑሢ ዓኦዲዎ ቦንቾ ከሎ ካዎሢ፣ ዎካ ኔኤም ኑ ጊኢጊሻንዳጉዲ ኔ ኮዓይ?» ጌዒ ዒዛ ዎኦጩኔ።

26:7 26:7 ሉቃ. 7:37-38። 26:11 26:11 ላሚ. ዎማ 15:11። 26:15 26:15 ዛካ. 11:12።

18 ዲዚ ማሃያ፡- «ካታሞይዳ ናንጋ፣ ሃያ ማአሪ ዴንዲጋጋ ሩርርዛህ፣ ታኣኮ ዎዳ ዑኬህረ ታኣኮ ጊንፆ ሃንታዞንህና ዎላ ዑህ ዓኣዲያ ቦንቾ ኬሎ ካዎህ ኔ ማአራ ታ ሙዒ ቦንቻንዳኔ» ጋዓኔ፡ ጎዑፍቴ» ጌዔኔ።

19 ዲዛኮ ጊንፆ ሃንታዞንህያ ዲዚ ዓይህህጉዲ ዑህ ዓኣዲያ ቦንቾ ኬሎ ካዎህ ጊኢጊሸኔ።

20 ዬካፓ ሳዓ ዓማዛ ዬሱሴ ታጾ ላምጎንህና ዎላ ሙጎር ዴዔኔ፤

21 ዲኢካ ዔያታ ሙዒያይዳ ዓኣንቴ ዬሱሴ፡- «ጎኔ ታ ዲንህም ጋዓኔ፤ ዲንህዳፓ ፔቴ፡ ታና ዓኣህ ዲንጋንዳኔ» ጌዔኔ።

22 ዬያሮ ዔያታ ሚርጌና ያያጎ ፔቴ ፔቴህ፡- «ጎዳህዮ፡ ታናቴዎሴ፤ ታናኬ ኔ ጋዓ?» ጌዔኔ።

23 ዲዚ ዔያቶም፡- «ዲንህዳፓ ዓኣህ ታና ዲንጋንዳህ ሃህ ታኣና ዎላ ጎንጋ ኩጮ ዳካህኬ፤ 24 ዓሲኮ ናዓህ ዲዛ ዛሎ ፃኣፒንቴ ጎይያና ሃይቃንዳኔ፤ ጋዓንቴ ዓሲኮ ናዓህ ዓኣህ ዲንጋ ዓህም ባዴዔ፤ ዬይ ዓህ ሸይንቴባኣያታቴ ኮሽታጎ ዓቴኔ» ጌዔኔ።

25 ዓኣህ ዲዛ ዲንጋንዳ፣ ዪሁዳ ሃህ፡- «ዔርርዛህዮ! ታናቴዎሴ፤ ታናኬ ኔ ጋዓ?» ጋዓዛ፡ ዬሱሴ ዲዛም፡- «ሂዮ፡ ኔ ጌዔህጉዴያኬ» ጌዔኔ።

ጎዳ ማዳ ካዎህ

(ማር. 14:22-26፤ ሉቃ. 22:15-20፤ 1ቆር. 11:23-25)

26 ዔያታ ካዎህ ሙዒኣና ዬሱሴ ካህ ዔኪ ጋላታ ሺኢጲህ ሺኢቃያ፡ ቡንጂ ዲዛኮ ጊንፆ ሃንታዞንህም፡- «ሃቦቴ ሙዑፍቴ፤ ሃይ ታናኬ» ጌይ ዲንጌኔ።

27 ዬያጉዲ ሃህ ዑሽኮ ባኮዎ ዔኪ ጋላታ ሺኢጲህ ሺኢቃያ፡- «ቢያህ ሃያይዳፓ ዑሽኮፍቴ፤ 28 ሃይ ሚርጌ ዓሶኮ ጎሞ ጌኤሻኒ ላኣሊንታንዳ ታኣኮ ዓኮ ጫኣቁሞ ሱጉያኬ፤ 29 ታ ዓደ ካኣቴሞይዳ ዎይናፓ ኮሾና ዓኮ ዑኩ ዲንህና ዎላ ታ ዑሽካንዳያ ሄላንዳኣና ሃይካፓ ሴካ ሃዮ ዎይናፓ ኮሾና ዑዜሎ ላሚ ታ ዑሽካዓኬ ታ ዲንህም ጋዓኔ» ጌዔኔ።

30 ዬካፓ ዔያታ ያኣሲ ቦንቾም ማዓ ዓይኑም ዓይናዳያ፣ ዛይቶ ሪሚቶ ዲኮ ኬሰኬኔ።

ጳጳሮሴ «ታ ዲዛ ዔሩዎሴ» ጋዓንዳህ ቤርታዲ ኬኤዚንቴህ (ማር. 14:27-31፤ ሉቃ. 22:31-34፤ ዮሃ. 13:36-38)

26:23 26:23 ዓይኑ. 41:9። 26:28 26:28 ኬሲ. ማፃ 24:8፤ ዔር. 31:31-34።

31 ዩካፓ ዩሱሴ ዒዛኮ ጊንያ ሃንታዘንሢሞ፡- « ሄንቃሢ ታ ዎዳንዳኔ፤ ማራታኣ ዣኣላንዳኔ» ጌይንቲ ፃኣፒንቴሢሮ ሃሮ ዒባሊ ታ ዒንሢኮ ዲቆ ማዔም ዒንሢ ሲያሢ ታና ሃሺ ዓኣዳንዳኔ፤ 32 ጋዓንቴ ሃይባፓ ታ ዔቁሢኮ ጊንፃ፡ ጌለላ ዒንሢ ሲሪ ታ ዓኣዳንዳኔ» ጌዔኔ።

33 ዒዛና ጳዒሮሴ ማሃዎ፡- «ሃንጎዎታ ሲያ ኔ ዛሎና ዲቁንቲ፡ ሃሺ ኔና ዓኣዳቶዎ ታኣኒ ፔቴታዎ ኔና ሃሺ ዓኣዳባኬ!» ጌዔኔ።

34 ዩሱሴ፡- «ጎኔ ታ ኔኤም ጋዓኔ፤ ሃሮ ዒባሊ ኮይዳ ቁኢቃንዳሢኮ ቤርታ ሃይሢ ማይንቲ ኔ ታ ዒዛ ዔሩዋሴ» ጋዓንዳኔ» ጌዔኔ።

35 ጳዒሮሴ ጋዓንቴ፡- «ኔኤና ዎላ ሃሃይቆቴያ ፔቴታዎ ታ ኔና ታ ዒዛ ዔሩዋሴ» ጋዓዓ» ጋዓዛ፡ ሃንጎ ዒዛኮ ጊንያ ሃንታዘንሢ ሲያ ዒማዲ ጌዔኔ።

ዩሱሴኮ ጌኤቴሴማኔይዳ ሺኢጲያ
(ማር. 14:32-42፤ ሉቃ. 22:39-46)

36 ዩካፓ ዩሱሴ ዒዛኮ ጊንያ ሃንታዘንሢሞ ዎላ ጌኤቴሴማኔ ጌይንታ ቤሲ ዓኣዳዎ፡ ዔያቶም፡- «ታኣኒ ሴኬያ ዴንዲ ሺኢቃንዳኣና ዒንሢ ሃካ ዴቡዋቴ» ጋዓዎ፡ 37 ዒዛና ዎላ ጳዒሮሴና ላምዎ ዜብዲዮሴ ናኣቶንሢ ዔኪ ዴንዳዎ ዎዩ ማለሢ ዓርቄኔ፤ 38 ዩካፓ ዔያቶም፡- «ሸምፓሢ ታኣኮ ሚርጌ ዎዩ ሃይቃኒ ቡኬኔ፤ ዒንሢ ታኣና ዎላ ሃካ ደዲ ዴቡዋቴ» ጌዔኔ።

39 ዒማና ዔያቶይዳፓ ዳካ ደጫዎ፡ ባለቲና ሳዓ ሎኦሚ፡- «ታ ዓዳሢዮ! ኔኤም ዳንዳዒንታያ ማዔቴ ሃይ ሜታሢ ታና ዎኦኮንጎ! ጋዓንቴ ኔ ጌዔሢጉዲ ማዓንዳኣፓዓቴም ታ ማለዎጉዲ ማዎፓ» ጌዒ ሺኢቄኔ።

40 ዩካፓ ዒ ማዒ ሃይሃ ዒዛኮ ጊንያ ሃንታዘንሢ ሳንሢ ሙከ፡ ዔያታ ጊንዒ ዓኣንቴ ዴንቃዎ ጳዒሮሴ ኮይላ፡- «ታኣና ዎላ ዳካ ዎይታዎ ደዲ ዒንሢ ዴዓኒ ዳንዳዒባኣዓዳ? 41 ዳቢሻኒ ጌሾ ጌሺሢዳ ዒንሢ ጌሉዋጉዲ ደዲ ሺኢቄዋቴ፤ ዓሲኮ ዓያና ሲያ ዎዴ ጊኢጌያከ፤ ዓሸኪ ጋዓንቴ ላቤያከ» ጌዔኔ።

42 ላሚ ሃሢ ዴንዳዎ፡- «ታ ዓዳሢዮ፡ ሃያ ታ ዔኩዋዎ ዓቲዎ ሜቶ ማዔቶ ኔ ማለዎ ኩሞንጎ» ጌዒ ሺኢቄኔ። 43 ላሚ ማዒ ሙካንቴ ጊንዒሢ ዔያቶ ኮሺ ባሺሢሮ ጊንዒ ዓኣንቴ ዴንቃዎ፡ 44 ሃሢ ዔያቶ ሃሺ ዴንዲ፡ ቤርታ ሺኢቄማ ጎይዎ ሃይሢሲ ሺኢቄኔ።

45 ዩካፓ ጊንያ ሃንታዘንሢ ኮይላ ማዒ ሙካዎ፡- «ሃሢ ሄለዎ ዒንሢ ጊንዒሢዳዳ? ዓሲኮ ናዓሢ ጎሞ ዓሲም ዓኣሢ ዒንጊንታንዳ

ዎዳ ዑኩኔ፤ 46 ዓካሪ ዔቁዋቴ፣ ኑ ዓኣደሞ፤ ሃይሾ ዓኣሢ ታና ዒንጋሢ ሙኩኔ!» ጌዔ።

ዩሱሴኮ ዓርቁንቲዎ

(ማር. 14:43-50፤ ሉቃ. 22:47-53፤ ዮሃ. 18:3-12)

47 ዩሱሴ ዩያ ከኤዛ ጎይሢ ዓኣንቲ ታጾ ላምፖንሢዳፓ ፔቲሢ፡ ዪሁዳ ሙኩኔ፤ ዒዛና ዎላ ጨንቻ ዓፓሮና ኮኦሎና ዓርቁ ሚርጌ ዓሲ ሙኩኔ፤ ዔያታ ዳኪንቲ ሙኩሢ፡- ቁኤሶኮ ሱኡጎና ዴሮኮ ጨሞናይዳፓኩ። 48 ዩሱሴ ዓኣሢ ዒንጋ፣ ዪሁዳ ዓሶሞ፡- «ዒንሢ ኮዓሢ፣ ታኣኒ ዒዛ ሄርቃንዳሢ ማዔሢሮ ዒዛ ዓርቁዋቴ» ጌዒ ቤርታ ከኤዜያኮ።

49 ዓማና ዪሁዳ ዑኩና ዩሱሴ ባንሢ ሙካዎ፡- «ዔርዛሢዎ! ኔ ኮሺዳ?» ጌዒ ሄርቁ።

50 ዩሱሴያ፡- «ታ ዒጊናሢዎ! ዓካሪ ኔ ሙኩ ማሊያ ኩኩንሢ» * ጋዓዛ ዓሳ ዩሱሴ ባንሢ ሙኪ ዓርቃፖ ሱሲና ዒዛ ቱኬ። 51 ዩማና ዩሱሴና ዎላ ዓኣዘንሢዳፓ ፔቲሢ ዓፓሮ ቱገዎ፣ ቁኤሶ ቢያኮ ሱኡጋሢሞ ማዳሢኮ ዎዮ ቆፂ ቲቁ። 52 ዩሱሴ ጋዓንቲ፡- «ዔዛ ሃይ፣ ጨንቻ ዓፓሮ ጎንጎና ዳኬ፤ ዓፓሮ ቱገዘንሢ ቢያ ዓፓሮና ሃይቃንዳ። 53 ዎንዴ ያዲ ማዓኒ ኮይሳያ ማዔቴታ ዓዶታ ጾኦጩሞ ታጾ ላምፖ ቤሲ ፓቁንታ ፖኦሊሶይዳፓ ባሼ፣ ከኢታንቻ ታኣም ዳኪንዳዎያ ኔኤሞ ማላ? 54 ዩይ ያዲ ማዔቶ ሃሣ ጌኤኮ ማፃኣፓ «ማዓንዳ።» ጌዔ ባካ ዎይቲ ኩማንዳይ?» ጌዔ።

55 ዓማና ዩሱሴ ዴሮሞ፡- «ሱላ ዓርቃ ዓሲጉዲ ጨንቻ ዓፓሮና ኮኦሎና ዒንሢ ዔኪ ታና ዓርቃኒ ሙኪያ? ቢያ ዎዴና ጌኤኮ ማኣሮይዳ ዴዒ ታ ዔርዛኣና ዒንሢ ታና ዓርቁባኣሴ፤ 56 ጋዓንቲ ሃይ ቢያ ማዔሢ ጾኦሲ ማሊያ ከኤዛ ዓሶ ማፃኣፖይዳ ከኤዚንቲ ባካ ኩማንዳጉዲከ» ጋዓዛ፣ ዒዛኮ ጊንዎ ሃንታዘንሢ ቢያ ዒዛ ሌሊ ሃሺ ፑኒንቲ።

ዩሱሴኮ ዎጎ ዎጋ ዓሶ ቤርቶ ሺኢኪዎ

(ማር. 14:53-65፤ ሉቃ. 22:54-55፤63-71፤ ዮሃ. 18:13-14፤19-24)

57 ዩማና ዩሱሴ ዓርቁ ዓሳ ሙሴ ዔርዜ ዎጎ ዔርዛ ዓሶንታ ዴሮኮ ጨሞንታ ኩኪንቲ ዓኣ ቤዘ፣ ቁኤሶ ቢያኮ ሱኡጋሢ፣ ቃያፓ ማኣሪ ዒዛ ዔኪ ዓኣዴ። 58 ጋዓንቲ ጴጂሮሴ ዒዛኮ ጊንዎ ሃኬ ሃኬ።

* 26:50 26:50 ፔቲ ፔቲ ሚናኣ ማፃኣፖይዳ «ታ ዒጊናሢዎ! ሃይካ ኔ ዓይጎሮ ሙኩይ?» ጋዓ። 26:55 26:55 ሉቃ. 19:47፤ 21:37።

ቁኔሶ ቢያኮ ሱኡጋሢ ማእሪ ሄለንዳእና ዓኣዳኔ፤ ዒኢካ ጋሮ ጌሊ ማዲንታ ባኮ ቢያ፡ ጋፒንዎ ሄለንዳእና ዛጋኒ ካፓ ዓሶና ዎላ ዴዔ።
59 ዬማና ቁኔሶኮ ሱኡጎና ዓይሁዶ ዓሶኮ ዎጎ ዎጋ ዓሶ ቢያ ዬሱሴ ዎዲሻንዳ ሉኡዙዎ ማርካ ኮዓኔ፤ 60 ሚርጌ ሉኡዙዎና ማርካዳ ማርካ ሺኢኬቶዎ፡ ሃይቃንዳጉዲ ዎጊሳ ማርካ ዔያታ ዴንቁባኣሴ፤ ጊንፃፓ ላምዎ ዓሲ ሙኪ፡- 61 «ሃይ ዓሢ <ጌኡዙ ማእሮ ሻሂ ሃይሦ ኬሊዳ ጊንሣ ታ ማዥኒ ዳንዳዓኔ> ጌዔ።» ጌይ ማርካዳ።

62 ዬሮና ቁኔሶ ቢያኮ ሱኡጋሢ ዔቃዎ፡- «ሃንሢ ዓሶ ኔ ጊዳ ማርካዳ ባኮኮ ቢያ ማሂ ኔ ኬኤዛ ባኣዚ ባኣዓዳ?» ጌዔ።

63 ዬሱሴ ጋዓንቴ ዚተዮ ጋዓዛ፡ ቁኔሶ ቢያኮ ሱኡጋሢ፡- «ኔ ሚሲሂ ሃሣ ያኦሲ ናይ ማዒዶ፡ ናንጊና ናንጋ ያኦዛሢ ሱንዮና ጫኣቂ ታኣም ኬኤዜ» ጌዔ።

64 ዬሱሴ ማሃዎ፡- «ኔ ጌዔሢጉዲኬ፤ ጋዓንቴ ሃይካፓ ሴካ ዓሲኮ ናዓሢ ዳኤፖ ያኦዛሢኮ ሚዛቆ ዛላ ዴዒ ዓኣንቴ ዒንሢ ዛጋንዳኔ፤ ዬያጉዲ ሃሣ ጫሪንጮ ሻኣሮና ማዒ ሙካንቴያ ዒዛ ዒንሢ ዛጋንዳኔ፤ ታ ዒንሢም ጋዓኣኬ» ጌዔ።

65 ዬማና ቁኔሶ ቢያሢኮ ሱኡጋሢ ዓፒሎ ፔኤኮ ዳጋና ዳርዛዎ፡- «ሃይሾ ዒ ያኦሲ ጫሽኬኔ! ዒንሢያ ዬያ ጫዥ ዎይኤ፤ ሃይካፓ ሴካ ማይ ዓይጎ ማርካ ኮይሳይ? 66 ዓካሪ ዒንሢም ዓይጎ ማላይ?» ጋዓዛ፡ ዔያታ፡- «ዒ ሃይቃንዳያ ኮይሳኔ!» ጌዒ ማሃ።

67 ዒማና ዒዛኮ ዔያታ ዓኣፖ ካራ ጨቴያ ጨቴ፡ ኩቺ ሙሊያ ዲላዛ፡ ዛላ ሃሣ ዒዛ ባዒ ባዒ፡- 68 «ሚሲሂ! ያናዳይ ኔና ጸርቆሢ? ሂንዳ ያኦሲ ማሊሢ ኦም ኬኤዜ!» ጌዔ።

ጳዕሮሴኮ ዬሱሴ ታ ዔሩዋሴ ጌይዎ
(ማር. 14:66-72፤ ሉቃ. 22:56-62፤ ዮሃ. 18:15-18፤25-27)

69 ዬካፓ ጳዕሮሴ ቁኔሶኮ ቢያ ሱኡጋሢ ዲሮ ጋራ ዴዒ ዓኣንቴ ፔቴ ዉድሮ ናይ ዒኢካ ማእራ ማዳሰኬና ዒዛ ኮይላ ሙካዎ፡- «ኔኤኒያ ጌሊላ ዓጮ ዓሢ፡ ዬሱሴና ዎላ ዓኣያኬ» ጌዔ።

70 ዒዚ ጋዓንቴ፡- «ኔኤኒ ዓይጎ ጋዓቴያ ታኣም ዔርቱዋሴ» ቢያሢ ቤርታ ጌዔ። 71 ዒዚ ኬሰካኒ ማርሾ ካሮ ባንሢ ዓኣዳንቴ ሃሣ ሚሌ ማዳሰኬና ዒዛ ዴንቃዎ ዒኢካ ዓኣ ዓሶም፡- «ሃይ ናዚሬቶ ዓሢ፡ ዬሱሴና ዎላ ዓኣያኬ» ጌዔ።

72 ዒዚያ ጫኣቂ ጫኣቂ፡ ቢያሢኮ ቤርታ፡- «ታ ዒዛ ዓሢ ዔሩዋሴ» ጌዔ።

26:61 26:61 ዮሃ. 2:19። 26:64 26:64 ዳኣኔ. 7:13። 26:66 26:66 ሉዊ. ዓኬ 24:16።

73 ዩካፓ ዳካ ሃሃ ኔጋዖ ዒኢካ ዔቂ ዓኣ ዓሳ ጳዲሮሴ ኮራ ሙኪ:-
«ኔኤኮ ጌኤዛፓ ዔርታሢሮ ጎኔና ኔኤኒ ዔያቶይዳፓ ፔቲሢኤ!»
ጌዔኔ።

74 ዒማና ጳዲሮሴ:- «ታና ባይዞም» ጌዒ ጫኣቃዖ «ታ ዩያ ዓሢ
ዔሩዋሴ!» ጌዔኔ። ዩማና ኮይዳ ቂኢቃዛ፣ 75 ጳዲሮሴ «ኮይዳ
ቂኢቁዋንቲ ሃይሢ ማይንቲ ኔ ታና <ዔሩዋሴ> ጋዓንዳኔ» ዩሱሴ
ጌዔሢ ጳቂሃዖ ካሮ ኬሰኪ ዒናፓ ጎጋይቂ ዩኤኬኔ።

27

ዩሱሴኮ ጲላዖሴ ቤርቶ ሺኢኪዖ

(ማር. 15:1፤ ሉቃ. 23:1-3፤ ዮሃ. 18:28-32)

1 ዚሮ ጉቲሎ ጉቲ ዓማ፣ ቄኤሶኮ ሱኡጎና ዴሮኮ ጨማኣ ቢያ
ዩሱሴ ዎዶንዶ ጎይዖ ዘርቲኔ፤ 2 ዩካፓ ዩሱሴ ዔያታ ቱኪ ዔኪ ሮሜ
ዓጮ ዎይሢ ጲላዖሴም ዓኣሢ ዒንጌኔ።

ዪሁዳኮ ሱዲንቲ ሃይቦ

(ዳኪ. ማዶ 1:18-19)

3 ዩሱሴ ዓኣሢ ዒንጌ ዪሁዳ፣ ዩሱሴ ሃይቃንዳጉዲ ጌይንቲ
ዎገንቲሢ ዛጌ ዎዶና ዳቢንቲ ማዔሢ ዔጋ ሃይሢታዎ ሹጮ ቢሮ
ቄኤሶኮ ሱኡጎና ጨዋናም ዔኪ ሙኪ ማሂ ዒንጌ:- 4 «ታኣኒ ጌኤሺ
ዓሲ፣ ሃይቢም ዓኣሢ ዒንጌሢና ዳቤኔ» ጋዓዛ፣ ዔያታ:- «ኦና ዓይጌ
ሜቲይ? ኔ ዔራ ባኣዚ ዎኦቲ!» ጌዔኔ።

5 ዩያሮ ዪሁዳ ቢሮንሢ ጌኤዦ ማኣራ ላኣሊ ኬሰኪ፣ ዴንዲ
ሱዲንቲ ሃይቂኔ።

6 ቄኤሶኮ ሱኡጋ ዩንሢ ቢሮንሢ ዔካዖ:- «ሃይ ሚኢሻ ሱጉሢ
ሻንቸናዖ ማዔሢሮ፣ ጌኤዦ ማኣሮም ዒንጎ ሚኢሻና ዎላ ሲኢራኒ
ኑም ኮይሱዋሴ» ጋዓዖ፣ 7 ዔያታ ዎላ ዘርቲ፣ ሹኦቹም ዲኡፒ ቤሲ
ማዓንዳጉዲ ፔቲ ማኒሰኤያኮ ጎሺ ሻንቂኔ። 8 ዩያሮ ዩና ቤዛ ሃና
ሄላንዳኣና «ሱጉሢ ሳዓ» ጌይንታኔ።

9 ዩያይዲዖና ዖኦሲ ማሊዖ ኬኤዛ ዔርሚያሴ ዛሎና:-
«ዒሰራዔኤሌ ናኣታ <ዒዚ ሻንቸንታንዳማኬ» ጌዒ፣ ዓርቂ
ሃይሢታዎ ሹጮ ቢሮ ዔያታ ዔኬኔ፤ 10 ዖኦዛሢ ታና ዓይሢ
ጎይዖ ማናሢ ጎዦ ዛሎ ዔያታ ጨጌኔ» ጌይንቲ ኬኤዚንቲሢ
ኩሚኔ።

ጲላዎሴኮ ዩሱሴ ያኑጨያ

(ማር. 15:2-5፤ ሉቃ. 23:3-5፤ ዮሃ. 18:33-38)

11 ሲማና ዩሱሴ ርሜ ዓጮ ዋይሣ ጲላዎሴ ቤርቶ ሺኢካዛ፣ ጲላዎሴ፡- «ኔኤኒ ዓይሁዴ ካኣቲዳ?» ጌይ ያኑጨኔ።

ዩሱሴ ማሃዎ፡- «ኔ ታና ጌዔሢ ጉዴያኬ» ጌዔኔ። 12 ጋዓንቴ፣ ቁኤሶኮ ሱኡጎና ጨሞና ዳቢንቲ ዓኣኔ ጌዔ ዲማ ዲማ ባኣዚ ኬኤዛእና ዩሱሴ ዓይጎዋ ጌዔ ባኣሴ።

13 ዩማና ጲላዎሴ፡- «ኔና ዔያታ ዎጎና ዓይሢሳኒ፣ ዓኣፒኒ ባኣዚ ፓይዳቴያ ኔ ዋይዙዋዓዳ?» ጌዔኔ።

14 ዩሱሴ ጋዓንቴ ዩይ፣ ዋይሣሢ ዲቃቲ ሄርሻንዲያ ሄላንዳኣና ፔቴ ባኣዚታዎ ማሂ ኬኤዚባኣሴ።

ዩሱሴ ሃይቃንዳጉዲ ዋጊንቴሢ

(ማር. 15:6-15፤ ሉቃ. 23:13-25፤ ዮሃ. 18:19—19:16)

15 ርሜ ዓጮ ዋይሣሢ ሌዓ ሌዓ ዓይሁደኮ ዑሣ ዓኣዲያ ቦንቾ ኬሎና ዴራ ዔያቶም ቡሊንታንዳጉዲ ኮዓ፣ ቱቱ ዓሲ ቡላሢ ዔርቱያኬ። 16 ዩናና ፑርቱሞና ዔርቱ፣ ባርባኔ ጌይንታ ዓሲ ቱቱ ዓኣኔ። 17 ዴራ ቡኪንታዛ ጲላዎሴ፡- «ባርባኔና ሜሲሄ ጌይንታ ዩሱሴናይዳፓ ያና ታዒንሢም ቡላንዳጉዲ ዒንሢ ኮዓይ?» ጌዔኔ። 18 ጲላዎሴ ዩያ ጌዔሢ ዔያታ ዒዛ ቁኢሩሞና ዓኣሢ ዒንጌሢ ዔራያታዎኬ።

19 ጲላዎሴ ዎጎ ቤዘይዳ ዴዒ ዋጋንቴ፣ ዒዛኮ ማቻ፡- «ዩያ ዓሢ ዛሎ ዋንቴ ታ ዓውቲና ሚርጌ ሜታጴኔ፤ ዩያ ጌኤዦ ዓሢ ዑፃ ዓይጎ ባኣዚያ ኔ ማዲዋጉዲ» ጋዓ ከኢታ ዒዛም ዳኬኔ።

20 ጋዓንቴ፣ ቁኤሶኮ ሱኡጎና ጨሞና ባርባኔ ዔያቶም ቡሊንቴም ዩሱሴ ሃይቃንዳጉዲ ዓሳ ያኦጮም ዴሮ ዴሚና ጌሻኔ። 21 ዓጮ ዋይሣሢያ፡- «ላምዎንሢዳፓ ያኣኒ ዒንሢም ቡሊንታንዳጉዲ ዒንሢ ኮዓይ?» ጋዓዛ፣ ዔያታ «ባርባኔ ቡሊንቶንጎ!» ጌዔ ማሄኔ።

22 ጲላዎሴያ፡- «ሂዳዎ ኪሪሰቶሴ ጌይንታ ዩሱሴ ታ ዎደንዳይ?» ጋዓዛ፣ ቢያሢ «ሱዲንቶንጎ!» ጌዔኔ።

23 ጲላዎሴያ፡- «ዓይጎሮ? ዓይጎ ዒ ፑርታ ባኣዚ ማጴይ?» ጌዔ ያኦጮዛ፣ ዔያታ ጋዓንቴ «ሱዲንቶንጎ!» ጌዔ ሃቺም ዒላቴኔ።

24 ዒዚ ማዳ ባካ ዣሎ ዔቁሲሢ ማዓንዳኣፓዓቴም ማኣዳንዳ ባኣዚ ባኣሢ ጲላዎሴ ዔራዎ፡- «ታኣኒ ሃያ ዓሢ ሱጉፃፓ ጌኤሺኬ፤ ሃይፓ ሴካ ማዳንደ ባኮ ዒንሢ ዔራኔ» ጌዔ፣ ዋኣሢ ዓይሢ ዴሮ ቢያ ቤርታ ኩጮ ፔኤኮ ማሰቴኔ።

27:24 27:24 ላሚ. ዎም 21:6-9።

25 ዴራ ቢያ ዩማና:- «ዲዛኮ ሱጉፃ ኑኡና ኑናአቶና ዑፃ ማፃፃጎ!»
ጌዔኔ።

26 ዩማና ጲላፆሴ ባርባኔ ዔያቶም ቡሊ፥ ዩሱሴ ጋዓጎቴ ዠራፓና ጳርቂሴሢኮ ጊንፃ ሱፃጎዳጉዲ ዓአሢ ዔያቶም ዒንጌኔ።

ፖኦሊሶኮ ዩሱሴ ቦሂፆ
(ማር. 15:16-20፤ ዮሃ. 19:2-3)

27 ሮሜ ዓጮ ፖኦሊሶኦ ዩሱሴ ዔኪ ሮሜ ዓጮ ዋይሢ ጲላፆሴ ማአሪ ዓአዲ ማርሾ ጋሮ ጌልዛፆ ፖኦሊሶ ቢያ ዒአካ ቡኩሴኔ።
28 ዒአካ ዔያታ ማአዓሢ ዒዛኮ ጉሱ፥ ዲንኪ ዘቄ ዓፒላ ዒዛ ማይሴኔ። 29 ሃሣ ዓንጊሢ ማሪ ካአቶ ቶኦካ ዓጎ ባአዚ ማሊሲ ቶኦካ ዒዛኮ ዓጋፆ ዋኦሽጉዴ ማሢ ኩጫ ዒዛኮ ዓይሢ፥ ቤርታ ዒዛኮ ጉምዓቲ ጉምዓቲ:- «ዓይሁዴ ካአቲዮ! ኮሺ ኔኤም ማፃፃጎ!» ጌዒ ጌዒ ዒዛ ቦሂኔ፤ 30 ጨቲያ ጨቲኔ፤ ሃሣ ዋኦኸጉዴ ኮኦሊሎዋ ዒዛ ኩጫፓ ዔኪ ዒዛኮ ቶኦካ ላሚ ላሚ ጳርቂኔ። 31 ዩያይዲ ዔያታአ ዒዛ ቦሂሢኮ ጊንፃ ዲንኮ ዘቄ ዓፒሎ ኬሲ ዒዛ ዓፒሎ ጊንሣ ማይሴ ሱፃኒ ዔኪ ዓአዴኔ።

ዩሱሴኮ ሱፃጎቶ
(ማር. 15:21-32፤ ሉቃ. 23:25-43፤ ዮሃ. 19:17-27)

32 ዔያታ ኬሰኪ ዴንዲቤቃ ጎይያይዳ ዓአፆ ሲሞኦኔ ጌይንታ ቁሪና ዓጪ ዓሲ ዴንቁ ፑርቲሴ ዓሶ ሱፆ ማፆ ዓሢ ዋልቄና ኬዲሴኔ።
33 ዩካፓ ዔያታ:- «ቶኦኪ ማጌሢ» ጌይንታ ጎልጎታ ሄሌኔ። 34 ዓንጎና ጳርቂ ኪፃሶና ቤዛ ሃርጋሢ ማአዳጎዳጉዲ ዋይኔይዳፓ ኮሾና፥ ጪሾና ዋላ ሲኢሪንቴ ዑሽ ዑሽካጎዳጉዲ ዩሱሴም ዒንጋዛ፥ ዒ ጋዓጎቴ ዑኡቁ ዛጋፆ ዑሽካኒ ኮዒባአሴ።

35 ዩሱሴ ዔያታ ሱፆፆ ዒፃ ዓጊ ዓፒሎ ዒዛኮ ጊሸቲ ዔኬኔ።
36 ዒአካ ሃሣ ዴዒ ዒዛ ዔያታ ካፓኔ። 37 ዳቢንቶ ዒዛኮ ዔርዛጎዳጉዲ ጌዒ «ሃይ፥ ዓይሁዴ ካአቲ፥ ዩሱሴኬ» ጋዓ ፃአፖና ባአዚ ዩሱሴ ሱፆጎቴ ፑርቶ ዓሶ ሱፆ ማፆ ዑፃ ጌሢኔ። 38 ዒዛና ዋላ ላምፆ ሱላ ፔቲሢ ዩሱሴኮ ማዛቆ ዛላ፥ ባጋሢ ሻውሎ ዛላ ማሃ ዔያታ ሱፃኔ።

39 ዒአኦ ጎይፆ ዓአዳ ዓሳ ማርጌና ጫሽኪ ጫሽኪ ሃሣ ቦሂሢና ቶኦኮ ፔኤኮ ዓጊሢ ዓጊሢ:- 40 «ጌኤገፍ ማአር ሻሃ፥ ሃይሣ ኬሊዳ

27:34 27:34 ዓይኑ. 69:21። 27:35 27:35 ዓይኑ. 22:18። 27:39 27:39 ዓይኑ. 22:7፤ 109:25።

ማዠሃሃ! ሂንዳ ኔና ዳቁሼ! ሂዮ ሂንዳ ያኦሲ ናይ ኔ ማዔቶ ፑርቶ ዓሶ ሱዖ ሚፃፓ ኬዴ!።» ጋዓኔ።

41 ዩያጉዲ ቁኤሶኮ ሱኡጎንታ ሙሴ ዔርዜ ዋጎ ዔርዛ ዓሶንታ ጨሞንታ ቢያ ቦሂ ቦሂ፡- 42 «ሜሌ ዓሶ ዒ ዳቁሼኔ፤ ፔና ጋዓንቲ ዒ ዳቁሻኒ ዳንዳዑዋሴ፤ ሂንዳ ዒ ዒሰራዔኤሌ ካኣቲ ማዔቶ ሃሂ ፑርቶ ዓሶ ሱዖ ሚፃፓ ኬዴንጎ፤ ኦኡኒ ዒዛ ጎኔኬ ገዒ ጉሙርቃንዳኔ። 43 ዒ ያኦሲና ጉሙርቃኔ፤ ሃሃ «ያኦሲ ናይኬ» ፔና ዒ ጋዓኔ፤ ሂንዳ ያኦሲ ዒዛ ናሽካቶ ዳቁሻንጎ!» ገዔኔ።

44 ዩያጉዲ ዒዛና ዋላ ሱዒንቲ ሱሎንሂያ ዒዛ ጫሽካኔ።

ዩሱሴኮ ሃይሶ

(ማር. 15:33-41፤ ሉቃ. 23:44-49፤ ዮሃ. 19:28-30)

45 ዓባ ሳዛ ማዓ ዋዳፓ ዴንዲ ማሂ ደሞቦልሳ ዋዴ ሄላንዳኣና ሳዓ ቢያ ዲሜኔ። 46 ዩማፓ ማሂ ደሞቦልሳኣና ዩሱሴ፡- «ዔሎሂ! ዔሎሂ! ላማ ሳባቂታኒ»* ገዒ ዳጊዲ ዒላቲኔ። ዩኖኮ ቡሊፃ «ታ ያኦዛሂዮ! ያኦዛሂዮ! ዓይጎር ኔ ታና ሃሽይ?» ገይሂኬ።

47 ዒሊካ ዔቁ ዓኣ ፔቲ ፔቲ ዓሳ፡- «ሃይ ዒ ዔኤሊያሴ ዔኤላኔ!» ገዔኔ። 48 ዩማና ዔያቶይዳፓ ፔቲሰኬይ ጳሽኪ ዴንዲ ዓፒላ ቱርጫጉዴ ባኣዚ ዋይኔይዳፓ ኮሾና ሶልኪ፡ ኮሽኩዋ ዑሺዳ ዓጊ ዋኦሽጉዴ ሚሂና ዩሱሴ ዑሽካንዳጉዲ ዔኪ ዒንገኔ።

49 ሃንጎ ዓሳ ጋዓንቲ፡- «ሃሹዋቲ፤ ሂንዳ ዔኤሊያሴ ሙኪ ዒዛ ዳቁሻቲ ኦ ዛጎም!» ገዔኔ።

50 ዩሱሴ ላሚ ሃሃ ዳጊዲ ዒላቲሰካፓ ሽምፓሂ ዒዛኮ ዴጴኔ።

51 ዩኖና ገኤከ ማኣርኮ ዴማሲያር ጎኦቦና ዓፒላ ሎፓ ሉ ሄሊ ዳርዒ፡ ላምዖ ፓቂንቲኔ፤ ሃሃ ሳዓኣ ዓጊፃም ላላ ፃሄኔ፤ 52 ዩማና ሚርጌ ዴኡፒ ቡሊንቲም ያኦሲም ዴማዴያ ማዔ ሃይቁ ዓሲያ ሃይባፓ ዔቁኔ። 53 ዩና ዓሳ ዴኡፓፓ ኬሰኪ፡ ዩሱሴ ሃይባፓ ዔቁሂኮ ጊንፃ ያኦሲም ዴማዴ ካታሞ ገሊ ሚርጌ ዓሲም ጴዴኔ።

54 ጴኤቶ ፖኦሊሶ ዓይሂሂሂና ዒዛና ዋላ ዩሱሴ ካፓዘንሂ ሳዖኮ ዓጊፃዖና ሃንጎ ማዔ ባኮዋ ቢያ ዛጋዖ፡ ሚርጌና ዒጊጨ፡- «ጎኔና ሃይ ያኦሲ ናይታዖኬ!» ገዔኔ።

55 ዒማና ገሊላይዳፓ ሙኬዘንሂና ዩሱሴ ኮይሳ ባኣዚና ቢያ ማኣዲ ማዴ፡ ዒዛ ጊንፃ ሃንታ ሚርጌ ላኣሊ ዩያ ባኮ ሃኬ

27:40 27:40 ማቲ. 26:61፤ ዮሃ. 2:19። **27:43** 27:43 ዓይኑ. 22:8።
* **27:46** 27:46 ዔሎሂ ዔሎሂ ላማ ሳባቂታኒ፡- ገይንቲዛ ዓራማይኬ ዓሲ፤ ሃሃ ዔብሪ ዓሲ ሙኡቸና ገይንቲያኬ። **27:46** 27:46 ዓይኑ. 22:1። **27:48** 27:48 ዓይኑ. 69:21። **27:51** 27:51 ኬሲ. ማፃ 26:31-33።

ዔቂ ዛጋጌ። 56 ዔያቶ ባእካ ማግደል ዓጮ ማይራማ፣ ያይቆኑቤና የሴፔናኮ ዒንዳ፣ ማይራማ፤ ሃሣ ዜብዲዮሴ ናኦቶኮ ዒንዳኣ ዓኣ።

ዮሱሴኮ ዱኡቲዖ
(ማር. 15:42-47፤ ሉቃ. 23:50-56፤ ዮሃ. 19:38-42)

57 ሳዓ ዓማዛ ዓርማቲያሴ ዓጪ ዓሲ ማዔ፣ ዮሴፔ ጌይገታ ፔቴ ዖርጎቺ ዓሲሰኬያ ሙከኔ፤ ዒዚያ ዮሱሴ ጉሙርቂ፣ ዒዛ ዓሲ ማዔያኮ፤ 58 ዬይ ዓሢ ጲላጾሴ ኮይላ ዓኣዳዖ ዮሱሴኮ ሌዞ ሸኢቃዛ፣ ጲላጾሴያ ሌዛ ዒዛም ዒንጊገታገዳጉዲ ዓይሤ። 59 ዬያሮ ዮሴፔ ሌዞ ኬይሲ ሱኡዲ፣ 60 ፔኤም ጌዒ ዶዶ ሹጮ ጳሊ፣ ቦኦኪ ኮሾና ቆኦጉይዳ ዱኡካዖ ዴኤፒ ሹቺ ቡምባልሲ ዔቶ ካሮ ዎዲ ዴንዴ። 61 ዬማና ማግደል ዓጮ ማይራምና ባጎ ማይራምና ዱኡጉኮ ቤርቶ ዛላ ዴዒ ዓኣ።

ዮሱሴኮ ዱኡጉ ካፖናሢ

62 ዚሮ ጉቴሎ ዓይሁዶ ዓሶኮ ሃውሾ ኬሎና ቁኤሶኮ ሱኡጎና ፔርሴ ዓሶና ፔቱምና ጲላጾሴ ኮራ ዓኣዲ፡- 63 «ጎዳሢዮ! ዬይ ሉኡቃሢ ቤርታ ሳዛና ዓኣዖ <ሃይሃ ኬሊኮ ጊንፃፓ ሃይባፓ ታ ዔቃንዳኔ> ጌዔሢ ኦም ጳቂ። 64 ዬያሮ ዒዛኮ ጊንፃ ሃንታዞንሢ ዴንዲ ዉኡቂ፣ ዴሮም ሃሣ <ሃይሾ ዒ ሃይባፓ ዔቂ።> ዔያታ ጎዑዋጉዲ፣ ዱኡጉ ሃይሃ ኬሊ ሄላንዳኣና ካፒንቶም ዓይሤ፤ ያዲ ማዒባኣያታቴ ጋፒንፆይዳ ዓሶ ዳቢሽዮ ቤርታኣሰካፓ ባሼ ማዒንዳኔ» ጌዔ።

65 ጲላጾሴ፡- «ዒንሢኮ ፖኦሊሶ ዔኪ ዓኣዲ ካፒሱዋቴ» ጌዔ።

66 ዬካፓ ዔያታ ዴንዲ ዱኡጉ ካሮ ሹጮይዳ ዖኦም ዔርዛ ማላቶ ጳርቂ፣ ፖኦሊሶና ካፒሲ ሃሼ።

28

ዮሱሴኮ ሃይባፓ ዔቂዖ
(ማር. 16:1-10፤ ሉቃ. 24:1-12፤ ዮሃ. 20:1-10)

1 ዓይሁዶ ዓሶኮ ሃውሾ ኬላ ጋፓዛ ዚሮ ጉቴሎ ጉቴ ዓማ ማግደል ዓጮ ማይራምና ሃሣ ሃንጎ ማይራምና ዎላ ዮሱሴኮ ዱኡጉ ዛጋጊ ዓኣዴ። 2 ዔያታ ሙኩዋንቴ ቤርታ ዔርቲባኣንቴ ሳዓ ባጊፃዛ፣ ጎዳኮ ኪኢታንቻ ጫሪንጫፓ ኬዲ፣ ዱኡጉ ዔቶ ካሮ ዎዶና

27:56 27:56 ሉቃ. 8:2-3። 27:63 27:63 ማጥ. 16:21፤ 20:19፤ ማር. 8:31፤ 9:31፤ 10:33-34፤ ሉቃ. 9:22፤ 18:31-33።

ሹጫህ ቡምባልሲ ዑፃ ዴዔ። 3 ዬያ ከኢታገቻህከ ዓኣፖ ካራ ዜኤሊንሂፕፕ። ፖዓያ፤ ሃሃ ዓፕላኣ ሻቸፕፕ። 4 ዱኡፖ ዔቶ ካፕዞንሂ ከኢታገቻህ ዒጊጨፃይዳፓ ዔቄያና ዲቃታፃ ሃይቄ ሌሲፕፕ። ማዔ።

5 ከኢታገቻህ ለኣሎንሂ ኮራ፡- «ዒንሂ ዒጊጨፖቴ፤ ሱዲንቴ ዬሱሴ ዒንሂ ኮዓሂ ታ ዔራፎ፤ 6 ዒዚ ሃይካ ባኣሴ፤ ዒ ከኤዜሂፕፕ። ሃይባፓ ዔቄ፤ ሃኒ ሙከ ዒ ለሂ ቤዘ ዘፕዋቴ። 7 ሃሂ ሩኡሪ ዓኣዲጋፓ ዒዛኮ ጊንፃ ሃንታ ናኣቶም ሃይባፓ ዒ ዔቄ፤ ጌሊላ ዒንሂ ዒ ቢሪ ዓኣዲንዳ፤ ዒኣካ ዒንሂ ዒዛ ዘጋንዳ፤ ጌዒ ከኤዘዋቴ፤ ዬያ ታ ዒንሂም ከኤዜያኮ» ጌዔ።

8 ዬካፓ ለኣሎንሂ ኮሺ ዒጊጨሂና ሃሃ ዋዘና ዱኡፖ ቤዘፓ ዑኩና ዒዛኮ ጊንፃ ሃንታዘንሂም ከኤዛኒ ጳሽከ ዴንዴ።

9 ዒኣካ ቤዘማና ዬሱሴ ዔያቶ ዴንቃ፡- «ዒንሂ ኮሺዳ?» ጋዓዛ ዔያታ ዬሱሴ ባንሂ ሙካፃ ሂርኪ ጌይ ቶኮ ዒዛኮ ዓርቄ ዒዘም ዘጌ። 10 ዬሱሴ፡- «ዒንሂ ዒጊጨፖቴ፤ ዴንዲጋፓ ታ ዒሻንሂ ጌሊላ ዓኣዲንዳፕ። ዔያቶም ከኤዘዋቴ፤ ዒኣካ ታና ዔያታ ዘጋንዳ፤» ጌዔ።

ዱኡፖ ካፓ ዓሳኮ ማርካዲፃ

11 ለኣሎንሂ ካታም ዓኣዲፃይዳ ዓኣንቴ ዱኡፖ ካፓ ፖኦሊሶንሂዳፓ ፔቴ ፔቴዘንሂ ካታም ዴንደፃ ማዔ ባኮ ቢያ ቄኤሶኮ ሱኡገም ከኤዜ። 12 ዬካፓ ቄኤሶኮ ሱኡገና ጨምና ዋላ ቡከንቴ ዘርቴሂኮ ጊንፃ ፖኦሊሶንሂም ሚርጌ ሚኣሺ ዒንጋ፡- 13 « ኦኡኒ ጊንዒ ዓኣንቴ ዬሱሴኮ ጊንፃ ሃንታዘንሂ ሙከ ዒዛኮ ሌዘ ዉኡቄ፤ ጌዒ ዴርም ከኤዘዋቴ። 14 ዓጮ ዋይሃሂ ዬያ ዋይዜያ ማዔቶ ዒንሂዳ ሜቶ ዒ ሄሊሱዋፕ። ኦኡኒ ዒዘም ከኤዘንዳ፤» ጌዔ።

15 ዬያር ፖኦሊሶንሂ ዔያቶም ዒንገና ሚኣሺ ዔካፃ ዔያቶም ከኤዘንቴሂፕፕ። ማዔ፤ ዬያ ሃኖ ሄላንዳኣና ዓይሁዶ ዓሳ ከኤዘ።

ዬሱሴኮ ጊንፃ ሃንታዘንሂም ጴዲፃ

(ማር. 16:14-18፤ ሉቃ. 24:36-49፤ ዮሃ. 20:19-23፤ ዳኪ. ማደ 1:6-8፤ 1ቆር. 15:3-8)

16 ዬካፓ ዬሱሴኮ ጊንፃ ሃንታ፡ ታጳ ፔቴዘንሂ ዒዚ ዔያቶም ዓኣዲንዳፕ። ከኤዜ ጌሊላይዳ ዓኣ ዲኮ ዓኣዴ። 17 ዒኣካ ዒዛ ዔያታ ዴንቃፃ ዒዘም ሂርኪ ጌዒ ዘጌ፤ ዘላ ጋዓንቴ ዒዘና ንጋንዳ? ጌዔ። 18 ዬማና ዬሱሴ ዒዛኮ ጊንፃ ሃንታዘንሂ ኮራ ሙካፃ፡-

28:16 28:16 ማቴ. 26:32፤ ማር. 14:28።

«ቢታንቶ ቢያ ጩሪንጩና ሳዖናይዳ ታኣም ዒንጊንቴኔ፤ 19 ዬያሮ
 ዓኣዲጋፓ ዳሮ ቢያ ዓድ፥ ናዖ፥ ዓያኖ ጌኤገኖናሮ ማዓንዳጉዲ ዋኣዖና
 ማሰኪ ማሰኪ ታ ዓሲ ማሁዋቴ፤ 20 ታ ዒንሢም ዓይሤ ባኮ ቢያ ዓሳ
 ካፓንዳጉዲ ዔያቶ ዔርዙዋቴ፤ ታኣኒያ ዓጮኮ ጋፒንዖ ሄላንዳኣና
 ቢያ ዋዴ ዒንሢና ዋላኬ» ጌዔኔ።

28:19 28:19 ዳኪ. ማዶ 1:8።

ጌሌዥ ማግኔግ
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማግኔግ

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929